


Լ. ԿԵՆԵՆՅԱՆ



ԵՐԵՎԱՆԻ ԿՆԵՆՅԱՆ ԼՈՒՆԳԱԿԱՆ
19. 11 1964

თარგმანი ლ. და ა. კალენჯერიძეებისა



ამ წიგნის ავტორმა გამოიყენა დოკუმენტური მასალები, რომელთა საფუძველზე გაგვაცნო ვლადიმერ ილიას ძე ლენინის ცხოვრების ზოგიერთი ეპიზოდი. წიგნი გვიჩვენებს რაოდენ კაცთმოყვარე, უბრალო აღამიანებისადმი რაოდენ გულისხმიერი და ყურადღებიანი იყო მწრომელთა დიდი ბელადი.

ვინც კი ოდესმე შეხვედრია დიდ ლენინს, მისთვის ეს შეხვედრა მარად დაუვიწყარია.



ღღავეანდელი დღის შთახეობილება

ღირექტორი კლასში მათემატიკის მასწავლებელთან ერთად შემოვიდა, მიესალმა მოსწავლეებს და ჰკითხა — რა გქონდათ დღეისათვის გაკვეთილადო. მას მშვიდი, დაბალი ხმა ჰქონდა, მხოლოდ ასო „რ“-ს ისეთნაირად გამოთქვამდა, რომ „რ“-ს მაგივრად „ღ“ გამოუღიოდა: „გამარჯობის“ ნაცვლად „გამაღჯობას“ ამბობდა.

ყოველმა მოსწავლემ იცოდა, რომ ღირექტორს ილია ნიკოლოზის ძეს ეძახიან, რომ მან თვითელი მოსწავლის სახელი და გვარი ზეპირად იცის, რომ დაფასთან გამოძახებულს კრიკაში არ უდგება და მისახვედრ კითხვებსაც კი უსვამს, უყვარს გახუმრება. მიუხედავად ამისა, როცა ღირექტორმა მაგიდიდან ჟურნალი აიღო, კლასში უჩვეულო სიჩუმე ჩამოვარდა, კრინტი არავის დაუძრავს, არც ფაჩუნი ისმოდა, არც სუნთქვა.

— ზაიცევი ივანე!

ივანე ზაიცევიმა აჩქარებით გაისწორა ხალათი და გვერდზე მოქცეული ქაპარი, შემდეგ ქოჩორზე ხელი გადაისვა და დაფისაკენ გაემართა. დაფა სუფთა იყო, მაგრამ მაინც გულმოდგინედ გაწმინდა ჩვრით, აიღო ცარცი და თამამად შეხედა ღირექტორს. ღირექტორი - მოღიშარი თვალებით შესცქეროდა, თითქოს ეკითხებოდა: როგორა ხარ, ივანე ზაიცევიო.

ისინი შეიძლებოდა ძველ ნაცნობებად მიგვეჩნია, უფრო მეტიც — ზაიცევი ილია ნიკოლოზის ძის თავისებური „ნათლულიც“ კი იყო. ახლა გარეთ თავგამეტებით ჩხავიან ქილყვაები, ვოლგაზე ყინულს ტკაცატყუცი გააქვს, იმ დღეს კი, როცა ზაიცევი სიმბირსკში ჩამოვიდა, შუა შემოდგომა იდგა. იგი დიდხანს მიდიოდა უგზოზე, გვერდს უვლიდა საფუნდუკო სადგურებსა და ტალახში ჩაფლულ სოფლებს (თვითონაც ასეთივე სოფლიდან გამოიქცა), ღამეს ათევდა თივის სველ ზეინებში, თავს დაჰყურებდა გრიფელის დაფის მსგავსი, მოშანდაკებული ნაცრისფერი ცა. ილლიაში ამოეჩარა მთელი ავლა-

დიდება: ჩუვაშურად მოქარგულ, გაცრეცილ პირსახოცში გამოხვეული პუ-
რის ნატეხი და ნაწერით ავსებული რვეული.

ქალაქ სიმბირსკში ყველაფერი ისე იყო, როგორც უამბობდნენ: ქუჩებში
ეტლები დადიოდა, სამრეკლოზე უცნაურად რეკდა საათი. იყო ახლახან გახს-
ნილი სკოლა, სადაც ჩუვაშებს, თათრებს, მორღველებს, ბაშკირებს, ყალმუ-
ხებსა და, როგორც რუსეთის იმპერიაში უწოდებდნენ, სხვა ინოროდლების
შვილებს იღებდნენ.

ზაიცევს დაავიანდა. სკოლაში მეცადინეობა დაწყებული იყო, კლასები
შეევსოთ. ამ ამბავმა ისე დაამწუხრა, კინაღამ თვალთ დაუბნელდა და ენა ჩა-
უვარდა: იგი ხომ მამას გამოექცა, რომ ესწავლა, ახლა კი ყველაფერი წყალში
იყრებოდა. ივანეს უთხრეს — შენ მხოლოდ ერთი კაცი, სახალხო სკოლების
დირექტორი. თუ გიშველისო.

სკოლის დარაჯმა — ჯარისკაცის მეღლებიანმა, ენაწყლიანმა მოხუცმა მას
დაწვრილებით აუხსნა, რომ დირექტორი უბრალო კაცი კი არა, ნამდვილი
სახელმწიფო მრჩეველია, ხოლო ამ ჩინს თუ სამხედროსას შევადარებთ, დი-
რექტორი გენერალს, „თქვენო აღმატებულებას“, ეტოლებათ. ვანია ზაიცევს
გული გადაუქანდა — ამ ჩინების არათუ გამოთქმა, დახსომებაც არ შეეძლო.
დარაჯმა შენიშნა, რომ მისმა სიტყვებმა ძლიერ იმოქმედა ბიჭზე და გაამ-
ხნევა:

— ნუ გეშინია! ილია ნიკოლოზის ძე შენსავით და ჩემსავით უბრალო ადა-
მიანია! შენი ბედი, რომ ახლა ქალაქშია, უფრო მეტად გუბერნიაში დაიარება...
დღეს სწორედ აქ მოვა... ჩამოჩექი ეგერ, დაელოდე...

დირექტორის ქალაქში ყოფნა ნამდვილად ბედნიერება იყო, მაგრამ უფრო
დიდი ბედნიერება სხვა რამ გახლდათ: როგორც ეტყობოდა, დირექტორს იმის
გაგონებაც არ სურდა, რომ, თუ მის ჩინს სამხედროსას შევადარებდით, იგი
გენერალს, „თქვენო აღმატებულებას“, ეტოლებოდა. როცა იგი ენის ბორძი-
კით მოუბარ ნორჩ მთხოვნელს უსმენდა და მის რვეულს ფურცლავდა, თვალე-
ბი უღიმოდა: „კარგი, გეთაყვა, ჩაგრიცხავ, მაგრამ სხვებს უნდა დაეწიო! შეძ-
ლებ?!“

ზაიცევი როგორც მზეს, ისე შესცქეროდა მუნდირში გამოწყობილ ამ ტან-
მორჩილ, ხმელ-ხმელ კაცს და თვალებს მალიმალ ახამხამებდა. თავისი ხან-
მოკლე ცხოვრების მანძილზე უიმედობა და სასოწარკვეთილება ასეთი დიდი
ბედნიერებით არასდროს შეცვლია, და საკუთარი გამბედაობით გაკვირვებულ-
მა უბასუხა — მე ბეჯითი ვარ, დავეწევიო...

ახლა კი დაფასთან არა მარტო ამოცანას ხსნიდა, რომელშიც ვაჭარმა-
ორმოცი ბათმანი ქერი იყიდა, არამედ დირექტორს უმტიციებდა, რომ ის,

ვანია ზაიცევი, სერიოზული ბიჭი და თავისი სიტყვის პატრონია. მხოლოდ ერთ ადგილას შეფერხდა ცოტათი, მაგრამ ეს უცოდინარობით არ მოსვლია, დაავიწყდა, რომ ვაჟრის მოგებისათვის ორი შაური უნდა მიემატებინა.

— ოლი შაული სადლა დაკალგე? — შეეკითხა ილია ნიკოლოზის ძე.

ვანიამ სწრაფად გაასწორა შეცდომა და ამოცანა სწორად ამოხსნა.

— კალგია! — უთხრა ღირეკტორმა. — დაჭეკი.

ზაიცევმა ხელები გაიწმინდა და თავის ადგილისკენ გასწია. მას ცხვირი უბზინავდა, თვალები გაცივროვნებული ჰქონდა, ახლა შეეძლო მშვიდად ესმინა, როგორ გამოკითხავდნენ სხვებს. ღირეკტორმა კიდევ ერთი მოსწავლე გაიძახა, შემდეგ მასწავლებელს სთხოვა, გაკვეთილი განეგრძო, თვითონ კი უკანა მერხზე, ორი ქერათმიანი ბიჭუნას გვერდით ჩამოჯდა, რომლებიც ღვიძლი ძმებივით ჰგავდნენ ერთმანეთს. ზაიცევმა შენიშნა, როგორ აუწითლდათ ბიჭებს ყურები სიამაყისგან, და მათი შეშურდა. იგი ხშირად აბრუნებდა თავს და მალულად უყურებდა ღირეკტორს, რომელიც ყურადღებით უსმენდა მასწავლებელს.



ბოლო გაკვეთილი რუსული ენა ჰქონდათ. ამ საგანს ვასილ ანდრიას ძე კალაშნიკოვი ასწავლიდა. ვასილ ანდრიას ძე ისე ახალგაზრდა იყო, რომ მოსწავლეები უბრალოდ ვასიას ეძახდნენ. იგი გაკვეთილს გატაცებით ხსნიდა, ხშირად სახე ენთებოდა და ლოყებსა და ნიკაბზე მამინ უფრო ემჩნეოდა ჰაბუკური ღინღლი.

უკან ხელებზემომწყობილი ვასილ ანდრიას ძე ახლა ღინჯად დააბიჯებდა საკლასო ოთახში.

— დასრულდა დღევანდელი დღე, — თქვა მან, — ყოველი თქვენგანი რაღაცას აკეთებდა, რაღაცას უყვირდებოდა, რაღაცაზე ფიქრობდა. მაშასადამე, დღევანდელმა დღემ ერთგვარი შთაბეჭდილებანი შეგიქმნათ. ასე არ არის? იქნებ რაიმემ ძლიერი შთაბეჭდილება მოახდინა თქვენზე? სწორედ ეს შთაბეჭდილება უნდა იყოს საკლასო თხზულების თემა. თხზულებას დავარქვათ: „დღევანდელი დღის შთაბეჭდილება...“ შეგიძლიათ დაწეროთ თქვენი სასკოლო ცხოვრების რომელიმე ამბავზე ან შემთხვევაზე.

მასწავლებელმა ცარცი აიღო და დაფაზე გარკვევით დაწერა:

„დღევანდელი დღის შთაბეჭდილება“.

ჯერ კლასში თავშეკავებული გუგუნი, ქალაღლის შრიალი, მერხების კრიალი გაისმა. შემდეგ ხმაური თანდათან მიწყდა. მხოლოდ ხანდახან თუ ამოიხვნიშებდა ვინმე მძიმედ, ან წაიბუტბუტებდა — დაიწყო შემოქმედებითი ტანჯვა. ვიღაცამ ხმამაღლა წაიფრუტუნა, ალბათ, რაიმე სასაცილო მოაგონდა. ზოგი ჩაფიქრებული იჭდა, ზოგიც გამალებით წერდა. მათ შორის იყო ვანია ზაიცევიც. ვანიას დიდხანს არ უფიქრია. დღევანდელი დღის შთაბეჭდილება სასწრაფოდ აღუდგა მეხსიერებაში, რადგან სულ ის უტრიალებდა თავში.

„...დღეს, დღის ცხრა საათზე, მათემატიკის გაკვეთილზე შემოვიდა ბატონი დირექტორი ილია ნიკოლოზის ძე...“

ასე დაიწყო ვანიამ თხზულება. შემდეგ დაწერა, რა მოხდა გაკვეთილზე: დირექტორმა დაფასთან გამიძახა, სახელმძღვანელოდან ამოცანა მიკარანახა, მე, ცოტა არ იყოს, შემეშალა და ილია ნიკოლოზის ძემ მკითხა — სად დაჯალგე ოლი შაულიო...

„ეს ჩამებეჭდა მეხსიერებაში, — გულმოდგინედ წერდა ზაიცევი, — და ვფიქრობდი: მე მოწაფე ვარ, მაგრამ შემიძლია ბგერა „რ“ სწორად წარმოვთქვა, დირექტორი კი, ასე დიდი, ჰკვიანი კაცია და ვერ მოუხერხებია „რ“ თქვას და არა „ღ“...“

ვანიამ ნაწერს კიდევ ზოგი წვრილმანი რამ დაუმატა და გადაიკითხა. სოფელში იგი ფანქრის ნალევით წერდა ყველაფერზე და ყველგან: ველად, ტყეში, ზაფხულობითაც კი ნახევრად ჩაბნელებულ ფარდულში. ამ ზამთარში მან სუფთა წერას მთელი გულისყურით მოჰკიდა ხელი. ამიტომ ასოები ერთმანეთს აღარ ეკვროდა, სტრიქონებიც სწორად მიიმართებოდა. დღეს ვანია კმაყოფილი იყო ლამაზად დაწერილი ასოებითაც, თხზულებითაც და ნაწერი ერთ-ერთმა პირველმა გადასცა კლასის მორიგეს.



ნაწერის დაბრუნების დროს კლასში ყოველთვის მღელვარება ისადგურებდა. ყველას ერთი სული ჰქონდა, ვიდრე ნიშანს გაიგებდა. როცა ვასილ ანდრიას ძე რვეულების დასტით კლასში შევიდოდა, ძლივს ინარჩუნებდა მშვიდ, სერიოზულ გამომეტყველებას, ისე მოუთმენლად შეჰყურებდნენ მოსწავლეები.

ამჯერად ეტყობოდა, რომ უკმაყოფილო და გაჯავრებულად კი იყო. წარბებზეკრული ადევნებდა თვალს, როგორ არიგებდა მორიგე რვეულებს. შემდეგ იკითხა:

— ყველამ მიიღეთ?

— მე არ მიმიღია, ვასილ ანდრიას ძე! — წამოდგა ზაიცევი.

ვასილ ანდრიას ძე ერთ ხანს თვალჩაიციებით მისჩერებოდა ვანიას, შემდეგ მაგიდაზე ხელი დასტაცა რვეულს, მოიქნია და სახეში ესროლა მას.

— სალახანა! — უთხრა ქშენაავარდნილმა მასწავლებელმა. — სალახანა ხარ შენ!

ჯარისკაცივით გაკვირული ზაიცევი არ განძრეულა. პატარა, დაწვმაღალი პირისახე გაუქვავდა. ვილაცამ იატაკიდან რვეული აიღო და მერხზე დაუდო. ყოველი მხრიდან მოცვიდნენ ცნობისმოყვარენი, აქეთ-იქიდან ჩაჰყურებდნენ რვეულს.

საშინელი რამ მოხდა. მაგრამ რა იყო ეს საშინელი რამ, ზაიცევი ვერ ხვდებოდა. მას ლოყები და ტუჩები უცახცახებდა, ცრემლები ახრჩობდა. ვასიას არასდროს არავისთვის უსროლია რვეული. არავისი ნაწერი არ გადაუხაზავს ასე, არ დაუწერია ასეთი ნიშანი.

— ადგილებზე! — მკაცრად თქვა მასწავლებელმა.

მოსწავლეები მყისვე მოსცილდნენ ზაიცევს. ისიც დაჯდა. წინ ჯვარდინად, წითლად გადახაზული თხზულება ედო. ფურცლის კუთხეში ჩანდა მრგვალი, ავბედითი, ვეება ნული, რომელიც ბუს თვალს წააგავდა, ხოლო იქვე მასწავლებლის გარკვეული ხელმოწერა: „ვ. კალაშნიკოვი“.

სწორედ ამ დროს კლასში დირექტორი შემოვიდა. „დასხედით!“ — თქვა დინჯი, წყნარი ხმით და, როგორც ყოველთვის, მასწავლებელს ჰკითხა, — რა აქვთ დღეს მოსწავლეებს გაკვეთილადო. როცა გაიგო, რომ მათ წინა გაკვეთილზე დაწერილი თხზულებები დაუბრუნეს, ჩამოვლა და ნიშნების გასინჯვა დაიწყო. „ო, ო, როგორ მოგივიდა?“, ან: „როგორც ჩანს, გიყოჩაღია!“ — ამბობდა ხანდახან.

ზაიცევმა უფრო დახარა თავი. ილია ნიკოლოზის ძე მის მერხს მიუახლოვდა და და იკითხა:

— როგორ დაწერა ივანე ზაიცევმა?

დირექტორმა მერხზე გაშლილ რვეულს პატარა, შავი ხელი დაავლო. კლასში სამარისებური სიჩუმე ჩამოვარდა. დირექტორი ვანიას ნაწერს კითხულობდა. ყველამ დაინახა, რომ ის იღიმებოდა.

— ვასილ ანდრიას ძე! რისთვის დაგიჯილდოებიათ ეს ბიჭუნა მოღრეცილი წითელი ჯვრის ორდენით და უზარმაზარი კარტოფილით? რა არის აქ ისეთი? გრამატიკული შეცდომებია? აზრი არაა დალაგებული?

მასწავლებელი ნელა მიუახლოვდა.

— მითხარით, ვასილ ანდრიას ძე, რა იყო თხზულების თემა?

— დღევანდელი დღის შთაბეჭდილება! — დახშული ხმით მიუგო კალაშნიკოვმა.

— ჩემი აზრით, აქ სწორედ შთაბეჭდილებაა გადმოცემული, — ცოცხლად უთხრა ილია ნიკოლოზის ძემ.

— კი მაგრამ... ეს შთაბეჭდილება... — კალაშნიკოვი ძლივს პოულობდა სიტყვებს, — მე არც კი ვიცი... რა ვუწოდო ამას...

— თქვენ რაიმე ცუდს ხედავთ აქ?

— მე მგონია... მე ვფიქრობ... — კალაშნიკოვი აიწურა. — ყოველ შემთხვევაში, მე მიმაჩნია, რომ ეს... უხერხულია... შეუწყნარებელია... აქ უპატივემლობაა უფროსებისადმი, რომლებიც...

ღირექტორმა სიტყვის დამთავრება არ აცალა.

— მაპატიეთ, ვასილ ანდრიას ძე, მაგრამ არ შემიძლია დაგეთანხმოთ! ბიჭუნამ დაწერა ის, რამაც მასზე შთაბეჭდილება მოახდინა იმ დღეს და. რაც მთავარია, — ღირექტორმა ხაზგასმით წარმოთქვა ეს სიტყვები: — დაწერა გულწრფელად! აქ არაფერია მოგონილი, არაბუნებრივი. გრამატიკულად ყველაფერი სწორია, თხზულება დაწერილია დალაგებულად და შეესაბამება მიცემულ თემას. ეს ერთ-ერთი საუკეთესო თხზულებაა...

მან მერხიდან კალმისტარი აიღო, სამელნეში ჩააწო და დააწერა: „ფრიადი. ი. ულიანოვი“.

— იმედი მაქვს, ვასილ ანდრიას ძე, რომ თქვენ ჩემს შეფასებას არ უარყოფთ. მერწმუნეთ, თხზულება ამ შეფასების ღირსია!

მასწავლებელი დაფასთან მოულოდნელად გაძახებულ მოსწავლესავით თავდახრილი იდგა ღირექტორის წინ. აი, დღევანდელი დღის შთაბეჭდილება. რომლის შემდეგ უკვე შეუძლებელია ცხოვრება ისე, როგორც აქამდე ცხოვრობდი. მან გაკვეთილი მიიღო საგანში, რომელსაც არც ერთ სასწავლებელში არ ასწავლიან. გაკვეთილი იყო მორიდებული, არ შეუღახავს მისი თავმოყვარეობა, მაგრამ როგორი გადატრიალება მოახდინა მის სულში!..

შემდეგ საოცრად წარიმართა ვასილ ანდრიას ძე კალაშნიკოვის ბედი. მას წილად ხვდა ბედნიერება, შინამასწავლებლად ყოფილიყო ულიანოვების ოჯახში, ხოლო შემდეგ, სულ სხვა ეპოქაში პიონერებს მოუთხრობდა იმ გაკვეთილის შესახებ, რომელიც ახალგაზრდობაში ვლადიმერ ილიას ძე ლენინის მამისაგან მიიღო.

ვანია ზაიცევიც მასწავლებელი გახდა. მრავალი წლის შემდეგ იგი ნადეჟდა კონსტანტინეს ასულ კრუპსკაიასადმი გაგზავნილ წერილში საოცრად ნათლად იგონებდა „მოდრეცილი წითელი ჯვრის ორდენს და უზარმაზარ კარტოფილს“.

ნ ა ვ ი ნ ი ნ !



ცხელ დღეებში ვაჭარს ჩაის სმა ზედ ნავმისადგომზე, სიგრილეში უყვარდა. აქედან მეპატრონის თვალით გაპყურებდა მიდამოს. მას საჩარდილობელში ადგილი შეერჩია. აქ იღვა მაგიდა, თუნთუხებდა სამოვარი, ბზინავდა თეთრი ჩაიდანნი. რამდენიმე ნაბიჯს იქით კი დინჯად და აუჩქარებლად მიედინებოდა მზეზე მოლაპლაპე ვოლგა.

დღესაც, როგორც ყოველთვის, ვაჭარი აჩემებულ ადგილას იჯდა. ბიჭმა წინ თვალისმომკრელად გაპრიალებული სამოვარი დაუდგა. ნავმისადგომი ოდნავ ირხეოდა, კრაქუნებდა ფიცრები. მისადგომთან საკვამურდაფერდებული პატარა გემი ბოლავდა. კარკაპზე ფეხშიშველა მეზღვაურები ფუჟფუჟებდნენ, ნელ-ნელა გროვდებოდნენ სიცხისაგან მოთენთილი მგზავრები.

ვაჭრის მაგიდასთან შარვალაკაიწებული მეზღვაური გაჩერდა.

— გესმის, უფროსო?! — უთხრა მან. — ახლახან ნავებს ჩავუარე, იქ ერთი კაცი მენავეებს ურიგდებოდა, გაღმა გამიყვანეთო. ამბობდა — მეჩქარება, კარკაპს ვერ დავეუცდიო. მენავეები ჭოკმანებდნენ, ის კი თავისას გაიძახოდა: რა უფლება აქვთ ნავით გაღმა გასვლა აკრძალონ... მდინარე არავის არ ეკუთვნისო...

ვაჭარი არც შემობრუნებულა, ზანტად ჰკითხა:

— სულ ეგ იყო?... გასწი, საითაც მიდიოდი!..

ცოტა ქვევით, ნაპირზე, იქ, სადაც კუპრით გაშავებული ნავეები იდგავილაც თხელხალათიანი ახალგაზრდა ჭადარაულუვაშიან, სახედარულ ვოლგელს დაბეჯითებით ეუბნებოდა:

— გაიგეთ, რომ არავის არ შეუძლია მგზავრების გაღმა გაყვანა დაგიშალოთ! არ არსებობს ასეთი კანონი... ჩვენშიაც კი!

— აბა, მაგისას ჩვენ რას გავარკვევთ, ბატონო! — უპასუხა ჭადარაულ-

ვაშინამა. — მოიჯარადრე ისაა, ქალაქს ის აძლევს ფულს. აი, მთელი კანონი! ახალგაზრდამ კოპები შეკრა.

— ხალხის გადაყვანაზე რომ იჯარას იღებს, ეს მისი საქმეა, მაგრამ ვიმეორებ, არავითარი უფლება არა აქვს გადაყვანა სხვისაც აუკრძალოს. თქვენ სრული საფუძველი გაქვთ სასამართლოში უჩივლოთ.

ქალარაულევაშინამა ხელით გახვეული პაპიროსი ჩააქრო, მაგრამ ნამწვი წყალში კი არ გადაუგდია (პატივი სცა დედა-ვოლგას), სილაში ჩატკეპნა.

— ფული ჩეჩქივითა აქვს, მოსამართლესაც მოისყიდის! არ გაგიგონიათ, ბატონო, ძალა აღმართსა ხნავსო.

— რას ამბობთ! — ჭიუტად მიუგო ახალგაზრდამ. — დაუშინებხართ. აქ რომ თვითნებობაა, მტყიცება არ სჭირდება! თუ სასამართლოს მიმართავთ, იძულებული შეიქნებიან, დასაჯონ!

ქალარაულევაშინამა ხელი ჩაიქნია და არაფერი უპასუხა. მეორე მენავე, რომელსაც დაგლეჯილი ქუდი ეხურა, გვერდით იდგა და გაუბედავად იყურებოდა ნავმისადგომისაკენ.

— წავიდეთ? — ჰკითხა მას ახალგაზრდამ.

— სულ ერთია უკან დაგვაბრუნებს! — ყოყმანით უპასუხა მენავემ.

— ჩვენ წავიდეთ და ვნახოთ! გაბედოს ერთი!

ახალგაზრდა პასუხს არ დაელოდა, ნავს მძლავრად უბიძგა წყლისკენ, შიგ. ჩახტა და კიჩოზე მოექცა. მენავეც მიჰყვა, მან რამდენიმე ნაბიჯი წყალ-წყალ გაიარა, თან თავს აქნევდა, თითქოს უკვირდა, როგორ დამიყოლიესო. შემდეგ თვითონაც აფოფხდა ნავზე. დაიჭრიალა ნიჩბების პალოებმა. ნიჩბებქვეშ წყალი აღგაფუნდა. მგზავრი ჩაფიქრებული იცქირებოდა წინ.

ბუმბერაზი მდინარის ამ გაშლილ სივრცეს, ამ თვალუწვდენელ მიდამოებს იგი ბალღობიდანვე ხედავდა, მაგრამ თვალს განა ოდესმე მოსწყინდება მათი მზერა? ნავი სწრაფად მისრიალებდა. უკვე საცქაო მანძილით მოშორდნენ ნა-ზირს, გაღმა მზარე კი ისევ შორს იყო. უცებ მენავემ მძლავრად დასთხლიშა ნიჩბები.

— აჰა, გადავედით! — წამოიძახა გაბრაზებულმა. — საით იცქირებით! ნავმისადგომს გახედეთ.

ნავიდან კარგად ჩანდა, როგორ მოადგა ნავმისადგომის კიდეს წვეროსანი, გრძელხალათიანი კაცი და როგორ მიიღო ორივე ხელი საყვირივით პირზე.

— ეჰ-ჰე-ჰე-ჰე! დაბ-რუნ-დი! — გაისმა მისი ძახილი.

— თვითონ ვაჭარი ვარჯიშობს? — ჰკითხა მენავეს თვალმოკუტულმა ახალგაზრდამ.

— მაშ ვინ იქნება? თვითონ ბრძანდება!.. გესმით, როგორ ღრიალებს,

მთელ ვოლგაზე ისმის მისი ხმა! ბატონია!.. — მენავემ ცალყბად ჩაიცინა.. — ჰკითხეთ ერთი, რა ხელს ვუშლით? მთელი ხალხი მას ეხვევა. ჩვენ კი ერთი კაპიკის შოვნასაც ვკვიშლის... და ყოველთვის ისაა მართალი. დიდი ძალის პატრონი გახდა!

წვეროსანმა ხელები დაიქნია, თითქოს ნიშანს იძლევაო:

— ე-ე-ჰეი... დაყრუვდი თუ რა დაგემართა! შეაბრუნე ნავი!..

— ნავი წინ! — მოკლედ მოსჭრა ახალგაზრდამ. მას თვალები დაუწვრილდა, დაებინდა. — ეჰ, ნეტავ კიდევ იყოს ნიჩბები!

— მაინც ამაოა! — ნადვლიანად უთხრა მენავემ. — ახლა, უყურეთ, უფასო სანახაობა გაიმართება... ხედავთ, რამდენი ხალხი შეგროვდა იქ? ყოველი მხრიდან მორბიან!

— მოგროვდნენ მერე! ნავი წინ!

მენავე ამ მტკიცე ხმას დაემორჩილა და ნიჩბების მოსმა განაგრძო. ის იყო მდინარის შუაგულს გასცდნენ, რომ პატარა გემის საკვამურის თავზე თითქოსდა ღრუბელი აიჭრა, ახშიანდა საყვირი, გემს კარკაპის საბუქსირო ბაგირი ახსნეს და იგი სწრაფად გაექანა ნავისაკენ, უკან ტალღების თითქოსდა უძრავ ნაოჭებს ტოვებდა.

გემზე თავდასასხმელად გამზადებული მეზღვაურები იდგნენ, მათ მრისხანედ აღემართათ ბარჯები. სხვებივით ფეხშიშველა და შარვალაკაპიწებული ერთი კაცი, — ალბათ კაპიტანი, — რომელსაც მეზღვაურის თეთრი ქუდი ეხურა, ხრინწიანი, სმისაგან ჩახლეჩილი ხმით იძლეოდა განკარგულებებს:

— საჰე მა-ა-რჯენივ! სრული სვლა!

როცა დამნაშავეთა ნავამდე ორი საჰენილა დარჩა, კაპიტანმა დაიხავლა:

— უჟუსვ-ლ-ა! სდექ!

ძრავამ რამდენიმეჯერ ყრუდ დაირახრახა და გაჩერდა. გემი თითქმის ზედ მიადგა ნავს, რომელსაც მაშინვე მოსდეს რამდენიმე ბარჯი.

— აჰ ნავებით ხალხის გადაყვანა აკრძალულია! — დამაჯერებლად წარმოთქვა კაპიტანმა. — გთხოვთ გემბანზე ამობრძანდეთ!

— თქვენ უფლება არა გაქვთ გაგვაჩეროთ! — სწრაფად მიუგო ახალგაზრდამ. — პასუხს აგებთ!

— ეს ჩვენ არ გვეხება! ჩვენ ვინ რას გვეკითხება! როგორც მეპატრონემ გვიბრძანა, ისე ვიქცევით! თუ ვალმა გასვლა გსურთ, აჰ ამობრძანდით! ნავს კი იქით არ გავუშვებთ!..

ახალგაზრდამ მენავეს ფული მისცა, გემბანზე ავიდა, მაშინვე ამოიღო ჩიბიდან უბის წიგნაკი და მოითხოვა გემის შემადგენლობის გვარები ჩაეწერი-ნებინათ.

— ამის გაკეთება შეგვიძლია! — გულგრილად უპასუხა კაპიტანმა. — ჩაიწერეთ, თუ გსურთ!

როცა მგზავრი ნაემისადგომზე მიიყვანეს, მას თვით ეახლა მოიჯარადრე და მოწყალე ლიმილით უთხრა:

— რა გრჯით, ბატონო?! მოგროვდება ხალხი და კანონიერი წესით გაგიყვანთ გალმა... მანამდე კი, არ ინებებთ ჩაიზე დამწევიოთ? გვაქვს თაფლი, პლითები...

მგზავრს თითქოს არც გაუგონია შეპატიეებო, ჰკითხა:

— ვინ დაადგინა ეს, როგორც თქვენ ამბობთ, კანონიერი წესი?!

— ვინ და მე! — ვაჭარი ისევ ისევ იღიმებოდა. — მე საიჯაროს ვიხდი და ნებას ვერ მივცემ!.. ამიტომ უფლებას არ ვაძლევ!.. მაშ არ გნებათ ჩაი?.. როგორც გენებოთ!

ხალხი კი უფრო და უფრო მატულობდა. მოდიოდნენ ჩანთებით, ტომრებ-ბით, ბოხჩებით. მოვიდა რამდენიმე დატვირთული საზიდარი. ბოლოს მეზღვაურებმა კარკაპზე ასასვლელი ფართო ფიცრები განალაგეს და დაიწყო მგზავრების ჩასხდომა და ტვირთის აზიდვა. გემმა იკივლა, არასრახდა ძრავა, მაგრამ ამ დროს მალალი ნაპირიდან ძახილი მოისმა. დაგვიანებულები ხელის ქნევით მორბოდნენ და უკან ჟანგისფერი მტვრის კორიანტელს აყენებდნენ. კაპიტანმა შეიცადა — მეპატრონეს მგზავრებს ხომ არ დაუპარგავდა.

— აუშვით გემი! — იყვირა ბოლოს ხრინწიანი ხმით.

გემმა საბუქსირე ბაგირი დაკიმა და კარკაპი გაღმისკენ წაათრია.

ვაჭარმა საჩრდილობელს მიაშურა. მსახურმა პატარა ბიჭმა გავარვარებული ნაკვერცხლები მიუტანა სამოვრისთვის.

ვაჭრის მაგიდას ერთი ნაცნობი მოხელე მიუჯდა. ნავზე თავდასხმას ისიც შესწრებოდა და ახლა მოიჯარადრესთან ერთად სჯიდა მომხდარ ამბავს.

— ეს რა ახირებული ვინმე ყოფილა! — ამბობდა ვაჭარი და ლამბაქს სულს უბერავდა.

— მაგისტანები ახლა საკმაოდ მომრავლდნენ! — უთხრა მოხელემ, რომელიც კოვზით მოკრძალებულად წრუპავდა ჩაის. — მაგრამ რა საჭიროა ეს აყალმაყალი? ფუჭი ჰაიპოია!.. აი, თუნდაც პატარა ტალღა: მოიწევს, მასაც უნდა მალა ასვლა, მაგრამ მიეხეთქება მისადგომს და მოგვამა ჭირი!..

მათ მალე დაავიწყდათ ნავიც, მისი მგზავრიც და ქალაქის ახალ ამბებზე გააბეს საუბარი, მოჰყვენენ ჭორაობას. ვერც ერთი მათგანი ვერ იფიქრებდა, რომ დადგებოდა დრო, როცა მთელი ქალაქი იმ დღეს მომხდარ ამბავზე ალაპარაკდებოდა.

საქმე იმით დაიწყო, რომ ვაჭარს შინაურულად აცნობეს, სამარაში გიჩი-

ვიან თვითნებობის გამო. ვაჭარი ჯერ ვერ მიხვდა რაზე იყო ლაპარაკი. ბევრი საქმე გაუკეთებია, ბევრი ფათერაკიდან დაუძვრენია თავი, მაგრამ ასეთი არაფერი ახსოვდა.

მას აუხსნეს, რას ნიშნავდა ეს საჩივარი, ისიც უთხრეს — საქმე აღუძრავს ვილაც ულიანოვს, ნაფიცი ვეჭილის თანაშემწეს, რომელიც სამარაში პრაქტიკაზეაო. მესხიერებიდან ამოცურდა ახალგაზრდული, ჯიუტი სახე, დაეინებით მომზირალი, მოჭუტული თვალები. მოაგონდა, რა თქვა მოხელემ ტალღის შესახებ: „დახეთ! — გუნებაში ჩაიცინა ვაჭარმა. — მაშინებს!“ მას არაფრით არ სჭეროდა, რომ მაწანწალა მენავეების გამო შეიძლებოდა სასამართლო საქმე აღძრულიყო.

მაშინ ვაჭარს უფრო ნათლად განუმარტეს: მართალია, ეს დიდი საქმე არაა, მაგრამ პასუხსაგებია, მუხლი თვითნებობის შესახებ კი გულისხმობს ერთო თვით პატიმრობას, რაც არ შეიძლება შეიცვალოს ჯარიმითო.

ვაჭარი რომ ზედმეტად არ შეწუხებულიყო, ურჩიეს ერთი ვეჭილი აეყვანა. ვეჭილს ყველაფერზე ეტყობოდა, რომ გამოქეჭილი კაცი იყო, ატარებდა გაცვეთილ ფრასს, ყნოსავდა თამბაქოს. ვაჭარს მანაც უთხრა — საქმე არც ისე მნიშვნელოვანია, მაგრამ საშაროა, რადგან თვითნებობა აშკარად ჩანსო, თან დაუმატა, ეშმაკს არ სძინავს, მაგრამ ღმერთი მოწყალეაო. ვეჭილმა წინასწარი გასამრჩელო მიიღო და დანიშნულ დროს საქმის გარჩევაზე წავიდა. საქმე კი განსახილველად შორს გადაგზავნეს, იმ მანრაში, სადაურიც მოპასუხე იყო.

როცა ვეჭილი საერობოს უფროსთან გამოცხადდა, მომჩივანი უკვე იქ იყო. ვეჭილი თავაზიანად მიესალმა:

— სამარიდან ჩამობრძანდით, კოლეგა? ოი, რა შორიდან მოსულხართ! ას ვერსზე ნაკლები არ უნდა იყოს... ჩვენი, რუსეთის გზებით მგზავრობა ხომ საშინელებაა!

ჩამოსულმა მოკლედ უპასუხა, მანძილი მართლაც არცთუ მცირეაო, მაგრამ ლაპარაკი აღარ გაუბამს. მალე ისინი საერობოს უფროსის ოთახში მიიწვიეს. წარმოსადგემა, თვალბშეშუბებულმა კაცმა საჩივარი გადაიკითხა და ორივე მხარეს ურჩია მორიგებულიყვნენ, რამდენადაც საქმე დავად არა ღირს, წვრილმანია და სავსებით შეიძლება მისი სიამტკბილობით მოგვარებო.

ჩამოსულმა მოკლედ მიუგო, რომ დღესაც და მომავალშიაც უარს ამბობს მორიგებაზე და მოითხოვს გასამართლებას არსებული კანონის საფუძველზე. რამდენიმე ხნის შემდეგ საერობოს უფროსმა გამოაცხადა თავისი გადაწყვეტილება: საქმე ზოგიერთი გარემოების გაურკვეველობის გამო გადაიდო.

როცა ვეჭილი უკან დაბრუნდა, ვაჭარს ყოველივე უამბო, რაც ნახა და

გაიგონა. ვაჰარი დაფიქრებით აწვალებდა წვერებს. მან რამდენჯერმე ჰკითხა ვეჟილს:

— ერთი მითხარი, რისთვის ირჩება ის კაცი? ღმერთმანი, ვერ გამიგია! შენ ფულს გაძლეე და ამიტომ არ ზოგავ თავს, ტყუილუბრალოდ თითსაც არ გაანძრევდი. ასე არ არის? ის კი თავისასაც ხარჯავს, დროს კარგავს, დადის... ეს რაღას ნიშნავს?

— ბრევია! — უპასუხა ვეჟილმა მხრების აჩეჩვით. — უაზროდ იბღინძება და მეტი არაფერი! მაგრამ, მოვიდა სეტყვა, დახვდა ქვაო. საერობოს უფროსი ჰკუთას ასწავლის! საქმეს ახლა დიდხანს ვერ დაძრავს ადგილიდან...

ვეჟილმა იცოდა, რასაც ლაპარაკობდა. უკვე შემოდგომა ილეოდა, ვოლგაზე სუსხი იდგა, ნაპირები გადაშიშვლებულიყო. ერთ ავდრიან დღეს მომჩივან-მოპასუხემ სასამართლოს უწყებები მიიღეს.

ამჯერად ვეჟილის მომლოდინე ვაჰარი ღელავდა, გული ელეოდა.

— საქმე მეორედ გადადო საერობოს უფროსმა! — მიახარა მას მეორე დღეს ვეჟილმა, თან ხითხითებდა და ხელებს ისრესდა. — გამონახა მიზეზი! ვერ ავიწერთ, რა აუტანელია ის სამარელი!.. — ვეჟილის ხმაში ერთგვარა აღფრთოვანება გამოსჰვიოდა. — მთლად გაწუწული, ტალახში ამოსვრილი მოვიდა... თქვენც კარგად იცით, როგორია სამარიდან მგზავრობა. პირდაპირ სული ამოგძვრება!.. ის კი ვითომც ვერაფერს ამჩნევს... კვლავ შესთავაზეს მორიგება. ქვა ააგდო და თავი შეუშვირა!.. მაგრამ არა უშავს, ერთ ხანს კიდევ ივლის უფროსთან, ივლის და ქანცი გაუწყდება... სულს ამოვხდით და მოგვეშვება, აბა რა იქნება!

ვაჰარი ღუმდა. მას ისეთი გრძნობა ჰქონდა, თითქოს სწორ გზაზე მიდიოდა და უცებ შუბლით დაეჯახა რაღაც უხილავს, მაგრამ კაცივით მაგარს...

ღრო კი გადიოდა. ვოლგა ყინულმა შეკრა. გეგონებოდათ, ამ ვეებერთელა თეთრ ველზე არასოდეს ნავეებით მიმოსვლა არ ყოფილა და არც ხალხი გადაჰყავდათ, თვით ნავმისადგომი ახლა ყინულის ზღაპრულ სახლს ჰგავდა.

ახალ წლამდე რამდენიმე დღით ადრე ნაფიცი ვეჟილის თანაშემწეს — ვლადიმერ ილიას ძე ულიანოვს — საერობოს უფროსის უწყება მიუვიდა. შინაურებმა იცოდნენ, რომ მას დავა ჰქონდა ვაჰართან. დედა შესცქეროდა შვილს, რომელიც სტუმართან ჰადრაკს თამაშობდა, და შეშფოთებით ფიქრობდა, რომ მას კიდევ ელოდა უძილო ღამე, სადღაც შორს ხეტიალი — მატარებლით, ეტლით და ფეხითაც. დედამ იცოდა, რომ შვილს ვერაფრით დაითანხმებდა, მაგრამ გულმა მაინც არ მოუთმინა:

— ვალოდია, დაანებე თავი იმ ვილაც ვაჰარს! ტყუილად წახვალ, გაიტანჯები და მეტი არაფერი.

— წასვლა საჭიროა, დედა, — მორიდებით უპასუხა ვაჟმა, ასწია თავი და შეხედა. — საქმე ბოლომდე უნდა მივიყვანო! ასეთი შემთხვევის ხელიდან გაშვება არ შეიძლება! რამდენიც არ უნდა აკიანურონ საქმე, განაჩენის გამოტანა მაინც მოუხდებათ! ამას გაიგებს ასობით ადამიანი, მთელი ქალაქი. მეტად სასარგებლო გაკვეთილი იქნება! საერთოს უფროსის ტაქტიკა ნათელია — უნდა საქმე გააკიანუროს, გადადოს, რადგან სხვა გამოსავალი არა აქვს... ისევე, როგორც თქვენ, — ღიმილით მიუბრუნდა თავის პარტნიორს და ხმამაღლა წამოიძახა:

— შამათი!.. მაგრამ ასეთი ტაქტიკით მე ვერ გადამატდენენ... მხოლოდ ისაა, რომ მატარებელი გარიჟრაჟე გადის და ღამე ადგომა დამქირდება.



გაზაფხული იყო. ადიდებულ მდინარეზე დინჯად მიცურავდნენ და ნელი ხმაურით ერთმანეთს ეხლებოდნენ დაღწილი ყინულის ხორგები, წყალი სულ უფრო და უფრო მატულობდა ყინულებს შორის. სველ მინდვრებს ოდნავ ასდიოდა ორთქლი, გუბურებში მზის ანარეკლი კრთოდა. ნაოსნობა ჯერ არ დაწყებულიყო, ორთქლის გემები მხოლოდ ხმას იწმენდნენ, ჩახრინწული ხმით ეხმინებოდნენ ერთიმეორეს, უბეებსა და ნავმისადგომებში ყინულს ამტვრევდნენ, ხალხის გადაყვანა კი უკვე განახლებული იყო. ახლა ხალხი მთელ ფლოტილიას გადაჰყავდა. აქ ნახავდით მეთევზეთა მრავალიჩზიანი ნაგებს, მედიდურ კანჯოებს და თავისუფლად მოსრიალე პატარა ნაგებს. თუ სადმე ლაპარაკს შეჰყვებოდნენ, მაშინვე მოიგონებდნენ ნავმისადგომის მფლობელ ვაჟარს, რომელიც საპატიმროში იჯდა.

დაგლეჯილქუდიან მენავეს თავი გმირად მიაჩნდა. ის უკვე, ალბათ, მეასეჯერ ჰყვებოდა, თუ როგორ მიჰყავდა მგზავრი, რომელმაც „ასე ყოველისმძლე ვაჟარი“ ჩააგდო საპატიმროში, თანაც ყოველთვის სხვანაირად ჰყვებოდა.

— ჩვენებურია, ვოლგელია! ერთი შეხედვით მიხვდები, რა კაცია! ჭაბუკია, მაგრამ ვაჟაკაცია, რიხიანი ხმა აქვს! როგორც კი მოკლედ მითხრა, ნავი წინო, ნიჩბები მაშინვე თავისთავად ამოძრავდა.

— დაიცა, ვაჟარი განა დიდხანს იქნება საპატიმროში! გამოვა და გიჩვენებს სეირს! სიცოცხლეს გაგიძალებს! — უთხრა ერთმა.

მენავემ მხიარულად გაიცინა:

— ნურას უკაცრავად! ჩვენს ვაჟარს ჩაი ყელში შეუგუბდა! მეტად აღარ მოისურვებს ციხეში ჩაქლომას! ხოლო თუ რაიმეს განიზრახავს, ჩვენ მას... — მენავემ რაც შეეძლო მეტი ჰაერი შეისუნთქა და ჩახრინწული ხმით დაიძახა:

— უკუსვლ-ა-ა! სღე-ქ!

ს რ დ ა ვ ი ნ ყ ნ ი ა



ლენინის უკანასკნელი არალეგალური მუშაობის შესახებ ბევრი რამ დაწერილა. დღეები, როცა ლენინი დროებითი მთავრობის მეძებრებს ემალებოდა და იატაკქვეშეთიდან ხელმძღვანელობდა ოქტომბრის შეტევის მომზადებას, ასახულია რომანებსა და პიესებში, მოთხრობებსა და მოგონებებში, ნარკვევებსა და კინოსურათებში. ალბათ, იმიტომ რომ ისტორიულად ესოდენ დიდმნიშვნელოვანია ყოველი ის დღე, შეუმჩნეველი დარჩა ლენინის არალეგალურად მუშაობის უკანასკნელ ხანთან დაკავშირებული ერთი პატარა ეპიზოდი.

ეს ამბავი უდიდესი ისტორიული მოვლენების გვერდით ძალიან უბრალოდ გამოიყურება, მაგრამ საუცხოოდ ავსებს ლენინის დიად პორტრეტს.



როცა სერდობოლის ქუჩის ერთ-ერთი ბინის დიასახლისმა გაიგო, რა უაღრესად პასუხსაგები ამოცანა ეკისრებოდა, მხოლოდ ერთმა ამბავმა ჩააფიქრა.

ბავშვები! რა უყოს ბავშვებს?

მალე შემოდგომა დადგება. ბავშვები აგარაკიდან დაბრუნდებიან. გალოჩკა კომერციულ სასწავლებელში სწავლობს, სეროიჯა წელს პირველ კლასში შევა. ბავშვები მაინც ბავშვებია; თუ ისინი იმ ბინაში იცხოვრებენ, სადაც ვიღაც იმალება, შეიძლება რაიმე წამოსცდეთ და საიდუმლოება გამჟღავნდეს...

უცებ მარგარიტა ვასილის ასულ ფოფანოვას გაახსენდა დეიდა, რომელიც ნიკოლოზის ქუჩაზე ცხოვრობდა. აი, სად შეიძლება დროებით დააბინაოს თავისი გალოჩკა და სეროიჯა.

— არა, ეს შეუძლებელია, — უთხრა ნადეჟდა კონსტანტინეს ასულმა კრუჰსკაიამ, როცა მისი განზრახვა გაიგო. — ნუ იფიქრებ, რომ სასტიკი ვარ, მაგრამ ბავშვების ქალაქში დატოვება არ ივარგებს. შენ დიდ საფრთხესთან დაკავშირებული, დაძაბული მუშაობა გელის, ბავშვები კი გასაქანს არ მოგცემენ. კრუჰსკაია მართალი იყო.

„მგზნებარე ბოლშევიკი ქალი“ (ასე უწოდებდნენ მარგარიტა ვასილის ასულს ამხანაგები) უყოყმანოდ დაეთანხმა და სხვა გზას დაადგა: გადაწყვიტა ბავშვები ბებიასთან და ბაბუასთან გაეგზავნა უფის გუბერნიაში. წერილში მშობლებს წერდა: პეტროგრადში შიმშილობაა და მეც ეფიქრობ უფისაკენ ვიბრუნო პირი, ჯერ კი გთხოვთ, ბავშვები შეიფაროთო. მისმა უმცროსმა დამ ვეროჩკამ თავს იღო გაჰყოლოდა ბავშვებს შორ გზაზე.

ასე ერთობლივად გადაწყდა დედისათვის ეს მძიმე საკითხი. ახლა მარგარიტა ვასილის ასულს შეეძლო მთელი სულიერი ძალები თავისი მთავარი საქმისათვის შეეწირა.

ლენინთან, რომელიც ფინეთში იმალებოდა, ყველაფერი შეთანხმებული იყო. გლეხის ქალივით ჩაცმული და ყალბი საბუთებით აღჭურვილი ნადეჟდა კონსტანტინეს ასული კრუჰსკაია ეწვია ლენინს და მას ფოფანოვას მისამართი და ბინის გასაღები გადასცა.

შემოდგომაზე სერდობოლის ქუჩაზე დაბინავდა ახალი „მდგმური“ — სესტრორეცკის იარაღის ქარხნის ზეინკალი კონსტანტინე პეტრეს ძე ივანოვი. მაშინვე შემუშავდა კონსპირაციის წესები: „მდგმურს“ პირობითი ზარის რეკვის გარდა, არავითარ რეკვაზე არ უნდა გაეცა პასუხი, არ უნდა მისულიყო ფანჯრებთან, არ უნდა ეხმაურა.

მეზობლები ცუდი ადამიანები როდი იყვნენ, მაგრამ მარჯვნივ ცხოვრობდა თექვსმეტი წლის უქნარა, რომელიც არც სწავლობდა, არც მუშაობდა და საექვო ძმაბიჭები ჰყავდა. ფოფანოვას და ამ უქნარას ბინას მხოლოდ ერთი კედელი ჰყოფდა.

— ხედავ, ვალოდია, როგორი მდგომარეობაა, — შენიშნა ნადეჟდა კონსტანტინეს ასულმა. — შენ კი ოთახში სიარული და თანაც ღიღინი გიყვარს... ამ ჩვეულებაზე უარი უნდა თქვა!

ვლადიმერ ილიას ძემ მორჩილად დახარა თავი: რა გაეწყობათ...

ოთახში, სადაც ისინი საუბრობდნენ, წიგნებიანი თაროელი იდგა. ზედა თაროზე ვლადიმერ ილიას ძემ გალოჩკასა და სეროიყას ფოტოსურათი შენიშნა. ფრთხილად გადმოიღო სურათი და დიდხანს დააჩერდა. სახეზე რაღაც ჩრდილი გადაეფინა.

— როგორ ჩავიდნენ? როგორ მოეწყვენენ? — იკითხა მან დაფიქრებით.

მარგარიტა ვასილის ასულმა უპასუხა: მისი და ვეროჩკა უკვე დაბრუნდა, კარგად უმგზავრიათ, ურიგოდ არ მოწყობილან, გალოჩკა უფაში ცხოვრობს და სწავლობს, პატარა სერიოჟა კი ბაბუას სოფელში წაუყვანიაო.

ლენინი ყურადღებით უსმენდა.

— ერთი რამ უნდა გთხოვოთ, მარგარიტა ვასილის ასულო! სთხოვეთ თქვენს დას უახლოეს ღროში აქ შემოიაროს... მსურს პირადად ვესაუბრო.

გაგრძელდა კონსპირაციის დღეები. „მდგმური“ შეუპოვრად მუშაობდა. წერდა იმავე მაგიდაზე, სადაც წინათ გალოჩკა ამზადებდა გაკვეთილებს. თავისუფალ წუთებში ვარჯიშობდა, — ცდილობდა შეჩვეოდა ოთახში უხმაუროდ სიარულს.

ერთ-ერთ საღამოს, როცა მაგიდასთან ისხდნენ და ჩაის სევამდნენ, ლენინი უცებ დიასახლისს შეეკითხა:

— განსოვთ, ერთი დაპირება რომ არ შემისრულეთ? სადაა თქვენი და?

მარგარიტა ვასილის ასული გაოცდა. არ დავიწყნია! ასეთი უმნიშვნელო რამეც კი ახსოვს!

დიასახლისმა მალე მოიყვანა სერდობოლის ქუჩაზე თავისი უძკროსი და. იგი სულ ახალგაზრდა იყო. ყველა ვეროჩკას ეძახდა. ვლადიმერ ილიას ძე კი ყოველთვის სახელით და მამის სახელით მიმართავდა. ლენინმა დაწვრილებით გამოჰკითხა — დიდხანს მოუნდნენ გზას თუ არა, როგორი ვაგონით იმგზავრეს — თბილანათი თუ სამგზავროთი, გაუქირდათ თუ არა მატარებელში ჩასხდომა, როგორ იკვებებოდნენ გზაში, ხომ არავინ გამხდარა ავად, როგორ შეხვდნენ მათ უფაში.

ვეროჩკას წასვლის შემდეგ იგი კვლავ მივიდა წიგნების თაროედთან, სადაც გალოჩკასა და სერიოჟას ფოტოსურათი იღო.

— ნუ დარდობთ, მარგარიტა ვასილის ასულო! — მისი ხმა განსაკუთრებულად ალერსიანი იყო. — მალე იხილავთ თქვენს შვილებს... შემატყობინეთ, გეთაყვა, როგორც კი უფიდან ამბები მოვა...

ოქტომბრის დამდეგს ვლადიმერ ილიას ძე პირველად გამოვიდა ბინიდან. მარგარიტა ვასილის ასულს მთელი ღამე არ ეძინა. წამდაუწუმ მიადგებოდა ფანჯარას, თითქოს შემოდგომის ღამის წყვილიაღში რაიმეს დანახვა შეეძლო. წვიმა ფანჯრის მინებს უშხაპუნებდა, ქრიალებდა ხეები, იფიქრებდით, არასოდეს აღარ გათენდებო.

ამ დროს კი კონსპირაციულ ბინაში, კარპოვკაზე, ბოლშევიკების პარტიის ცენტრალურ კომიტეტს სხდომა ჰქონდა. ლენინის მოხსენების საფუძველზე მიიღეს რეზოლუცია შეიარაღებული აჯანყების შესახებ.

დაიშალნენ გვიან ღამით. სერდობოლის ქუჩამდე შორი იყო. კოკისპირულად წვიმდა. ეინო რახიამ ლენინს ურჩია, ღამე მასთან გაეთია.

განთიადისას ვლადიმერ ილიას ძე სამუშაოზე მიმავალ ხალხს შეერია და სერდობოლის ქუჩაზე დაბრუნდა თავიდან ფეხებამდე გაწუწული და ტალახში ამოსვრილი.

— ესაა დედაქალაქი! — ხუმრობით ჩიოდა იგი. — შეუძლებელია უკლოშოდ გარეთ გასვლა, მაგრამ კალოშები რომ არ მიყვარს?!

გავიდა რამდენიმე დღე და ის ისევ რახიასთან ერთად გავიდა სახლიდან. ამჯერად პარტიის ცენტრალური კომიტეტის სხდომა უფრო ახლოს — ბოლოტნაიაზე მიმდინარეობდა. ღამისთევის მიუხედავად, ვლადიმერ ილიას ძე მხნედ, ყოჩაღად გამოიყურებოდა, თვალები უბრწყინავდა. სიცილით ჰყვებოდა, როგორ მოსტაცა ქარმა ქული პარიკთან ერთად და როგორ მისდევდა უკან...

და აი დადგა ათას ცხრაას ჩვიდმეტი წლის ოცდაოთხი ოქტომბერი — ლენინის არალეგალური მუშაობის უკანასკნელი დღე და ისტორიაში უდიდესი რევოლუციური გადატრიალების დასაწყისი.



ამ დღეებში მარგარიტა ვასილის ასულს, როგორც ის შემდეგ იგონებდა, თავის მოსაფხანად არ ეცალა. ასრულებდა სამხედრო-რევოლუციური კომიტეტის დავალებებს და არც ძილი ახსოვდა და არც დაღლილობა.

მარგარიტა ვასილის ასული, მონაწილე და მოწმე იმ ამბებისა, რომლებზედაც აქამდე ასობით წიგნი იწერება, სმოლნის ვეებერთელა თეთრსვეტებიან დარბაზში იყო იმ დროს, როცა მანამდე უჩვეულო, არგაგონილი, მქუხარე ოვაციები კედლებს აზანზარებდა. ლენინი ტრიბუნაზე იდგა და ხალხს საათს უჩვენებდა — გეყოფათ, კმარა, დროა დაეიწყოთო. მაგრამ ტაშის გრიალი უფრო და უფრო მატულობდა. მუშები, ჯარისკაცები, მეზღვაურები, გლეხები მიესალმებოდნენ რევოლუციის ბელადს. ბევრი მათგანი პირველად ხედავდა ლენინს.

მესამე დღე რომ იწურებოდა, სმოლნის გრძელ, ნახევრადჩანგლებულ, ზახით გაჭედულ დერეფანში ფოფანოვას ნადეჟა კონსტანტინეს ასული მიუახლოვდა:

— იცი, მარგარიტა! ილიჩი საშინლად დაიქანცა, ფეხზე ძლივს დგას! მე პირდაპირ შიში მიპყრობს!.. როგორ მინდა რამდენიმე საათი შენს მყუდრო ოჯახში დავყო... ჩვენ ჯერ ბინაც კი არა გვაქვს...

მართლაც, უდიდესი ქვეყნის მთავრობის მეთაური, იმ ქვეყნისა, რომლის

ტერიტორიაზე თავისუფლად დაეტეოდა სამი ამერიკა, ჯერ ისევ უზინაოდ იყო. როგორც ჩანდა, ის ყველაზე ნაკლებად ფიქრობდა ამაზე.

დარბაზობამ სერდობოლის ქუჩაზე, როგორც ამას დიპლომატიურ კომუნიკეში დაწერდნენ, გულთბილ ატმოსფეროში ჩაიარა. ლარიბული ვანშმის შემდეგ სახალხო კომისართა საბჭოს თავმჯდომარე გავიდა მისთვის ნაცნობ ოთახში, სადაც მანამდე ე. პ. ივანოვის სახელით ცხოვრობდა, და იქ, რამდენიმე დღის არაადამიანური დაძაბულობის შემდეგ, ჩაეძინა უშფოთველ სიჩუმეში...

დილით ვლადიმერ ილიას ძე განსაკუთრებული სიამოვნებით მიდიოდა ფანჯრებთან, ფეხების ბაკუნით მიმოდრიოდა ოთახში, ხმამაღლა მღეროდა ყმა-წვილობისდროინდელ საყვარელ რომანსს:

ჩვენ ვიქორწინეთ უკვლესიოდ,
არ ვმდგარვართ მღვდლებთან სანთლებით ხელში,
არ უმღერიათ საგალობლები,
არცა ყოფილა ჯვრისწერის წესი¹.

საუზმის შემდეგ სმოლნში გამგზავრებისას წიგნის თაროედთან შეჩერდა, სადაც ფოტოსურათი იდო.

— მარგარიტა ვასილის ასულო, წერილებს თუ ღებულობთ?.. ახლა კი მალე ჩამოგივლენ ბავშვები.

მაგრამ მოვლენებმა, რომლებიც ოქტომბრის შემდეგ მალე დაიწყო, ეს შეხვედრა გადადო.

თოთხმეტმა სახელმწიფომ დაუწყო ომი საბჭოთა ქვეყანას. ზაფხულისათვის ახალგაზრდა საბჭოთა რესპუბლიკის ტერიტორიის სამი მეოთხედი თეთრ-გვარდიელებისა და ინტერვენტების ხელში აღმოჩნდა.

შეწყდა წერილები უფიდან. ვერავინ გაიგებდა, რა ბედი ეწიათ გალოჩკას და სერიოჟას. უფა თეთრებმა დაიკავეს.



დათვალეს და გამოვიდა, რომ ერთ სერიოზულ ამერიკულ გაზეთს წლის განმავლობაში მოესწრო ორმოცდაჩვიდმეტჯერ გამოეცხადებინა: „საბჭოთა ხელისუფლება დაემხო“, „წითელი არმია განადგურებულია“ და „ლენინი საიოთ გაიქცა, არავინ იცის“.

¹ ლექსები თარგმნა ი. ქემერტელიძემ.

ამ დროს კი წითელი არმია თეთრგვარდიელებს ანადგურებდა, უკან იბრუნებდა წართმეულ ქალაქებს, ხოლო ლენინის ნებისყოფა, ლენინის სიტყვა მილიონობით ადამიანს ალაფრთოვანებდა ზურგსა და ფრონტზე ახალი საგმირო საქმეებისთვის.

უფის ჯერიც დადგა.

კოლჩაკმა იცოდა, რომ უფის დაკარგვა მისთვის მთელი ურალის დაკარგვას ნიშნავდა. იგი მოითხოვდა, ციმბირიდან დამხმარე ძალების მოსვლამდე გაეძლო ქალაქს. მაგრამ უკვე გვიან იყო. მტრის ქვეშევრდებისა და ტყვიამფრქვევების ცეცხლში წითელი არმიის ნაწილები მდინარე ბელაიას მარჯვენა ნაპირზე გადავიდნენ. უფელი მუშები შეუპოვრად, თავდაუზოგავად ეხმარებოდნენ ჩვენს მეომრებს — აწვდიდნენ ნავებსა და ტივებს.

წითელი არმიის ნაწილებმა უფა აიღეს.

ათასობით ადამიანი წითელი დროშებით შეეგება გამარჯვებულებს. მაგრამ ჩვენს სარდლობას კიდევ ერთი ამოცანა ჰქონდა: სახალხო კომისართა საბჭოს თავმჯდომარის პირადი განკარგულებით სამხედრო ნაწილს, რომელიც პირველი შეიჭრებოდა უფაში, უნდა ეპოვა ამხანაგ მარგარიტა ვასილის ასულ ფოფანოვას ბავშვები და დაუყოვნებლივ გაეგზავნა მოსკოვში.

უფაში პირველად სახელგანთქმული ჩაპაევის დივიზია შეიჭრა.

ლენინის განკარგულება ზუსტად შესრულდა.

შხაღბაზრდა ამხანაბი



მოსკოვს გაზაფხული სწევოდა. ახალგაზრდა კაცი ქუჩაში მიდიოდა და გუბეებს ფრთხილად უვლიდა გვერდს, უსტვენდა, თან ხალისიანად ფიქრობდა: „რა კარგი რამაა ეს მზე, რამდენ შუქს იძლევა, თანაც სრულიად უფასოდ! არც არავითარი გარჯა გპირდება, არც მაგნიუმის აბრიალება! დღეიდან ნამდვილად გადავდივარ მზის კმაყოფაზე!“

მოსკოვის ნაადრევი გაზაფხულის მიერ მოძღვნილ ყველა სიკეთეს ახალგაზრდა კაცი სხვანაირად აღიქვამდა: იგი ფოტოგრაფი იყო, მაგრამ უბრალო ფოტოგრაფი კი არა, „ჩვენი ფოტოკორესპონდენტი“, როგორც მისი სურათების ქვეშ მოთავსებული წარწერით იუწყებოდა გაზეთები.

ახლანდელ ფოტოკორესპონდენტებს, ღია ფერის ლაბადებში გამოწყობილ, პეწიან ახალგაზრდებს, რომელთაც მხარზე ტყავის ლამაზ ბუდეში ჩასმული ფოტოაპარატი გადაუკიდებიათ, ალბათ გაეცინებოდათ, რომ ენახათ მისი ლილისფერი გახუნებული ფარდისაგან შეკერილი უცნაური ტანსაცმელი, წითელი რეზინის ძირიანი, უზარმაზარი ნაბდის ჩექმები და, რაც მთავარია, საშუალო ზომის არღნის მსგავსი ფოტოაპარატი.

მაგრამ ახალგაზრდა ალბათ არ დათანხმდებოდა, გაეცვალა მათთვის თავისი აპარატი: მან სწორედ ამ „არღნით“ გადაიღო პირველი საბჭოთა მისი, ჰირველი შაბათობა, პირველი დასასვენებელი სახლის გახსნა და ბრძოლაში თეთრგვარდიელებისათვის წართმეული პირველი ტანკი.

დღეს კი გაზეთმა დაავალა, გადაეღო სვერდლოვის უნივერსიტეტში პარტ-მუშაკთა კრებაზე თავმოყრილი ადამიანები, რომლებიც სოფლად მიდიოდნენ სამუშაოდ.

სვერდლოვის უნივერსიტეტის ვეებერთელა აუდიტორიაში წეკოს ლურჯი ბოლი ტრიალებდა. ყინულჩამომდნარი ფანჯრებიდან უხვად იღვრებოდა შუქი. ამალღებულ ადგილას წითელ ნაკერგადაფარებული მაგიდა იდგა, ხოლო კედელზე ყოფილი რუსეთის იმპერიის ვეებერთელა რუკა ეკიდა, რომელზეც პატარა ფერად-ფერადი ალმები იყო დაბნეული.

კრების განსახილველ საკითხს — „სოფლად მუშაობის შესახებ“ — მეტად მშვიდობიანი იერი ჰქონდა, მაგრამ აღამიანებს, რომლებიც აუდიტორიაში იყვნენ თავმოყრილნი, რთული გზა ედოთ წინ, — იმავე დღეს უნდა გამგზავრებულ იყვნენ კულაკთა ამბოხებებით მოცულ რაიონებში, გადაელახათ რკინიგზებზე გამეფებული უწესრიგობანი...

ფოტოგრაფი მიტრიალ-მოტრიალდა, თანჯრის რაფაზე ავიდა, აპარატი პირველ რიგს დაუმიზნა და საკეტი გააჩხაკუნა (გადაიღო სურათი — „უსმენენ მომხსენებელს“).

შემდეგ აპარატი ცოტა ზევით მიმართა და კიდევ გააჩხაკუნა საკეტი (ახლა გადაიღო — „დარბაზის საერთო ხელი“).

ფოტოგრაფი ფუსფუსებდა, უფრო მეტად, ვიდრე ეს „ჩვენს ფოტოკორესპონდენტს“ შეეფერებოდა, მაგრამ მისი ასეთი საქციელი, რასაკვირველია, ახალგაზრდობით აიხსნებოდა, იგი ჯერ ოცი წლისაც არ იქნებოდა.

ორი-სამი სურათის გადაღების შემდეგ ფოტოგრაფმა მოხერხებული ადგილის ძებნა დაიწყო, რათა სურათზე აღებეჭდა რუქასთან საჩვენებელი ჯონით მდგარი მომხსენებელი. უეცრად პირველ რიგებში ნელი ტაში გაისმა, რასაც შემდეგ მქუხარე, სულ უფრო და უფრო მზარდი ტაშის გრიალი მოჰყვა.

„ჩვენი ფოტოკორესპონდენტი“ დაიბნა — მას რაღაც გამოეპარა. მხოლოდ ის დაინახა, რომ ყველა ფეხზე ადგა. ფოტოგრაფი იძულებული გახდა, ფეხისწვერებზე შემდგარიყო, თანაც თავისი სამფეხიანი „არღნის“ წონასწორობა დაეცვა. მან თავისუფალი ხელის მოშველიებით, ჩუმი გაათრებით დაიწყო გზის გაკაფვა.

მიხაკისფერპიჯაკიანმა, ტანმორჩილმა, ჩაფსკენილმა კაცმა აჩქარებით გაიარა პრეზიდენტი.

„ჩვენს ფოტოკორესპონდენტს“ გულმა ტოკვა დაუწყო, ხელი სამფეხას მოუჭირა. „ეს ხომ ლენინია!“ — კინაღამ წამოიძახა ხმამაღლა.

ლენინი მისგან ათი ნაბიჯის დაშორებით იჯდა და თვალმოჭუტული გაპყურებდა აბობოქრებულ დარბაზს, თანაც მაღალ შუბლზე ისეამდა ხელს.

„ღმერთო ჩემო, — ფიქრობდა ადელეკებულ ფოტოგრაფი. — ეს ხომ ნამდვილი ლენინია! ვლადიმერ ილიას ძე... როგორი კადრია!.. რა განათება! რა შემთხვევაა!“

შემთხვევა კი საჭირბოროტო, ფრიად საჭირბოროტო იყო. ვლადიმერ ილიას ძეს სურათის გადაღება არ უყვარდა და იშვიათად თუ ვინმეს აძლევდა ამის ნებას. ბევრი ამის გამო პირში ჩალაგამოვლებული დარჩენილა.

შარშან გაზაფხულზე — ეს „ჩვენმა ფოტოკორესპონდენტმაც“ იცოდა — საპირველმისო შაბათობაზე, კრემლში, ლენინმა მკვახედ უთხრა ფოტოგრა-

ფებს: „ეს რა კომედიაა? მე აქ სამუშაოდ მოვედი და არა სურათის გადასაღებად!“

მაშინ ეშმაკობას მიმართეს. კრემლის კურსანტების სკოლის კომისარი, რომელიც ლენინთან ერთად მუშაობდა, წუთით შეჩერდა, თითქოს დასასვენებლად, და ამ დროს ლენინსაც მისდა შეუძმნველად, ფრთხილად გადაუღდეს სურათი. აი, რა გზით შემორჩა მსოფლიოს სურათი, რომელიც ლენინს კრემლის შაბათობაზე მუშაობის დროს გადაუღდეს.

— სიტყვა ეძლევა ამხანაგ ლენინს, — წარმოთქვა თავმჯდომარემ.



ერთი საათის შემდეგ ლენინი აუდიტორიიდან გამოვიდა. მას მოჰყვებოდნენ მაღალი სამხედრო პირი — კრების თავმჯდომარე და პრეზიდიუმის წევრები. მათთან ლაპარაკის დროს ლენინმა კეპი დაიხურა. შემთხვევით მისი ყურადღება შორიანხლოს მდგომამ ადამიანმა მიიქცია. ამ კაცმა რამდენჯერმე უხერხულად, გაუბედავად გაიწ-გამოიწია, თითქოს სურდა ჩამოფარებოდა სამფეხას, რომელზედაც დიდი შავი ყუთი იდგა.

ვლადიმერ ილიას ძემ თვალები მოჭუტა, შავ ყუთს შეხედა და დაუფარავი უკმაყოფილებით თქვა:

— აჰა, მომილოცნია! აქაც გადაღებაა?! არა, გეთაყვა, დამეხსენით!

ესეც ასე! შეგიძლია წახვიდე!

მაგრამ „ჩვენი ფოტოკორესპონდენტი“ არ მიდიოდა. ყველასთვის მოულოდნელად მან ათრთოლებული, ჩახრინწული ხმით წარმოთქვა:

— ამხანაგო ლენინ! თქვენი სურათები მთელს რესპუბლიკას სჭირდება... პირადად მე კი არა!..

— ჰმ... აი თურმე რა ყოფილა! — ირონიულად შენიშნა ვლადიმერ ილიას ძემ.

ამ დროს „ჩვენს ფოტოკორესპონდენტს“ დამცველებიც გამოუჩნდნენ. ყველამ სთხოვა ლენინს მათთან ერთად გადაეღო სურათი.

— თუ ერთად გადავიღებთ... კეთილი! — ყოყმანით წარმოთქვა ლენინმა. „ჩვენი ფოტოკორესპონდენტი“ დაფაცურდა, სამფეხას გაშლისა და აპარატის გამართვის დროს ზედმეტად მოძრაობდა და სულ ბუტბუტებდა:

— ერთი წამი!.. მე ახლავე! ერთი წამი!..

ჭგუფის დაყენება არც თუ ისე იოლი საქმე გამოდგა. ყველას სურდა

ლენინთან ახლოს მდგარიყო და შეუმჩნეველად განზე სწევდა მეზობელს. ლენინი მოთმინებით იცდიდა.

ბოლოს ყველაფერი მზად იყო სურათის გადასაღებად. ფოტოგრაფმა შავი ქსოვილი წამოიფარა და დაიწყო აპარატის მომარჯვება. „ერთი წამი! — ისმოდა მისი ბუტბუტი, — ახლავე ჩავლებ კასეტს... და ერთ წამში გადაგიღებთ!“

აპარატის წინ ყველამ საზეიმო გამომეტყველება მიიღო, გაქვედა; მხოლოდ ვლადიმერ ილიას ძეს უთამაშებდა თვალებში ეშმაკური ნაპერწყალი.

უეცრად ყველამ შენიშნა, რომ ფოტოგრაფს უცნაური რამ ემართებოდა. მან გამწარებით მოიგლიჯა გადასათარებელი, რაღაც თუნუქის ჩაარჩო დააგდო და თავზე იტაცა ხელი. ხალხი გაკვირვებით და შეშფოთებით შეჰყურებდა. ლენინი სწრაფად მივიდა მასთან:

— რა მოგივიდათ, ამხანაგო? ცუდადა ხართ?

— ცუდად! — მიკნავებული ხმით მიუგო ფოტოგრაფმა. — ვერ მოვასწარი კასეტებში ფირფიტის ხელახლა ჩადება!.. არა მაქვს მზა კასეტები!

მას უღონოდ ჩამოეშვა ხელები და მოხრილი იდგა თავის „არღანთან“. უხეირო პარსვის დროს დაკაწრული ყბა უძაგძაგებდა. ფოტოგრაფმა იცოდა, რომ არავინ აპატიებდა მას — უბედურს და ბედუქუღმართს, რომ ეს საოცარი, განუმეორებელი შემთხვევა ხელიდან გაუშვა.

— რა გაეწყობა, ამხანაგებო, — თქვა მაღალმა სამხედრომ, თან დიდი წითელვარსკვლავიანი ჯარისკაცური ქუდი დაიხურა. — როგორც იტყვიან, რედაქციისაგან დამოუკიდებელი მიზეზების გამო დაშვებულ იქნა სამწუხარო შეცდომა... ნუღარ დავაყოვნებთ ვლადიმერ ილიას ძეს!

მაგრამ ლენინს, რომელიც თვალს არ აშორებდა ფოტოგრაფს, თითქოს არც შეუმჩნევია, რა მოხდა. ქილეტის ჯიბიდან თასმიანი საათი ამოიღო, დახედა და ახალგაზრდას ჰკითხა:

— რამდენი დრო დაგჭირდებათ კასეტების გასამზადებლად?

— მე?.. ათი წუთი, — ენის ბორძიკით უპასუხა „ჩვენმა ფოტოკორესპონდენტმა“ და მოყვითალო გაფითრებული სახე ვარდისფრად შეეფაცლა.

— ათი წუთი მე კიდევ ვისაუბრებ ამხანაგებთან, — მშვიდად წარმოთქვა ლენინმა.

ფოტოგრაფმა ხელი დაავლო ცარიელ კასეტებს, ფირფიტების კოლოფს და გაიქცა, ვეება თექის ჩექმებიან ფეხებს უხეიროდ ისროდა მაღლა.

ფოტოგრაფი აწყვეტილი ცხენივით მირბოდა გრძელ დერეფანში, ხან ერთ, ხან მეორე აუდიტორიის კარში იჭრებოდა და ისევ განანგრძობდა სირბილს. მას სჭირებოდა ბნელი ოთახი, სრულიად ბნელი ოთახი, ხოლო მზე, რომლის კმაყოფაზეც ფოტოგრაფი იმ დღიდან გადავიდა, უხვად აფრქვევდა თვალისმომკრელ შუქს.

ფოტოგრაფი კიბეზე ახტა და გაქანდა ზევით, პირით ისუნთქავდა ცხელ ჰაერს. მზის მოლიცლიცე ათინათები კი ყველგან წვდებოდა. გული ამოვარდნაზე ჰქონდა, როცა ზედა სართულს მიაღწია. იქ კიბის ბაქანზე ხის დიდი ყუთი დანახა.

ერთი წამითაც არ დაფიქრებულა, „ჩვენმა კორესპონდენტმა“ სახურავი ახადა ყუთს. შიგ მახრჩობელა გველებივით დაკლაკნილი მსხვილი შლანგები ეწყო. ყუთიდან რეზინის შემხუთავი სუნი ამოვარდა. ფოტოგრაფი ყუთში ჩახტა. სახურავი თავზე დაეცა, მაგრამ ტკივილი არ უგრძენია.

იგი ოთხად მოიკაკვა (აი, თურმე რას ნიშნავს ეს გავრცელებული გამოთქმა!), სწრაფად გახსნა ფირფიტებიანი კოლოფი, ხელი წაავლო კასეტს, მაგრამ სასოწარკვეთილმა კოლოფი უმაღვე უბეში ამოიღო: წმინდა, პირდაპირი სხივი აქაც შემოკრილიყო პაწაწკინტელა ჭუჭრუტანიდან.

ახლოს გაიარა ქალმა, რომელსაც ხელში ცოცხი ეჭირა, ალბათ, დამლაგებელი იყო. უცბად ქალმა შეჰკივლა და ცოცხს ხელი უშვა. ყუთიდან კაცმა ამოყო თავი, ცხვირი დააცემინა, ტუჩები მოილოკა და ჩახრინწული ხმით ქალს უთხრა:

— ამხანაგო, ეს მე ვარ!.. ერთი წამი!.. გთხოვთ... დაჩექით ყუთის სახურავზე... აქ ჭუჭრუტანაა, შუქი შემოდის!..

ქალი გაშტერებული უცქეროდა.

— ამხანაგო, გევედრებით, დაჩექით!..

ქალი დაჯდა ყუთზე, თან ფიქრობდა — ეს რა ამბავია, ხომ არ დავკეტო ყუთი და კომენდანტს ხომ არ დავუძახო.

ყუთიდან ჩხაკა-ჩხუკი და ქშენა აღწევდა, შემდეგ ყრუდ გაისმა:

— დეიდა, ახადეთ სახურავი, ვიგულები!

ქალი ადგა. გაოფლიანებული, დამტყვრილი, სახეგაბრწყინებული ფოტოგრაფი ზამბარინის სათამაშოსავით ამოხტა ყუთიდან.

— ნამდვილი წყვდიადი იყო! — წამოიძახა მან. — გმადლობთ, დეიდა, — უთხრა ქალს და სამ-სამ საფეხურზე ხტომით დაეშვა კიბეზე.



ხეებს მზისკენ აეშვირათ ჯერ კიდევ გაუმთბარი, შიშველი, ყავისფერი ტოტები. ბულვარებზე აქა-იქ გროვებდნენ იღო ნაცრისფერი, ღრუბელივით ფოროვანი თოვლი. ქარი კედლებიდან ჩამოგლეჯილ აფიშებს აფრიალებდა. წყალსადინარი მილებიდან ცვიოდა მომწვანო ყინულის ნამტკრვეები. მოსკო-

ვის გამოზაფხულებულ ქუჩებს ყმაწვილი კაცი მიჰყვებოდა. ხანდახან ჩერდებოდა, შლიდა ხელებს და იღიმებოდა. გამვლელები გაკვირვებით შესცქეროდნენ მას.

შინ უფრო ციოდა, ვიდრე გარეთ. ცივ სამზარეულოში, რომლის ფანჯარაზე ფანერი აეკრათ, ბათქაში ღებებოდა, რაც ჭერ-ჭერობით გაზაფხულის დადგომის ერთადერთი ნიშანი იყო.

ახალგაზრდამ სიბნელეში მიაგნო ჩამრთველს და ლალისფერ-წითელი ნათურა აანთო. აქ იყო მისი ფოტოლაბორატორია.

ღია ფერის ლაბადიან ფოტოკორესპონდენტებს, რომელთაც მხარზე ტყავის ლამაზ ბუდეში ჩასმული აპარატები გადაუკიდებიათ, უთუოდ ღიმილს მოჰგვრიდა ასეთი ლაბორატორიის დანახვა. ახალგაზრდა კი ახლა მათ ლაბორატორიაზე არაფრით არ გაცვლიდა თავისას.

მან ტაბურეტზე დადგა პატარა აბაზანა, რომელზეც გამოსამყვანებელი ესხა და დიდხანს უბერავდა, რომ ოდნავ მაინც შეეთბო. ხელები უკანკალებდა, როცა ფირფიტა სითხეში ჩაიძალა. სკამის წინ ჩამუხლული ფოტოგრაფი ფრთხილად არწევდა აბაზანას, მის ზედაპირზე ლალისფერი ტალღები ლივლივებდა. აი, თეთრ ემულსიაზე გამოჩნდა სურათის შავი ჩრდილები. ფოტოკორესპონდენტმა დაინახა ფართო შუბლი, მოჭუტული თვალების ზემოთ მოხრილი წარბების ნაცნობი მოხაზულობა და აღტაცებული ამღერდა ჩახრინწული ბანიო...

დაბეჭდილ სურათებში დილით დიდხანს არჩევდა ყველაზე მკაფიო, გაუფხაქნავ და დაულაქავ სურათებს. როგორც იქნა, შეარჩია ორი ყველაზე საუკეთესო სურათი... ჩადო კონვერტში, კონვერტი გულმოდგინედ დააწება.

ახლა მხოლოდ მისამართი უნდა დაეწერა.

ის დიდხანს აჩხაკუნებდა ასანთს, რომელიც ძლივს ინთებოდა, შეათბო გაყინული სამელნე, შიგ კალამი ჩააწო და უცებ დაფიქრა. შემდეგ თავის მონაფიქრზე გაეღიმა და ბეჭდური ასოებით დააწერა „ლენინს!“

მეტი არაფერი უნდა! მისამართი მზადაა!

წერილი ამ მისამართით საფოსტო ყუთში შეიძლება მსოფლიოს ყველა კუთხეში ჩააგდო — კალკუტა იქნება ეს, გრენლანდია თუ კვიპროსის კუნძული, და ადრესატს აუცილებლად მიუვია...

რამდენიმე ხნის შემდეგ „ჩვენს კორესპონდენტს“ უამბეს:

ცნობილმა მხატვარმა, რომელსაც ბედმა არგუნა დაეხატა ლენინის პორტრეტი სახალხო კომისართა საბჭოს კაბინეტში, ერთხელ ვლადიმერ ილიას ძეს

ჰკითხა — ხომ არა გაქვთ ფოტოსურათებიო. ლენინმა უპასუხა, ჩემს სურათებს, ჩვეულებრივ, არ ვინახავ, მაგრამ, მგონი, ერთი უნდა შექონდესო...

მან უჭრა გამოაღო, მხატვარს ფაქიზად გახსნილი კონვერტი გაუწოდა და უთხრა:

— ეს სურათი ერთმა ახალგაზრდა ამხანაგმა გადამიღო სვერდლოვის უნივერსიტეტში!

ლენინი ამას ღიმილით ამბობდა. ალბათ, ცარიელი კასეტის ამბავი მო-
ფიქვნიდა.

ქველავი სანუკვარი



შუადღისას მონადირეებმა მშვენიერ მყუდრო მდელს მიადწვიეს. მის ირგვლივ აღმართული ტოტებგადაშლილი არყის ხეები სწორ მწკრივად იდგნენ, თითქოს ადამიანს დაურგავსო. მზის შუქი ძლიერ ატანდა ხშირ ფოთლებში და იქ, სადაც მისი სხივები ლიცილიცებდა, ბალახი ზურმუხტისფრად ბრწყინავდა, კართოდნენ წითელი სამყურები.

წინ მიმავალი მონადირე, რომელსაც იღლიაში ტულის უჩახმახო თოფი ამოეჩარა, შეჩერდა.

— ჩინებული ადგილია! — თქვა და ღრმად შეისუნთქა სამყურების სურნელი. — აი, აქ შევისვენოთ.

მეორე მონადირემ ყურადღებით, გაფაციცებით მოათვალიერა მდელი, გაიღიმა და ჩუმი ხმით, თითქოს ეშინია ვინმე არ დააფრთხოსო, უპასუხა:

— ჩვენ აქ მარტონი როდი ვართ! შეხედეთ!

მართლაც, ისინი აქ მარტონი არ იყვნენ. მახლობლად, არყის ხესთან, ითიოდე წლის გოგონა იჯდა და მათ ნათელი თვალებით შეჰყურებდა. გოგონას წითელი თავსაფარი ჰქონდა მოხვეული, ტანზე გახუნებული სარაფანი, ფეხთ კი ლაფნის ქალამნები ეცვა, ფეხებთან მოწნული ხელკალათა ედგა.

— მოიცათ, — თქვა კეპიანმა მონადირემ. — ზღაპარია თუ სინამდვილე? ეს წითელქეუდა ხომ არ არის?

იგი ახლოს მივიდა გოგონასთან:

— შეიძლება ვნახო, რა გაქვს კალათაში?

გოგონამ უხმოდ ასწია ოროვანდის ფოთოლი. კალათაში ორი დიდი ხავსასოკო, მაგარი შავ-შავი არყა-სოკოები, ნაზი ვარდისფერი და ცისფერთავიანი ღვინოები ეწყო.

— ამას უყურეთ, რა მარჯვე გოგონა ყოფილა! ჩვენ კი რას ვაკეთებთ! ჩანთაცარიელი დავეხეტებით...

— კი მაგრამ, რატომ არ ესროლეთ იმ კურდღელს? — ჰკითხა მეორე

მონადირემ. — პირდაპირ თქვენსკენ გამოხტა! თქვენ კი თოფი დაუშვით...

— ოო, ის კურდღელი ძალიან ლამაზი იყო, — დამნაშავესავით ამოიოხრა კეპიანმა. — გამოხტა ბუჩქებიდან, წამოვდა და ყურები დაცქვიტა, თითქოს ძეკითხებოდა — სად წავიდე ახლაო... არ შემეძლო მისთვის მესროლა, ვნანობ... ნიანვი რომ შემხვედროდა... მაშინ კი აუცილებლად ვბეთქავდი! რაო, თქვენთან არიან ნიანგები? — მიუბრუნდა იგი გოგონას და შეიკმუნხა.

გოგონა ღუმდა. მხოლოდ მზისაგან აქერცლილი, ხახვის თავივით შოყავისფრო და პრიალა ცხვირი შეუტოკდა, — თითქოს აგერ-აგერ დაიფრუტუნებოდა, მაგრამ თავი შეიკავა და ისევ სერიოზული გამომეტყველება მიიღო.

მეორე მონადირემ ქურთუკი გაიხადა, ჩრდილში გაშალა და შეფიქრიანებულმა თქვა:

— აქ ჩადაბლებული ადგილია... შემოდგომაც კარზეა მომდგარი. უკვე აბლაბუდაც დაფრინავს ჰაერში.

— დაფრინავს და იფრინოს, — გულსწრაფად უპასუხა კეპიანმა მონადირემ.

იგი არყის ხის ქვეშ დაჯდა, მიეყრდნო მის მკრქალ, მოთეთრო ტანს და ბალახს ხელი გადაუსვა, თითქოს მოეფერაო.

— მიწა თბილია, — წყნარად წარმოთქვა და თვალები მოხუჭა. გოგონა ფრთხილად ადევნებდა თვალს კეპიანს. ერთ ხანს მონადირე თითქოს თვლემდა, შემდეგ პაწაწინა გასაღებიანი ჩიბის საათი ამოიღო და მომართა. გოგონამ თავი ოდნავ მიაბრუნა მისკენ, ძალიან უნდოდა გასაღებიანი საათისათვის შეეხედა.

უცებ საათი ზედ გოგონას ყურთან აწიკწიკდა და მოუღიტინა.

— აბა რომელი საათია? — საათი ახლა გოგონას თვალწინ აღმოჩნდა. — არ იცი საათის ცნობა? თქვენთან სოფელში აქვს ვინმეს საათი? — ჰკითხა მონადირემ.

— ჩვენ სოფელი კი არა, დაბა გვაქვს! — მკაცრად უპასუხა გოგონამ.

— ოჰო! — მხიარულად გამოეხმაურა მონადირე. — ახლა გვეცოდინება. კი მაგრამ, მგლების არ გეშინია, წითელქუდაც?

ასე თანდათან გაესაუბრნენ ისინი ერთმანეთს.

გამოირკვა, რომ წითელქუდას დაშა ჰქვია, გვარად ცვეტკოვაა, მისი სოფელი აქვია, ამ ტყის ვადალმა, რომ აქ მგლები არ არის — გლეხებმა ზოგი დასოცეს, ზოგიც დააფრთხეს.

მაგრამ შარშან ზამთარში აქ ერთი ბორიალა დათვი დაეხეტებოდა. მან ზაფხულში ქონი ვერ დააგროვა და ბუნაგში აღარ ჩაწოლილა. ერთხელ, ღამით განაპირა ქოხს მიეპარა. იქ ერთი მოხუცი, სახელად ბელურა, ცხოვრობდა. მის-

მა მყუფარა ძალღმა მთელი სოფელი ააფორიაქა. ბაბუა ბელურა ფეხზე წამოვარდა — ნეტავი რა მოხდაო. მისი დედაბერი პერანგში ჩააფრინდა და უყვირა: არ გაგიშვებ! სად მიხვალ, შე დავარდნილო, ან მხეცი დაგვლეჯს, ან ვინმე აეკაცი გადაგყურებო! მოცივდნენ გლეხები, გამოუდგნენ დათვის, როცა ის ღრმა თოვლში ჩაიფლო, დაეწივნენ და ჩაქოლეს. ბელურას დედაბერი კი საშველს არავის აძლევდა — დათვის ტყავს მოითხოვდა. დათვი პირველად ჩვენს ქონთან მოვიდაო!

გოგონამ სიარულში გასცინა ბელურას კოჭლ დედაბერს, კეპიანი მონადირე გულიანად ხარხარებდა და თავის ამხანაგს გამუდმებით ეკითხებოდა:

— გესმით? რა ყოფილა ეს დედაბერი? კაცი ყოფილა, ნამდვილი კაცი!

შემდეგ სიცილისაგან ატრემლებული თვალები მოიწმინდა და გოგონას ჰკითხა:

— გიყვარს წიგნების კითხვა? მოაქვთ დაბაში წიგნები? სკოლაში თუ გაძლევენ წიგნებს?

თამამი დაშა ცვეტკოვა ამ შეკითხვაზე შეიცვალა, წამწამები ააფახულა, თავი ჩაღუნა და ძლივს გასაგონად წარმოთქვა:

— მე ბევრი ასო ვიცი, მამაკო მაჩვენებს ხოლმე... გამოთქმა კი არ მეხერხება...

— მოიცა, მოიცა, ეს როგორ? რამდენი წლისა ხარ?

— ცხრისა... მეათეში ვარ!

— მერედა, კითხვა არ იცი? მაშ, რას გასწავლიან სკოლაში?

— ჩვენ სკოლა არა გვაქვს... — გოგონამ ლოყა დიდებით ნაღვლიანად დააყრდნო მუშტზე. — რამდენჯერ ითხოვეს ჩვენმა გლეხებმა, რომ სკოლა აეგოთ. ჩემი მამაც ბევრჯერ იყო ამისათვის ქალაქში. მამაჩემი ღარიბთა კომიტეტის თავმჯდომარეა, — დაუმატა სიამაყით. — სულ იმას ითხოვდა, მასწავლებელი დაენიშნათ, ან ქალი, ან ვინმე კარგი ახალგაზრდა კაცი, რომ ქოხებში მაინც ესწავლებინათ წერა-კითხვა... ყველას უნდა სწავლა... გოგოებსაც უნდათ ისწავლონ, რომ გათხოვებისას ბრიყვები არ იყვნენ... ზამთრობით, როცა მოყინავს, ზოგი ბიჭი ლიპოვკაში დადის... ჩვიდმეტი ვერსია იქამდე. გაზაფხულზე და შემოდგომაზე კი სახლებში სხედან, გზები არ ვარგა...

— მაშ, თქვენთან ყველა ბავშვი წერა-კითხვის უცოდინარია? — მონადირე წამოდგა. — გაიგონეთ? ახლავე ზუსტად უნდა გავიგოთ მისამართი, თემი, მანრა...

— ეგ მეც ვიცი, — წყენით თქვა დაშამ, — პატარა ხომ არა ვარ!

მონადირემ ჩიბიდან უბის წიგნაკი და ლითონის ბუნეიანი ფანქარი ამოიღო. გოგონა თვალს არ აშორებდა ფანქარს, უცქეროდა როგორ სწრაფად და-

სრიალებდა მისი წამახვილებული წვერი ქაღალდზე და როგორ გამოჰყავდა პაწაწინა ასობები.

— სათამაშო ჯარისკაცებივით გარბიან! — ალტაცებით წამოიძახა მან. — ფანქარიც რა ლამაზია!

მონადირემ წიგნაკი შეინახა, მას ისევ უღიმოდა თვალები.

— მოგწონს? — ჰკითხა გოგონას და ფანქარი გაუწოდა. ბავშვს სახე წამოენთო, ყურებიც კი გაუწითლდა.

— მე? სამუდამოდ? თავის ბუნიკიანად?

— ჰო, სამუდამოდ! ბუნიკიანად! გამომართვი, გამომართვი, — უპასუხა მონადირემ და ხელში ჩაუღო ფანქარი. შემდეგ ამხანაგს მიუბრუნდა: — გესმით? ცხადია, საქმეს მაზრის ბიუროკრატები აჭიანურებენ. საკმარისი იყო მხოლოდ წამოეწყობო და... უეჭველია, გლეხები ხალისით დაეხმარებოდნენ!

მონადირე ადგა, ხმელი ბალახის ღეროები ჩამოიბერტყა. მისი ამხანაგიც წამოდგა, ტყაპუქის ჩაცმას შეუდგა. ამხანაგს კარგად ჰყავდა შესწავლილი თავისი თანამგზავრი და იცოდა, რომ ახლა იგი მოსასვენებლად, სანადიროდ ვერ მოიცილიდა...

— მაშ ასე, — თქვა კეპიანმა მონადირემ. — წავიდეთ, დროა! — მან ფრთხილად მოქაჩა გოგონას თავსაფრის ბოლო, — ნახვამდის, წითელქუდავ, შორს მარტო ნუ ივლი ხოლმე.

მონადირეები უკვე თვალს მიეფარნენ, გოგონა კი ისევ არყის ხესთან იდგა და ფანქარს დასცქეროდა. ასეთი ფანქარი, ისიც ასეთი ლამაზბუნიკიანი, მის სოფელში არავის უნახავს. თუ ვინმეს ნაღვეა ფანქარი ჰქონდა, იმასაც ძალიან უფრთხილდებოდა.

ბოლოს თითქოს გამოიღვიძაო, კალათას ხელი დაავლო და მოკლე ბილიკით შინისაკენ მოკურცხლა. მოთმინება არ ჰყოფნიდა — უნდოდა, რაც შეიძლება მალე მოეწონებინა თავი ძვირფასი საჩუქრით.

შინაურები ყველანი სახლში დახვდნენ. დაშას მამა ეგნატე ცვეტკოვი ჩექმას აეკრებდა, დედა და ბებია ძაფს ართავდნენ.

— ნახეთ, როგორი სოკო ვიპოვე! — ზღურბლიდანვე დაიძახა დაშამ.

— აბა, გვიჩვენე!

ვიდრე მამა ფანქარს ათვალეირებდა, დაშა მოჰყვა, როგორ შეხვდა მონადირეს, რომელმაც წითელქუდა დაარქვა, როგორ იჭდა მის გვერდით არყის ძირში, როგორ დაპირდა, სკოლის შესახებ ვიზრუნებო.

— უეჭველად, ვილაც პასუხისმგებელ პირს გადმოუხვევია გასართობად, — თქვა ეგნატე ცვეტკოვმა.

— ეტყობა, კაი კაცი ყოფილა, — შენიშნა დედამ. — ხედავ, დაუსაჩუქ-

რებია! ქუჩაში არ გაიტანო, დაშა, ბიჭები წაგართმევენ! მომეცი, სკივრში შევი-
ნახავ. იქნებ სკოლაში გელიროს წასვლა, გამოგადგება!

ამით დამთავრდა ყველაფერი. გავიდა ერთი კვირა. დადგა ახალი კვირა
დღე. დღისით, როცა ცვეტკოვები სადილად სხდებოდნენ, დერეფანში ფენის
ხმა გაისმა.

— ძია ეგნატე! — დაიძახა აქლოშინებულმა, ფეხშიშველა ბიჭუნამ. —
კომიტეტში გეძახიან... მოსკოვიდან კომისარი ჩამოვიდა... პორტფელიანია...
ღიასახლისი გაჯავრებით შებრუნდა მისკენ:

— რა გაყვირებს, ტყეში ხომ არა ხარ? გვესმის, კი არ დავყრუებულვართ!
რა ამბავია! აღამიანს ჭამასაც კი არ აცლიან!

ეგნატე მაგიდიდან წამოდგა, წვერებზე ხელი ჩამოისვა და ხალათი გა-
ისწორა.

— გეყოფა, გეყოფა, დედაკაცო, ნუ ბუზღუნებ... ხომ იცი, სახელმწიფო
საქმეა... სახელმწიფო საქმე კი დრო არ იცის...

კომიტეტის ქოხთან საზიდარი იდგა. მის გარშემო ხალხს მოეყარა თავი.
ჯარისკაცის უსამხრეებო მაზარაში გამოწყობილი კაცი, რომელსაც მრგვალი
კეპი ეხურა, ცვეტკოვს გულთბილად მიესალმა:

— თქვენ ხართ ღარიბთა კომიტეტის თავმჯდომარე? მე განათლების
სახალხო კომისარიატის ინსტრუქტორი ვარ.

— შემობრძანდით, თუ შეიძლება! — უპასუხა ცვეტკოვმა და კარი გააღო.
„ეს რაღაც უცნაური ინსტრუქტორია. მგონი, ასეთი კაცი ჩვენთან თავის
დღეში არ ყოფილა“, — გაიფიქრა მან.

ინსტრუქტორი მოკლედ ესაუბრა კომიტეტის საქმეებზე, შემდეგ პორტ-
ფელიდან ბეჭედდასმული ქაღალდი ამოიღო. ეგნატე ცვეტკოვმა შიშით გადა-
ხედა, ნეტავი რა უნდა იყოსო?! წინათ, მეფის დროს, როცა ბეჭდიანი ქაღალ-
დი შოვიდოდა, ყველა მხოლოდ და მხოლოდ უბედურებას ელოდა. ახლა სხვა
ხელისუფლება იყო, საკუთარი ხელისუფლება, მაგრამ ქაღალდის წინაშე შიში
მაინც არ გამქრალა. კიდევ ერთი რამ აწუხებდა ცვეტკოვს: წერა-კითხვა არც
თუ კარგად იცოდა, ვაი-ვაგლახით ისწავლა წერაც და კითხვაც და ხელ-
ნაწერს ცუდად არჩევდა.

— მე სკოლის თაობაზე ჩამოვედი, — უთხრა ინსტრუქტორმა. — მაზრის
განათლების განყოფილებას ბრძანება გაეგზავნა, თქვენს სოფელში სკოლა უნ-
და ააგოს... მოგესხენებათ მძიმე დროა!

ეგნატე ცვეტკოვმა შვებით ამოისუნთქა, თითქოს წყლიდან ამოყვინთაო.

— განა უარზე ვართ... საქმეს, ასე ვთქვათ, მთელი სულითა და გულით

მოკიდებთ ხელს... მხოლოდ საიდან დავიწყით? ნუ გვიწყენთ, ჩვენ დიდი ხანია ვეძებთ გზას, როგორ მოვაბათ თავი ამ საქმეს.

— მათ, ვინც გაირღებოდნენ და არაფერს გიკეთებდნენ, დასჯიან. ამ დღეებში ჩამოვლენ თქვენთან მაზრის განათლების განყოფილებიდან... ხარჯთ-ალრიცხვას შეადგენენ... და მაშინვე საქმეს შეუდგებით...

ეგნატე ერთ ხანს ღუმდა, თითქოს ფიქრობდა, შეიძლება თუ არა, ენდოს კაცი გაგონილსო. შემდეგ დაიწყო ლაპარაკი, ძლივს პოულობდა საჭირო სიტყვებს:

— მაშ, ასე... მაშასადამე, მოსკოვიდან არის განკარგულება... ისე ჩანს, რომ საქმეს მაგრად მოკიდებენ ხელს... მაგრამ ნება მიბოძეთ, გკითხოთ, საქმე ხომ არ შეტრიალდება? სანამ თქვენ აქ ხართ, განათლების განყოფილებაში თანახმანი იქნებიან... მაგრამ როგორც კი წახვალთ, საქმეს ხელს უშეებენ... ყურს არ გააბარტყუნებენ...

ინსტრუქტორს გაეღიმა.

— არა, შიში ნუ გაქვთ! ამის შესახებ ამხანაგი ლენინის პირადი მითითებაა! ამას გარდა, ვალდებული ვართ მოვასხენოთ, როგორ წარიმართება საქმე!

— ბოდიში! — წყნარად უთხრა ეგნატე ცვეტკოვმა. — ეს როგორ გავიგოთ? საიდან იცის ლენინმა ჩვენი, როგორ გითხრათ... მეტად უმნიშვნელო საქმეები?

— ჩვენც დავინტერესდით განათლების სახალხო კომისარიატში, როცა ვლადიმერ ილიას ძის ბარათი მივიღეთ. მიემართეთ ნადეჟა კონსტანტინეს ასულ კრუპსკაიას და მაშინ გავიგეთ, რომ ვლადიმერ ილიას ძე გასულ კვირა დღეს დასასვენებლად ყოფილა და უნადირნია თქვენს მხარეში. აქ შეხვედრია თქვენი სოფლის რომელიღაც გოგონა და სკოლის ამბავიც მისგან გაუგია...

ცვეტკოვი სულგანაბული უსმენდა ინსტრუქტორს. შუბლს ისრესდა და-კოყრილი ხელებით, თითქოს რაღაც უნდა გაიხსენოსო. უცებ სკამიდან წამოვარდა და კარისაკენ გაექანა. მთელი სოფლის ქუჩა გაკვირვებით გასცქეროდა დინჯ, წვეროსან ეგნატე ცვეტკოვს, რომელიც პატარა ბიჭვიით მიბრბოდა და გზადაგზა მტვრის კორიანტელს აყენებდა.

სახლში, როგორც ჩანდა, არ ელოდნენ, რომ ეგნატე ისევ მოუხწრებდა სადილს. დიასახლისს მაგიდა აელაგებინა, ბებია ღუმელზე იწვა, დაშა კი ცინდალს ეთამაშებოდა. ყველა შეშინებული წამოიჭრა, როცა ქოხში გაოფლიანებული და აქოშინებული ეგნატე შევარდა.

— დაშა! — დაიყვირა მან. — სად არის ფანქარი? ხომ არ დაგიკარგავს?... იცი თუ არა, რომ თვითონ ლენინი შეგხვედრია? აი, ის მონადირე რომ იყო სკოლას დაგვიდგამენ... თვით ლენინის ბრძანებაა... დედაკაცო, წარმოგიდგენია!..

მამის ღონიერმა ხელებმა დაშა ჰაერში აიტაცეს.

— დამსვი ძირს! — მკაცრად უთხრა დაშამ.

მას არც გაჰკვირვებია, რომ მონადირე ლენინი აღმოჩნდა. ის ხომ პატარა იყო და სჯეროდა, ზღაპარი ყოველთვის მოგონილი როდია, ზოგჯერ მართლდება კიდევცო.

•

და მართლაც, განა ზღაპარს არ ჰგავს ნამდვილი ამბავი იმაზე, თუ როგორ ააგეს სკოლა მოსკოვის მახლობელ სოფელში!

სახალხო კომისიის მდივანი



ძველად იგი მდივნად მუშაობდა ამხანაგ კოლონტაისთან — სოციალური უზრუნველყოფის სახალხო კომისართან, მსოფლიოში პირველ მინისტრ ქალთან, როგორც ამას უცხოეთის გაზეთები წერდნენ. მისი სამსახურებრივი მოვალეობა ის იყო, რომ დოკუმენტები წაეღო კრემლში, სახალხო კომისართა საბჭოს თავმჯდომარესთან ხელმოსაწერად. ამისათვის მისცეს მუშურ-გლეხური მთავრობის შენობაში შესასვლელი მუღმბივი საშვი.

როცა აღექსანდრა მიხეილის ასულმა კოლონტიამ დაავალა, ხელმოსაწერი საბუთები ლენინთან მიიტანეო, იგი პირველად ისე დაიბნა, რომ საქალაქულ ხელიდან გაუვარდა.

კოლონტიის გაეღიმა:

— ნუ ღელავთ, ნუ გეშინიათ, მარია! (სახალხო კომისრის ახალგაზრდა მდივანს ყველა სახელით მიმართავდა.) გაეცნობით ვლადიმერ ილიას ძეს და თვითონ ნახავთ...

ამ სიტყვებმა სულ ააფორიაქა მარია. მაგრამ აი, გავიდა ცოტაოდენი დრო, და ახლა უკვე დარწმუნებით შეეძლო ეთქვა, პირადად ვიცნობ ლენინსო. როცა სახალხო კომისართა საბჭოს თავმჯდომარის კაბინეტში შედიოდა, არასოდეს უგრძენია, რომ იგი ქალაქის უბრალო მიმტან-მომტანი, ვიღაც უსახელო, უსახოვნო არსება იყო. იცოდა, რომ „გამარჯობა“ სწორედ მას ეკუთვნოდა, რომ ოთახში, სადაც ღიდი საქმეები წყდებოდა, მასაც თავისი პატარა ადგილი ეკავა.

როცა მარია იქ მიდიოდა, მხოლოდ ერთ რამეზე ფიქრობდა: ისე მოეგზადებინა ყველაფერი, რომ ლენინს არც ერთი ზედმეტი წუთი არ დაეკარგა. მაგრამ ზოგჯერ, რასაკვირველია, მისდა უნებურად ხანდახან იმაზე მეტ ხანს უხდებოდა ცდა, ვიდრე ვარაუდობდა.

— ა-ა! გამარჯობათ! — ესმოდა ყოველთვის, როცა კაბინეტში შედიოდა. — ერთი წუთით, დაბრძანდით, მე ახლავე...

იჭდა მარია რბილ სავარძელში და მალულად უცქეროდა, რა უჩვეულო

სისწრაფით გამოჰყავდა ლენინს წერილი ასოები. შემდეგ ათვალეობდა მაგიდაზე დადებულ უკვე ნაცნობ ნივთებს: რეზინის ბურნუჟიან წებოს შუშას, ანბანურ გრძელ წიგნაკს, მაკრატელს, მწვანე შუქფარიან პატარა ლამპას, და უცებ მოულოდნელად შეხტებოდა, როცა გაისმოდა ხმა:

— აბა, მოიტათ თქვენი ქაღალდები!

კრემლიდან სასტუმრო „ნაციონალში“ დაბრუნებისას, სადაც მაშინ სოციალური უზრუნველყოფის სახალხო კომისარიატი იყო მოთავსებული, მარია განცდილ წუთებს იგონებდა: ეს ხომ სამახსოვრო, მარად დაუვიწყარი წუთები იყო.

მოსკოვის ქუჩებში მიმავალი მარია არაფრით არ განსხვავდებოდა სხვებისაგან თავისი გახუნებული გიმნასტურით, მრავალ ადგილას დაკერებული მამაკაცის ჩექმებით, მუშამბის გაქერცილი, გამობერილი პორტფელით. მაგრამ ამ დროს რომ ვინმეს მის თვალებში ჩაეხედა, შეამჩნევდა დაფარულ სიხარულს, იმ ადამიანის სიხარულს, რომელსაც საოცარი, სასიხარულო საიდუმლო აქვს.



ამას წინათ, როცა მარია კრემლში იყო, ლენინმა თითქოს მუხლების გასამართავად კაბინეტში გაიარ-გამოიარა, გაიხედა ფანჯარაში; კრემლს ლაქვარდისფერი ცა დაჰყურებდა. სამების კოშკი არაჩვეულებრივად განათებული და ლამაზი ჩანდა.

— ერთი შეხედეთ, — თქვა მან, — რას შვრება ეს ანცი შემოდგომა! როგორი დღე გვაჩუქა.

„ახლა, ალბათ ვლადიმერ ილიას ძე აღარ იტყვის ანცი შემოდგომაო!“ — ფიქრობდა მარია, როცა წითელი მოედნის სველ ქვაფენილზე მიაბიჭებდა. ცრიდა. ცა ჭარისკაცის მაზარის მაუდივით რუხი ფერისა იყო.

როგორც ჩანდა, ლენინი უკვე წასასვლელად მოემზადა. იგი მიუჯდა მაგიდას, გახსნა საქაღალდე. დღეს საბედნიეროდ ქაღალდები ცოტა იყო. მათ სწრაფად გადაავლო თვალი და ხელი მოაწერა.

— თქვენ ახლა საით? სამსახურში? — ჰკითხა მარიას, როცა საქაღალდეს უბრუნებდა. — მაშ ჩადით დაბლა, ჩაიცვით და მომიცადეთ! მალე მოვალ! დღეს მე და ამხანაგი კოლონტი ერთ მიტინგზე გამოვდივართ!

წარიამ გაკვირვებით შეხედა.

— მე ალექსანდრა მიხეილის ასულს დავპირდი, რომ „ნაციონალში“ გა-

ყველადი, — ღიმილით განუმარტა ვლადიმერ ილიას ძემ. — თქვენც თან წა-
გიყვანთ!

ორი თუ სამი წუთის შემდეგ ლენინი სწრაფად ეშვებოდა კიბეზე. ქვემოთ
მდგარმა მარიამ ნათლად წარმოიდგინა, როგორ შეირბენდა ლენინი შინ და
საკიდარიდან პალტოს და კეპს ჩამოხსნიდა.

— თქვენ კიდევ ჩაუცმელი ხართ? — გაკვირვებით ჰკითხა მარიას.

მარიას გამხდარ, ფერწასულ სახეზე ვარდისფერმა გადაჰკრა: მეტად ძნე-
ლი იყო მისთვის ამ შეკითხვაზე ერთბაშად გაეცა პასუხი. შემდეგ ყველაფერი
ისე სწრაფად მოხდა, მარიამ ვერაფრის გაკეთება ვერ მოასწრო: ლენინმა მო-
იძრო შარფი და მას კისერზე შემოახვია. მარია მხოლოდ ამის შემდეგ მოეგო
გონს და შიშნულად წარმოთქვა:

— მე არ მცივა... მართლა არ მცივა... იცით, რა ამტანი ვარ!..

— არ ვიცი! — მოკლედ მოუქრა ლენინმა. — კეთილინებეთ და კარგად
მოიხვიეთ შარფი!

მანქანა კრემლის კიშკრიდან გავიდა, გზადაგზა შავ ბოლს აფრქვევდა. არც
ისე დიდი მოძრაობა იყო, მაგრამ შოფერი სულ აქეთ-იქით იცქირებოდა და
მანქანას წამდაუწუმ აყვირებდა. მარია გაუნძრევლად იჯდა, ცდილობდა, რაც
შეიძლება ცოტა ადგილი დაეკავებინა. იგი ნერვიულად აწვალებდა შარფის
ბოლოებს.

ლენინი ფანჯარაში იცქირებოდა, მერე მარიასკენ შებრუნდა:

— უღმერთოდა ვართ ყველანი საქმით გადატვირთულნი! — უთხრა ისე,
თითქოს თავის ფიქრს უპასუხებდესო. — გინდა, ვინმეს წერილი მისწერო, მაგრამ
ორიოდე სიტყვით კმაყოფილდები... ხანდახან იმის საშუალებაც არაა, ახლოს
გავიცნოთ ერთმანეთი... მიაშვებ ცოტა რამ თქვენს შესახებ! — უეცრად და-
ამთავრა მან.

უამბოს თავის თავზე ცოტა რამ! მარიას მაშინვე მოაგონდა ლენინის სი-
ტყუები. ერთხელ იგი ქაღალდებს მოსცილდა, დაღლილი თვალები მოიფშვინ-
ტა და უთხრა:

— გაჭიანურებულა! რა საჭიროა ეს ბელეტრისტიკა! რამდენი დრო იხარ-
ჯება, სანამ დასკვნებამდე, პრაქტიკულ წინადადებებამდე მიხვიდოდე! არა,
საქმიანი ქაღალდებისათვის დეპეშის ენა უნდა შემუშავდეს!

მარია ხშირად იგონებდა ამ სიტყვებს, როცა მის ხელში გავლილი „ბელე-
ტრისტიკის“ ნაკადიდან საქმის არსში ჩაწვდომას ცდილობდა. ახლა გამოადგა
მას ეს პატარა გამოცდილება; ლენინს მხოლოდ იმას უამბობდა, რაც მთავარი
და გადამწყვეტი იყო მის ცხოვრებაში. მიუხედავად ახალგაზრდობისა, მარიას
უკვე ნამდვილი ბიოგრაფია ჰქონდა: რევოლუცია, უკრაინის ფრონტი, პარტი-

ზანული რაზმი, სადაც მასავით ახალგაზრდა კმართან ერთად იბრძოდა. ახლა კმარი მოსკოვის პოსპიტალშია, მძიმე კონტუზია აქვს და მკურნალობს.

— როცა გამოეწერება, ისიც თქვენსავით გიმნასტურით ივლის! — შეიკმუნნა ლენინი.

რა სიხარულით უპასუხებდა მარია — არა, არ ივლისო, მაგრამ ადამიანისთვის, რომელიც მის გვერდით იჯდა, არ შეიძლებოდა სიცრუე ეთქვა.

მანქანა უკვე სასტუმრო „ნაციონალს“ უახლოვდებოდა. მარიამ ფრთხილად დაიწყო შარფის შემოხსნა, მაგრამ ლენინმა მუქარით დაუქნია თითი:

— არ გაბედოთ! თან ატარეთ!



კოლონტაი ორი საათის შემდეგ დაბრუნდა მიტინგიდან და მდივანი გამოიძახა. სიტყვა „გამოიძახა“, რასაკვირველია, პირობითია, რადგან სოცუზრუნველყოფის სახალხო კომისრის კაბინეტი იქვე, სასტუმროს ყოფილ ნომერში იყო მოთავსებული. მარტო კარის გამოღებადა კმაროდა, რომ შიგ შესულიყავით.

კოლონტაის ხელში დაწებილი კონვერტი ეჭირა.

— ეს სასურსათო სახალხო კომისარიატში წაიდეთ. აუცილებლად ნახეთ ალექსანდრე დიმიტრის ძე და პირადად გადაეცით. — კოლონტაიმ მდივანს წერილი გაუწოდა, ადგა, მივიდა მასთან და განსაკუთრებული ხმით უთხრა:

— ეჰ, მარია, მარია! რომ იცოდეთ, რა გაკეთილი მივიღე დღეს!

მარია სმენად იქცა: ალბათ, მიტინგზე მოხდა რამე და ამის შესახებ უნდა მითხრას ალექსანდრა მიხეილის ასულმაო. სახალხო კომისარი ხშირად ამხვილებდა თავისი თანამშრომლების ყურადღებას იმ ფაქტებზე, რომლებიც დაფიქრებას მოითხოვდა. ზოგჯერ, თავისუფალ დროს, ემიგრაციისა და რევოლუციური ბრძოლის წლებს იგონებდა; ჰყვებოდა სულ ახლახან განვლილ, მაგრამ უკვე ისტორიად ქცეულ დროის შესახებაც. ერთხელ ისიც მოყვა, თუ როგორ არ შეუშვა ახოვანმა, დიდწვერა კარისკაცმა სახელმწიფო მზრუნველობის ყოფილ სამინისტროს შენობაში სახალხო კომისარად ახლახან დანიშნული კოლონტაი, როგორ წყველიდნენ პეტროგრადის საკრებულო ტაძრებში „წყვეულ ბოლშევიკ ქალს“.

— არა, არა! — აჩქარებით წარმოთქვა ალექსანდრა მიხეილის ასულმა. — დროს ნუ კარგავთ, მარია! ეს მეტად მნიშვნელოვანი საქმეა, მეტად!



კაცი, რომელიც მარიას აუცილებლად უნდა ენახა, ალექსანდრე დიმიტრის ძე ციურუბა გახლდათ. კაბინეტში მისი ნახვა თითქმის შეუძლებელი იყო, მაგრამ მარიას ბედმა გაუღიმა. ციურუბა კიბეზე შეხვდა და პირადად გადასცა წერილი. ციურუბა რაფას მიეყრდნო და კონვერტი გახსნა. მარია უცქეროდა მის ფერმიღებულ, გამხდარ, თითქმის გამჟვირვალე ხელებს. სახეც მიმქრალი, შეშუპებული ჰქონდა, დიდ ზრუნვას თავისი დალი დაესვა ზედ. ცნობილი იყო, რომ რამდენიმე ხნის წინ, სხდომის დამთავრების შემდეგ ციურუბას გული წაუვიდა. ექიმებმა ადვილად დაადგინეს, რომ ეს სისტემატურად ცუდი კვების ბრალი იყო. აი, ასეთი გახლდათ სურსათის ლენინური სახალხო კომისარი, რომელიც არა ერთხელ გაუტოცხავს ლენინს, „სახელმწიფო ქონებისადმი (ე. ი. საკუთარი ჯანმრთელობისადმი) შეუწყნარებელი მოპყრობისათვის“. ლენინმა მდივანს — ფოტიევასაც კი დაავალა თვალყური ედევნებინა, როგორ იკვებებოდა და ისვენებდა სურსათის სახალხო კომისარი ციურუბა, როგორ ასრულებდა იგი ექიმების დარიგებას.

წერილის კითხვისას ციურუბას თანდათან გაუბრწყინდა სახე. მან რამდენჯერმე გაიქნია თავი, მერე გაიღიმა. ბოლოს რაფაზე ქალაღი გაასწორა, ზედ რამდენიმე სტრიქონი წააწერა და მარიას გაუწოდა.

— მოსკოვს იცნობთ? წადით პირდაპირ ბოლშაია დიმიტროვკაზე, მიხაილოვების ყოფილ მაცივარში, და ეს გადაეცით ამხანაგს, რომლის გვარიც აქ დავწერე. სანამ მიხვალთ, დაუვრეკავ!

ციურუბამ ღიმილით ჩამოართვა ხელი მარიას და გაისტუმრა. მარია ცოტა შეფიქრიანებული გამოვიდა ქუჩაში. აქამდე მან იცოდა ან წარმოდგენა მაინც ჰქონდა, რა დავალებას ასრულებდა. მაგრამ დღევანდელი დავალება გაუგებარი იყო. „მაცივარი! — ფიქრობდა გზაში. — რა შუაშია აქ მაცივარი?“

ტყავის გაცვეთილქურთუკიანმა ამხანაგმა, ვისი გვარიც ბარათზე ეწერა, მარია საწყობში წაიყვანა. შენობაში მართლაც ისე იყო, როგორც მაცივარში. გარშემო ყუთები და კოლოფები იდგა, კედლებზე ტანსაცმელი ეკიდა.

საწყობია? ცხადია საწყობია! ეს იყო განსაკუთრებული საწყობი, თავისებური „სასწრაფო დახმარების პუნქტი!“ აქ სასტიკი კონტროლის ქვეშ ინახებოდა მეტად მცირე რაოდენობის ძვირფასი ქონება, რაც გააჩნდა მაშინ უკაცრიელ, ცივ, მშვიერ და გატყაულ მოსკოვს. ამ საწყობს მხოლოდ უკიდურეს შემთხვევაში მიმართავდნენ ხოლმე. ვთქვათ, ლენინის თხოვნით საჭირო იყო თბილად შეემოსათ შორეული ქვეყნიდან ჩამოსული ამხანაგი, ჩამოსული იმ

ქვეყნიდან, სადაც მთელი წელი ზაფხულია; სასწრაფოდ უნდა შეერჩიათ სათანადო კოსტუმი საზღვარგარეთ მიმავალი საბჭოთა დიპლომატისთვის; ახლა სვერდლოვი დარეკავდა: აუცილებლად უნდა გამოინახოს სამი წყვილი კარგი ჩექმა ყრილობის დელეგატებისთვის.

აი, ასეთ საწყობში მივიდა მარია სახალხო კომისრის ციურუბას რეზოლუციით. ტყავისქურთუკიანმა ამხანაგმა საქმიანად, მკაცრად ახედ-დახედა მოსულს, ყუთიდან ქალის მაღალყელიანი, ზონრებიანი ფეხსაცმელი და ბეწვის ქუდი ამოიღო, საკიდრიდან ციყვის ბეწვის ქურჭი ჩამოხსნა და უთხრა: ჩაიცვი, მოიზომეო.

ბოლოს, როგორც იქნა, მიხვდა მარია, რა საქმეზედაც იყო მოსული. სიცილის გუნებაზეც კი დადგა. „ღმერთო ჩემო, — გაიფიქრა თავისთვის, — რა და რა დავალების შესრულება არ მიხდება!“

მან ჩაიცვა კრაჟუნა ფეხსაცმელი, ქურჭი, დაიხურა ქუდი, და ხელების ქნევით, ჩქარი ენერგიული ნაბიჯით გაიარ-გამოიარა, სწორედ ისე, როგორც ალექსანდრა მიხეილის ასულმა კოლონტაიმ იცოდა.

— ქუდი და ფეხსაცმელი კარგი უნდა იყოს. ქურჭი კი, თითქოს ვიწროა, — თქვა მან.

მისცეს მეორე ქურჭი, ისევ ციყვის ბეწვისა.

— ეს კი მგონი დიდი! — ამოიხვნეშა მარიამ.

— ამხანაგო, ვერ გრძნობთ, რომ ჰირვეულობთ? — პირქუშად ჰკითხა ტყავისქურთუკიანმა. — ეს ქურჭი პირდაპირ თქვენს ტანზეა შეკერილი.

— კი მაგრამ ეს ხომ ჩემთვის არ არის! — გაიცინა მარიამ. — ამხანაგმა კოლონტაიმ უნდა ატაროს! ის კი ჩემზე დაბალია და უფრო სქელი! განა მე უკეთესად არ ვიცი!

ტყავისქურთუკიანმა შეაწყვეტინა:

— მაშ, თქვენ ამხანაგ კოლონტაისთვის იზომებთ?!

— აბა ვისთვის? — მხრები აიჩიჩა მარიამ.

მოღუშულ ამხანაგს გაეღიმა. იგი თურმე უფრო ახალგაზრდა იყო, ვიდრე ერთი დანახვით ჩანდა, ამასთან არც ისე პირქუშში ყოფილა.

— მაშ ასე, ამხანაგო, — თქვა მან და ისევ ოფიციალური გამომეტყველება მიიღო. — ყოველივე ამას თქვენთვის იზომებთ და არა ამხანაგ კოლონტაისთვის! დიახ, დიახ, თქვენთვის! — დაუმატა ტყავისქურთუკიანმა, როცა მარიამს შეშინებული და დაბნეული სახე დაინახა. — აი, აქ წერია! და გთხოვთ ხელი მომიწეროთ...

მთელი გზა ბოლშაია დმიტროვკიდან თითქმის მორბოდა მარია, თან გამობერილ პორტფელს მოაქნევდა. დარწმუნებული იყო, რომ რაღაც გაუგებ-

რობა მოხდა, რაღაც ისე არ გაკეთდა, როგორც საჭირო იყო. ახალი ფეხსაცმელი კი ყოველ ნაბიჯზე ქრავუნებდა; ძვირფას ქურქში და ბეწვის ქუდში მარია ძალიან უხერხულად გრძნობდა თავს, ეგონა, ყველა მას უყურებდა.

ალექსანდრა მიხეილის ასულმა ტაშიც კი შემოჰკრა მის დანახვაზე:

— მარია! საუცხოოა! აბა, შემობრუნდი! დიდებულია! — კოლონტიმ საათს დახედა. — არ გაიხადოთ, არ გაიხადოთ! ახლავე, როგორცა ხართ, ისე გასწით სახალხო კომისართა საბჭოს სამდივნოში, ლილია ალექსანდრეს ასულ ფოტიევასთან და უთხარით, ყველაფერი რიგზეა-თქო. სწორედ ასე უთხარით: „ყველაფერი რიგზეა“ და მაშინვე გამობრუნდით...



— ამხანაგმა კოლონტიმ მთხოვა, გადმოგცეთ, რომ ყველაფერი რიგზეა,— უთხრა მარიამ ფოტიევას.

ფოტიევამ თავიდან ფეხებამდე შეათვალიერა და გაიღიმა:

— ერთი წუთით!

ლენინის კაბინეტის კარი ღია დარჩენილიყო და იქიდან უცებ გამოვიდა ვლადიმერ ილიას ძე.

— ერთი შეხედეთ, როგორ უხდება! — წამოიძახა მან მხიარულად და გაკვირვებით. — აი, ახლა კი არავითარი ეჭვი არ არის, რომ ჩვენთან სახალხო კომისრის მდივანია მოსული! გადაეცით ამხანაგ კოლონტაის, რომ ფრიად კმაყოფილი ვარ. ჩემი სახელით უთხარით, თქვენს ქმარზეც იზრუნოს, გესმით, ამხანაგო სახალხო კომისრის მდივანო?

აი, თურმე, რა ყოფილა!

თითქოს გაიღვა და თვალწინ წარმოუდგა მარიას მთელი ეს დღე მოცული სასწრაფო დავალებებით, წერილებით, ბარათებით.

— მე, მე... არ ვიცი... — წყნარად თქვა მარიამ და გაჩუმდა. მას უნდოდა ეთქვა: „მე არ ვიცი, როგორ გადაგიხადოთ მადლობა, ვლადიმერ ილიას ძე“, მაგრამ ხმა ჩაუწყდა.

ღროზე უშველა ოთახში ჯარისკაცის შემოსვლამ, რამაც მდგომარეობიდან გამოიყვანა. ჯარისკაცმა სამხედრო სალაში მისცა ლენინს და პაკეტი გაუწოდა. ვლადიმერ ილიას ძეს მყისვე დაეძაბა სახე, იგი კაბინეტისაკენ შებრუნდა, მაგრამ ერთხელ კიდევ შეხედა სახალხო კომისრის მდივანს და მის თვალებში წამიერი ღიმილი აისახა.

„შარფი! — კინალამ იყვირა მარიამ. — შარფი!“

შარფი გამობერილ პორტფელში ეღო. მარია თავს ნებას არ აძლევდა, ეტარებინა იგი, დაეტოვებინა თავისთვის. შარფი პატრონისთვის უნდა დაებრუნებინა. ახლა მეტად მოხერხებული და საუკეთესო წუთი დაუდგა, მაგრამ ვერ გამოიყენა!



— განა მე თვითონ არ ვიყავი ვალდებული გამეკეთებინა ეს? მე პირველს უნდა დამენახა, შემემჩნია!.. არა, არა, მარია, საჭირო არაა ჩემი გამართლება! რატომ უნდა მივჩქმალო საკუთარი შეცდომა!.. ჩვენ ძლიერ, ძლიერ დატვირთულები ვართ, ეს მართალია. ხოლო ის არაა დამიანურად, უზომოდ გადატვირთულია, და მაინც ყოველთვის ამჩნევს ყველაფერს!

მარია ჩუმად უსმენდა კოლონტაის, ლოყები ეწვოდა: საჭირო იყო შარფის ამბავიც ეთქვა.

— რა საოცრად გამოხატავს ეს მის ხასიათს! — თქვა კოლონტაიმ და ჩქარი ნაბიჯით გაიარა ოთახში, ისე, როგორც მღელვარების წუთებში სჩვეოდა. შემდეგ მდივნის ახლოს გაჩერდა: — იცით, მე ვიზიარებ თქვენს მღელვარებას! ვეკვობ, რომ ვლადიმერ ილიას ძეს მეორე შარფი ჰქონდეს!.. საესებით შესაძლებელია, ახლა უშარფოდ იყოს!

ამ სიტყვებმა გადაწყვიტა ყველაფერი, აიძულა მარია ემოქმედა დაუყოვნებლივ და უყოყმანოდ.

უკვე საღამო იყო, ასე ვთქვათ, არასამუშაო დრო, მაგრამ კრემლში არ იცოდნენ ასეთი დროის არსებობა. მარიამ საშვი წარადგინა და სწრაფად ჩაუარა მისაღებ ოთახს, გასცილდა სახალხო კომისართა საბჭოს თავმჯდომარის კაბინეტს და დერეფნის ბოლოში შეჩერდა. აქ იყო ლენინის ბინა. ნეტავ ვინ გაუღებს კარს?

კარი ნადევედა კონსტანტინეს ასულმა გაუღო.

— მე ამხანაგ კოლონტაის მდივანი ვარ! — გაბედულად უთხრა მარიამ.

— თქვენ ვლადიმერ ილიას ძესთან ხართ? — უბრალოდ, შინაურულად ჰკითხა კრუპსკაიამ. — შინ არ არის, მოსკოვის საბჭოშია. შემობრძანდით... გსურთ რაიმე გადასცეთ ვლადიმერ ილიას ძეს?

— არა, გმადლობთ! — აჩქარებით უპასუხა მარიამ. — ესე იგი, ჰო! — მარიას სწრაფად გაუქრა სითამამე. — იქნებ, თქვენ იცით... ვლადიმერ ილიას ძემ

თავისი შარტი მომცა... შეიძლება დავუბრუნო? — მარიას ისევე აუთრთოლდა ხმა. — ხომ ხედავთ, როგორ მაცვია ახლა!

ნადეჟდა კონსტანტინეს ასული მიუხვდა და გაელიმა:

— კარგი! ვეცდები, შევასრულო თქვენი თხოვნა!

•

ეს ამბავი რამდენიმე წლის შემდეგ გვიამბო ძველმა კომუნისტმა ი. დემჩენკომ — სახალხო კომისრის ყოფილი მდივნის მარიას მეუღლემ.

ვლადიმერ ილიას ძის შარტი ახლა მისივე სახელობის მუზეუმში ინახება.

ქსალი კოსტყვი



ტელეფონით ლაპარაკი დიდხანს არ გაგრძელებულა; მოსაუბრეებმა იცოდნენ, რას ეხებოდა საქმე.

— იაკობ მიხეილის ძეგ! — თქვა კომენდანტმა. — ამხანაგი ჩემთანაა... ველი თქვენს მითითებას!

პასუხმა დაიგვიანა. ეს გასაკვირი იყო, რადგან მან, ვინც კომენდანტს ელაპარაკებოდა, დაყოვნება არ იცოდა.

პასუხის მოლოდინში კომენდანტმა საფერფლედან თითქმის უკვე დამწვარი პაპიროსი აიღო და რამდენიმეჯერ გააბოლა.

— აი, რა! — გაისმა ყურმილში. — გთხოვთ, არსად წახვიდეთ... ელოდეთ ბრძანებას!

კომენდანტი ერთ ხანს ყურმილს უყურებდა, შემდეგ ფრთხილად ჩამოკიდა იგი და გულგრილად თქვა:

— რა გაეწყობა?! დაველოდებით, შეგვიძლია დიდი ხნითაც დაველოდოთ... ასე არ არის?

კითხვა ხანშიშესული სათვალისანი კაცისადმი იყო მიმართული. იგი სკამის კიდეზე იჯდა და ინტერესით იცქირებოდა ალათიან ფანჯარაში, რომელიც კრემლის ეზოს გადაჰყურებდა.

— ყველაფერი, რაც საჭიროა, ზომ თან გაქვთ? — დაფიქრებით ჰკითხა კომენდანტმა. სათვალისმა ჯიბიდან დახვეული სანტიმეტრი, ნალევა წითელი ფანჯარი და დაცრეცილი უბის წიგნაკი ამოიღო.

— ესაა ყველაფერი! მეტი არცაა საჭირო. ზომას ავიღებ და ჩავიწერ, რომ არ დამავიწყდეს. შემდეგ კი, როცა მასალას დავჭრი, მაშინ პირველად დავაზომებ!

— გასაგებია! — წარმოთქვა დაფიქრებულმა კომენდანტმა. — ასჯერ გაზომე, ერთხელ გასჭერო, ნათქვამია... მაგრამ არ შეიძლება სხვანაირად: ვთქვით, ერთხელ გაზომო, ერთხელ გამოჭრა და შეკერო?

— მოუზომებლად კერვა ვის გაუგია, — დაბეჭითებით უპასუხა მკერავმა. — მხოლოდ მოზომებისას შეიძლება გავიგოთ, როგორ უნდა შეიკეროს — სად

დაეუღოთ ბაბა, სად გამოეუშვათ, სად დავეიწროვოთ!.. ტანადობაზეც ბევრია დამოკიდებული... ნუ იფიქრებთ, მამაკაცის ტანსაცმლის შეკერვა იოლი იყოს... ზოგიერთი მამაკაცი ქალზე უფრო ჰირვეულია!

— ხომ ხდება ისეც, რომ პირდაპირ ზომის მიხედვით კერავენ? — განაგრძობდა ძიებას კომენდანტი.

— ყველაფერი ხდება, — ორჭოფულად მიუგო მკერავემ, — მაგრამ ეს ხომ კერვა არაა... ერთი მითხარით, ამხანაგო კომენდანტო, ვის უნდა შეეუქერო? ბოლიში, მაგრამ თქვენ ეს ჩემთვის არ ვითქვამთ!..

კომენდანტმა ჩაახველა. ეტყობოდა, მზად არ ჰქონდა საამისო პასუხი. ჯიბიდან ქისა ამოიღო, თითის სიმსხო პაპიროსი გაახვია და დიდხანს აჩხაკუნა სანთებელა.

დარეკა ტელეფონმა.

კომენდანტი აპარატს მივარდა, მაგრამ ყურმილის აღებისთანავე სახეზე უკმაყოფილება გამოეხატა. მერე განკარგულება გასცა, ესა და ეს ბაქანი განტვირთეთო, თან მუქარით დააყოლა, მოვალ და შევამოწმებო.

— ვატყობ, თქვენი თანამდებობა ყველაფერს მოიცავს! — მოკრძალებით შენიშნა მკერავემ. — ცოტა ხანი ვიარეთ ჰიშკრიდან და რამდენმა ხალხმა მოგმართათ...

კომენდანტი დაეთანხმა. როგორც ჩანდა, ცდილობდა თავაზიანი მასპინძელი ყოფილიყო, მაგრამ არ გამოუდიოდა. ხან სკამიდან წამოხტებოდა და ოთახში დაალაჯებდა, ხან მოუსვენრად უყურებდა კედლის საათს, ამასთან წამდაუწყებლად ახვევდა პაპიროსს და აბოლებდა.

ახმიანდა ზარი.

ტელეფონში გაისმა ლითონივით მტკიცე, მკაფიო, ნაცნობი ხმა:

— ამხანაგი კომენდანტია?.. მე და ფელიქს ედმუნდის ძე ახლა ილიჩთან მივდივართ! ათიოდე წუთის შემდეგ მოდით თქვენს ამხანაგთან. ერთად! გელოდებით...

ამჯერად კომენდანტმა უცბად დაკიდა ყურმილი და აღმაცერად გადახედა მკერავეს. როგორ მოიქცეს? ახლავე უთხრას, თუ, როგორც იტყვიან, უკანასკნელ წუთს?

სანამ ფიქრობდა, საათის დიდი ისარი შეტოკდა, მთელი დანაყოფით წინ გადახტა. კომენდანტი აჩქარდა.

გარეთ მზიანი დარი იღვა, ოდნავ ყინავდა. კომენდანტი და მკერავი ტაძრის გვერდით მიდიოდნენ. ტაძრის გუმბათი, რომელსაც შეთხელებული თოვლის ქული ეხურა, მზეზე ბრწყინავდა. როგორც ყველგან, აქაც, კრემლშიაც, ბიჭუნები გუნდაობდნენ. მოდიოდა შეშით დატვირთული ჩვეულებრივი საზიდრები.

— აი, მოვედით... აქვე, ორიოდ ნაბიჯზე! — კომენდანტი ამას ძალიან მშვიდად, დინჯი ხმით ამბობდა. — ლენინის, ვლადიმერ ილიას ძის კოსტუმბი უნდა შევკეროთ... ესე იგი პიჯაკი, შარვალი, ჟილეტი.

— ხუმრობთ?! — ძლივს წარმოთქვა მკერავმა.

— არა, არ ვხუმრობ! მართალს ვამბობ... ნუ ლელავთ... ლენინს საესებით შესაფერისი ტანადობა აქვს...

— განა მე ტანადობა მაფიქრებს? — აღმოხდა მკერავს. — ეჰ!

კომენდანტმა ხელი მკლავში გაუყარა.

— არ გეწყინოთ... აღრე არ გითხარით, მინდოდა დამშვიდებული ყოფილიყავით... მე ხომ ვიცი... აღლევა კი, ღმერთმანი, არ არის საჭირო... გულახდილად გეუბნებით: ვლადიმერ ილიას ძესთან ყველაფერი უბრალოდაა. არავითარი ცერემონიები არ იცის... მისი ბინაც სასახლე როდია, ჩვეულებრივი უბრალო ბინაა...

— თქვენ თვითონ რაღას ლელავთ, ამხანაგო კომენდანტო?! გგონიათ, ვერ გატყობთ...

კომენდანტი მოიღუშა.

— არ უარყვოფ!.. მეც ვლელავ!.. მხოლოდ სხვა გარემოების გამო... აქ სხვა ამბავია. — იგი უფრო მოიღუშა, რადგან იგრძნო, რომ მის სიტყვებს დამაჯერებლობა აკლდა. — მოყოლის დრო არა მაქვს, გესმით, არა მაქვს...



მიხელსონის ქარხანაში ვერაგული თავდასხმის შემდეგ ლენინი უფრო აღრე შეუღდა მუშაობას, ვიდრე ჯანმრთელობა ამის ნებას მისცემდა. ექიმებმა მოთხოვეს, მუშაობა შეეწყვიტა და გორკაში წასულიყო.

ამ შემთხვევით ისარგებლეს და გადაწყვიტეს შეეკეთებინათ ულიანოვების ბინა.

— რამდენადაც მოხერხდეს, გააქიანურეთ რემონტი, გაიგეთ? — ეუბნებოდა სვერდლოვი კომენდანტს. — შეუძლებელია ასეთი იშვიათი შემთხვევა არ გამოვიყენოთ. დაე, რამდენიმე დღე კიდევ დაჰყოს ჰაერზე...

კომენდანტიც აქიანურებდა, მაგრამ ძვირად კი უჯდებოდა! პირველ ხანებში გორკასთან სატელეფონო კავშირი არ არსებობდა. კომენდანტსაც ხშირად უხდებოდა ლენინთან წასვლა სხვადასხვა დავალების გამო. ვლადიმერ ილიას ძე ყოველთვის მოუთმენლად ევითებოდა, როგორ მიდის ბინის რემონტი. კომენდანტი ეუბნებოდა, არა უშავს, საქმე წინ მიიწევს, მაგრამ მასალის ნაკლებობა გვაფერხებს, მძიმე დროა, ხან ეს არ არის, ხან ისაო...

როცა ლენინი ცოტათი მომჯობინდა, მოუთმენლობაც გაეზარდა. სულ უფრო და უფრო ძნელი ხდებოდა მასალის ნაკლებობისა და სხვა დაბრკოლებების მომიზეზება. ერთხელ ვლადიმერ ილიას ძემ მკვახედ მოუჭრა კომენდანტს:

— იცით რა, ჩემო კარგო, კმარა! რემონტი დამთავრებულია! ეს უკვე გამოვარკვეე! ხვალ დილით მოსკოვს ვბრუნდები! ასე გადაეცით იაკობ მიხეილის ძეს!.. მე ხომ ვიცი, ვინც გაძლევთ მითითებებს, — დაუმატა მან და კომენდანტს გამგმირავად შეხედა.

კომენდანტი უსმენდა და დამნაშავესავით ახამხამებდა თვალებს. ისეთი დამწუხრებული სახე ჰქონდა, თითქოს სავსებით გრძნობდა თავის დანაშაულს. მაგრამ მას შემდეგ დიდი დრო არ გასულა და მხნედ შეუდგა ახალი „შეთქმულების“ განხორციელებას, რომელსაც კვლავ სვერდლოვი მეთაურობდა. „შეთქმულებაში“ ფელიქს ედმუნდის ძე ძერჟინსკიც იღებდა მონაწილეობას.

დაადგინეს, რომ სახალხო კომისართა საბჭოს თავმჯდომარეს ახალი კოსტუმი ესაჭიროებოდა, თვითონ კი სხვა აზრისა იყო.

ლენინს მხოლოდ ორი კოსტუმი ჰქონდა. მას საშინლად სძულდა ყოველგვარი პირადი ქონების დაგროვება და ერთი კაკისათვის ეს ორი კოსტუმიც სავსებით საკმარისად მიაჩნდა. იგი მნიშვნელობას არ აძლევდა იმას, რომ კოსტუმები დიდი ხნის ხმარებით საკმაოდ გაცვდა. კოსტუმები ყოველთვის გაწმენდილი და დაუთოვებული ჰქონდა და წესიერადაც გამოიყურებოდა — მეტი რაღა იყო საჭირო?!

ახალი „შეთქმულების“ განსაკუთრებული სიძნელე ის იყო, რომ მისი განხორციელება თვითონ ლენინის საქმეში ჩაურევლად არ შეიძლებოდა. როგორ შედგომოდნენ ამ საქმეს, არც სვერდლოვმა იცოდა და არც ძერჟინსკიმ.

— ყოველ შემთხვევაში ჯერ კრინტი არ დაძრათ! — აფრთხილებდა სვერდლოვი კომენდანტს. — ჩათვალეთ როგორც სამხედრო საილუმოებმა! ვლადიმერ ილიას ძემ რომ ჩვენი განზრახვა გაიგოს, ყველაფერი ჩაიფუშება. მოლოდინელად უნდა მივიტანოთ იერიში, მოხერხებული წუთი შევუკრიხოთ.

ასეთი წუთიც დადგა.



მუშამბაგადაფარებულ, კვადრატულ მაგიდასთან ისხდნენ ძერჟინსკი და სვერდლოვი. ვლადიმერ ილიას ძე ჩვეულებისამებრ ოთახში მიდი-მოდიოდა და გაცნობილებით ყვებოდა რაღაც ამბავს.

— გამარჯობათ, ამხანაგო კომენდანტო! რა მოხდა? — იკითხა მან.

კომენდანტმა სვერდლოვს შეხედა. ალბათ, მეტად გამომეტყვეელი იყო მისი გამოხედვა, რადგან ლენინი მაშინვე სტუმრებისაკენ შემობრუნდა. იაკობ მიხეილის ძე სვერდლოვი უშფოთველი სახით იჭდა. მხოლოდ სათვალის მინები უბრწყინავდა.

ფელიქს ედმუნდის ძე ძერჟინსკი წიგნს ფურცლავდა, თითქოს არაფერი მომხდარაო. ვლადიმერ ილიას ძემ მოუთმენლობისაგან წარბები შეიკრა.

— იქნებ თქვენ აგვიხსნათ, ამხანაგო კომენდანტო, მოსვლის მიზანი? ეგ ვინდაა, თქვენს ზურგს უკან რომ იპალება?! ისევ რაიმე გამოიგონეთ?!

ოჰ, რა მძიმე, რა უხერხული წუთი იყო! ყოფილმა მეზღვაურმა, რომელიც, როგორც იტყვიან, წარბშეუხრელად აცლიდა იარაღს ყუმბარებით აღჭურვილ ანარქისტებს, აღარ იცოდა, რა ეთქვა. ხელი უნებლიეთ ჯიბეს შეახო, სადაც თამბაქოს ქისა ედო.

— მე მგონია, ჩვენს წინაშეა ამხანაგი. რომელიც ზომის ასაღებადაა მოსული! — ისეთივე მშვიდი გამომეტყველებით წარმოთქვა სვერდლოვმა. — მე რატომღაც ასეთი შთაბეჭდილება შემეჭმნა.

— ზომის? — გაიკვირვა ლენინმა. — რა ზომა? ვის უნდა აუღონ ზომა?

— თქვენ, ვლადიმერ ილიას ძე, — ჩაერია ლაპარაკში ძერჟინსკი. — თუ არ ვცდები, ლაპარაკია თქვენს ახალ კოსტუმზე!

— ეს რა არის? შეთქმულება? — ლენინმა ერთი ნაბიჯით უკან დაიხია. — ისიც თვით სრულიად რუსეთის საგანგებო კომისიის თავმჯდომარის მონაწილეობით?

ძერჟინსკიმ დარცხვენით დახარა თავი.

— გამოვიწვრთე, ვლადიმერ ილიას ძე! მე ხომ სულ შეთქმულებებზე ვმუშაობ! შეიძლება ითქვას, სპეციალისტი ვავხნი!

— აი, თურმე რა ყოფილა! მეტად ორიგინალურია. — ლენინმა აღმაცურად გადახედა სულგანაბულ „შეთქმულებს“. — სრულიად რუსეთის ცენტრალური აღმასრულებელი კომიტეტის თავმჯდომარე კი დიპლომატიურად დუმს!.. მაგრამ ნუ გგონიათ, იაკობ მიხეილის ძე, რომ მე არ ვიცი ზოგიერთი თქვენო ძ-ძ-ძალიან თავისებური იდეა... ან ის, თუ რა გულმოდგინეობას იჩენს თქვენი განზრახვების აღმსრულებელი...

ვლადიმერ ილიას ძის ხმაში გაქირღვა იგრძნობოდა, ეტყობოდა, რომ მართლა ჭავრობდა.

სვერდლოვმა ოდნავ შესამჩნევად შეარხია ხელი და სათვალე მიანათა კომენდანტს. მან სწრაფად გაუგო, ნელა, ვითომ შემთხვევით განზე გადასა და ყველამ დაინახა მის განიერ ზურგს მოფარებული კაცი. იგი თვალებს ქუთავდა,

თითქოს კაშკაშა სინათლის წინ დგასო, სათვალე გვერდზე მოქცეოდა, თითებთ ანგარიშშიუცემლად აწვალებდა სანტიმეტრს.

— გამარჯობათ, ამხანაგო, — უთხრა ლენინმა, მიუახლოვდა და ხელი გაუწოდა. — არ ვიცი, როგორ მოგმართოთ.

— თევდორე... მიხეის ძე... როსლიაკოვი, — დახშული ხმით უპასუხა მკერავმა.

— თევდორე მიხეის ძე? — მეორედ მიმართა ლენინმა. — მაშ, თევდორე მიხეის ძე, გთხოვთ მომიტყევოთ, რომ შეგაწუხებს, თვითონ შემეძლო მოვსულიყავი თქვენთან! — მან „შეთქმულებს“ გადახედა, თვალებში მომნუსხავი ნაპერწკალი გაუკრთა. — კარგი, დღეს თქვენ მაჯობეთ, მაგრამ... — ლენინმა ხელი ჩაიქნია. — რას მოითხოვთ ჩემგან?

მკერავმა პირველად შეხედა სახეში თავის არაჩვეულებრივ შემკვეთს, რომლის სახე სავსებით მშვიდი იყო და ვიწრო, გასაოცრად ცოცხალი თვალების სიღრმეში ღიმილი უკრთოდა. თევდორე მიხეის ძე მიუახლოვდა ლენინს, გაისწორა სათვალე, შეათვალიერა ლენინის კოსტუმი და ფრთხილად გადმოაბრუნა გადანაკეცი.

— თვითონ დარწმუნდით, რა ფერი ჰქონდა ამ ქსოვილს და რა ფერისაა ახლა...

ლენინმა ალმაცერად დახედა გადმობრუნებულ გადანაკეცს.

— ჰმ... — წარმოთქვა ერთგვარად შეცბუნებულმა. — ეს ხომ მხოლოდ მაშინ ჩანს, თუ გადააბრუნებ. გარედან კი მთელი ქსოვილი ერთიანადაა გახუნებული. მგონია ეს მის სიმტკიცეზე გავლენას არ ახდენს... ვფიქრობ, იგი სავსებით დამაკმაყოფილებელია.

— არაა დამაკმაყოფილებელი, — უკვე უფრო გაბედულად უთხრა მკერავმა. — რასაკვირველია, ჩანს, რომ კარგად უვლით, მაგრამ ყოველი ნივთი მწყობრიდან გამოდის! — მკერავის ხმა მკაცრადაც კი გაისმა. — ასე რომ, ახალი კოსტუმი აუცილებლად გპირდებით... მე მგონი, ამაზე არ ვიკამათებთ!..

კომენდანტი აღტაცებით შეჰყურებდა სათვალიან ჩია მკერავს, რომელიც ასე ღინჯად და მტკიცედ მოქმედებდა. სვერდლოვი და ძერჟინსკი ყურადღებით შესტყუროდნენ მკერავს. იგი ოსტატურად ხმარობდა სანტიმეტრს და თავის გაცვეთილ უბის წიგნაკში რაღაცას ინიშნავდა. ვლადიმერ ილიას ძე მორჩილად ტრიალებდა მის წინ, ხელებს მალლა წევდა, დგამდა ნაბიჯებს.

— დღეს კმარა! — მკერავმა მარდად დაიწყო სანტიმეტრის დახვევა. — ვფიქრობ, ვლადიმერ ილიას ძე, — (რა უბრალოდ და ადვილად გამოუვიდა ეს მიმართვა!) — ვფიქრობ, რომ ერთი მოზომების მეტი არ დაგპირდებით;

ცდას არ დავაკლებთ... მართალია, მაუდი პირველხარისხოვანი არ არის, ცოტა უხეშია, მაგრამ კოსტუმს შესაფერისს შევკვრავთ...

— მაუდი... — გაიმეორა ლენინმა, თითქოს ყურს უგდებდა, როგორ ჟღერს ეს სიტყვაო, და უცბად მიუბრუნდა კომენდანტს: — ვერ გამაგებინებთ, საიდან გაჩნდა მაუდი?! რა თანხებითაა შექმნილი?!

კომენდანტი წინ წარდგა.

— ვლადიმერ ილიას ძევ! აი... დამიჯერეთ! თქვენ თვითონ ხართ საქმის კურსში. ფართალს ათ-ათ არშინს არიგებდნენ პროფკავშირის ყოველ წევრზე. ნადეჟდა კონსტანტინეს ასულს და მარია ილიას ასულს შევეუთანხმდით: ფართლის მაგიერ ერთი საკოსტუმე ავიღეთ... ფასში კი ვიზარალეთ! ხომ მოისმინეთ, მაუდი პირველხარისხოვანი არააო. სამართლიანობა მოითხოვდა, ცოტა ფართალიც დაგვეტოვებინა, მაგრამ ნადეჟდა კონსტანტინეს ასულმა არამც და არამცო... ვერას გავხდით!..

ლენინი ისე უსმენდა, თითქოს ფიქრობდა, დაეუჯერო თუ არაო.

— მხედველობაში იქონიეთ, რომ ყველაფერს მკაცრად შევამოწმებ! და თუ ყველაფერი ასე არ არის, ვაი თქვენი ბრალი! თქვენ ისედაც შემჩნეული მყავხართ...

— ვლადიმერ ილიას ძევ! — მხურვალედ წამოიძახა კომენდანტმა. — მე...

ლენინი თვალბმოკუტული უცქეროდა მას, და უცებ გადაიხარხარა ისე, როგორც მას სჩვეოდა — მხიარულად, ლალად, თავშეუკავებლად...

— მაშ, გამოდის, რომ თქვენ მთელი ჩემი ოჯახი ჩააბით შეთქმულებაში... — ამბობდა და ხელისგულით იწმენდდა თვალებს. — იცით რა... ეჰ, სიტყვები არ მყოფნის!..



კომენდანტი ბავშვივით იქცეოდა. იგი სტვენით მიდიოდა, ახტებოდა თოვლით დაფარულ მორებს, ყვავებს ნაფოტებს ესროდა. მერე უცებ გაახსენდა, რომ დიდი ხანია მოწვევა უნდოდა და არც გაჩერებულა, ისე გაახვია რალაც განსაკუთრებული მოყვანილობის პაპიროსი.

— ახლა ყველაფერი გარკვეულია, — უთხრა თანამგზავრს და თამბაქოს ბოლი სიამოვნებით გამოუშვა ცხვირიდან. — როგორც კი კოსტუმე გასასინჯად მზად იქნება, მაშინვე დაუურეკავ ილიჩს. დარწმუნებული იყავით, რომ ამჯერად გამონახავს ღროს, რადგან დაგვიპირდა...

თანამგზავრი ხმას არ იღებდა, მიდიოდა და წინ იცქირებოდა. კომენდანტ-მა ლიმილით შეხედა:

— აი, როგორ ხდება ცხოვრებაში! განა იფიქრებდით, რომ შეთქმულების მონაწილე გახდებოდით?! ხომ არ შეშინდით?

მკერავი შეჩერდა. მოძველებული სათვალისგან მომზირალი თვალები უბრწყინავდა.

— შევშინდი? არა, ეს ის სიტყვა არაა! ამჯერად არ გამოგვადგება! — მისი ხმა მხიარულად ჟღერდა. — დღეს ადამიანად ვიგრძენი თავი!.. ადამიანად!

საიდუმლოება



...ჩვენ არც ისე შორსა ვართ დედაქალაქიდან, გზაც ახლო გადის, მაგრამ უცხო კაცს იშვიათად შეხვდებით. ირგვლივ ტყეა, სიწყნარე, ხანდახან თუ გაიგონებ საყვირის ხმას სადგურიდან.

და უცებ, სულ რომ არ მოველოდით, მოსკოვიდან სტუმრები ჩამოვიდნენ. გუშინდელივით მახსოვს — გზიდან მანქანის ხმა მოგვესმა. მე და ჩემი ბებრუ-
ხანა ამ დროს სამხრად ვეშადებოდით. გამოვედი, რომ მენახა, ვინ ჩამოვიდა.

ვხედავ: მანქანასთან კაცი დგას, ილიმება:

— გამარჯობა, ძია კუზმა! როგორა ხარ, რასა იქმ? კარგა ხანია ერთმანეთი აღარ გვინახავს!

ჩავაკეპრდი — ეს ხომ ჩემი მოსკოველი ძმისწულია!

— გავიმარჯოს, გავიმარჯოს, — ვეუბნები. — დაგავიწყდა განა ბიძაშენი, სად დაიკარგე!..

— დროს ვერ ვშოულობ. კუზმა ძია, ხომ იცი სამსახურის ამბავი! ახლა კი ხედავ, მოვედი... სტუმარიც მოგიყვანე.

მანქანიდან სტუმარი გადმოდის. ტანზე ჯუბა აცვია, ყურებიანი ქუდი ჰხურავს, ხელში თოფი უჭირავს; მისი სახე მეცნობა.

— თითქოს სადღაც შევხვედრივართ, — ვეუბნები სტუმარს, — ხოლო სად, ვერ მომიგონებია.

— არა უშავს! ვინც კი ოდესმე შეგხვედრია, ყველას ხომ ვერ დაიმახსოვრებ! მოდით, გავიცნოთ ერთმანეთი! ლენინი! — მეუბნება მოსული.

ერთბაშად ვერც კი ჩავწვდი მის ნათქვამს! შემდეგ ერთი-ორჯერ შევხედე, დავაკვირდი: ეს ხომ ნამდვილად ლენინია! სადგურის უფროსთან მინახავს მისი სურათი, სიტყვას რომ ამბობს. „ვაი, სირცხვილო, — გავიფიქრე, — ეს რა მომივიდა! როგორ ვუთხარი, სადღაც მინახხართ, მაგრამ ვერ მომიგონებია-მეთქი!“

— კუზმა თომას ძვე! მიიღე სტუმარი!

ამას ძმისწული მეუბნება. ლენინი კი აჩერებს:

— თუ ხათრი გაქვთ, ნურაფერზე შეწუხდებით. მე არაფერი მინდა. აი, სანადიროდ წასვლა კი, სულ სხვა ამბავია.

იგი ლაპარაკობდა მშვიდად, თავაზიანად. მეც უფრო თავისუფლად ვიგრძენი თავი. რაც შეეხება ნადირობას, ეს ხომ ჩემი საყვარელი საქმე იყო.

— ნადირობა ახლა შეიძლება, — ვუთხარი მე. — ერთ-ორ როკოს მოვიწოდებთ! კურდღლებზე ნადირობაც დროულია. ძალი არც გვინდა... ჯერ კი ქოხში შემობრძანდით, ნუ დაგვძრახავთ, ტყეში ვცხოვრობთ! ვიწროდა ვართ, სიბნელეში — ქოხი ხუხულასავითაა... ნუ დამემღურებით, თუ რამე ისე არ იქნა...

ძმისწულმა აღმაცერად გადმომხედა, წარბები შეიკრა. მე მაშინვე დავდუმდი! ჩანს, რაღაც წამომცდა, მაგრამ რა? ამაზე ფიქრის დრო არ იყო...

შევედით ქოხში. ჩემი ბებრუხანა სწორედ ამ დროს შჩის აცხელებდა. მან ქვაბი მაგიდაზე დადგა. ლენინი მიესალმა მას და ფეხებზე დაიხედა.

— ჩქმები ხეირიანად არც დაგვიბერტყავს! რამდენი თოვლი შემოვიტანეთ!

ბებრუხანამ არ იცოდა, ვინ იდგა მის წინ და შინაურულად უთხრა:

— არაფერია! იატაკი მაინც გასარეცხია! ხომ არ ინებებთ ჩვენს შჩის? მართალია, გუშინდელია, მაგრამ შჩი ხომ მეორე დღეს უფრო გემრიელია!

ლენინმა მადლობა გადაუხადა, ჩანთიდან შეკრულა ამოიღო, გახსნა, ამოალაგა სახლიდან წამოღებული საუზმე — ბუტერბროდები — ისეთი, როგორსაც მოსწავლეებს ატანენ ხოლმე სკოლაში. უთუოდ მეუღლემ მოუშზადა.

— მიირთვით, გეთაყვა, გთხოვთ! — უთხრა დიასახლისს, თვითონ კი შჩის შეექცა, მოეწონა:

— ძალიან გემრიელია თქვენი შჩი! ნამდვილი რუსული შჩია!

ისეთი სიტყვები, რასაკვირველია, მეტად ეამა დიასახლისს. მაგრამ აბა, სცოდნოდა ერთი, ვინ იყო მისი სტუმარი?!

ამ დროს ძმისწულმა მკითხა:

— კუზმა თომას ძვე, ხომ არ გექნება ჰილობის ნაჭერი ან ძველი ტომარა? მანქანას უნდა მივხედო.

გამოვედით დერეფანში, ძმისწული ჩემად მიხსნის:

— შენ, ძია კუზმა, ცხადია, არ იცი საქმის ვითარება, რადგან ყველაფერი უეცრად მოხდა. მხოლოდ დმერთი არ გაგიწყრეს და ლენინს თავი დატაკად არ მოაჩვენო! აქაოდა, პატარა ხალხი ვართო, არ დაგვძრახოთ და ასეთები. ჰი-

რევით ეჯავრება, როცა ადამიანი თავს იმცირებს, ხოლო მას აღიღებს. ვლადიმერ ილიას ძე ასეთ რამეს ვერ ითმენს. გესმის?

— მესმის, — ვეუბნები მე. — შენ მხოლოდ ერთი რამ ამიხსენი: როგორ მოხდა, რომ აქ მოვიდა? ჩანს, ჩემო ძმისწულო, შენც დიდი თანამდებობისთვის მიგიღწევია, რაკი თვით ლენინთანა ხარ!

ძმისწული იცინის:

— ჩემი თანამდებობა ისაა, რომ კრემლის გარაჟის შოფერი ვარ. თანამდებობა პატარაა, ნდობა კი დიდი: ვლადიმერ ილიას ძე სხვადასხვა საქმეზე დამყავს. გუშინ მიტინგიდან მომყავდა, მეუბნება: „დიდი ხანია ქალაქგარეთ არ ვყოფილვარ! მინდა სუფთა ჰაერი ვისუნთქო. უქმად გდებით თოფიც მიჰანგდება!“ ვეუბნები — „რას ამბობთ, ვლადიმერ ილიას ძე, ახლოს შესაფერისი ადგილი მეგულება, იქ ერთი კაცია — მეტყევედ მუშაობს, ზეპირად იცის რამდენი როჭო და კურდღელია ტყეში!“ ჰოდა, სტუმრადაც მოგიყვანე. წაყვევი ვლადიმერ ილიას ძეს. შორს ნუ წახვალთ, შეიდ საათზე კრემლში სხდომას უნდა მიუსწროს. მე კი მანქანას მიეხედავ, რატომღაც ძრავა ხრიალებს!

დავამთავრეთ საუბარიც და ლენინი გამოვიდა, ხელში თოფი ეჭირა.

— მე მზადა ვარ, კუზმა თომას ძე, თქვენ?

მას უკვე დაუხსომებია ჩემი სახელიცა და მამის სახელიც, და მეც მოურიდებლად, როგორც დიდი ხნის ნაცნობს, ისე ვეუბნები:

— ამ წუთში, ვლადიმერ ილიას ძე, ცოტა მომიტმინეთ! ერთი საქმე მაქვს! ახლაც მოვალ!

— კეთილი, დაგიცდით!

ჩემი ბებრუხანა ქონს ალაგებდა, მითხრა:

— რა თავაზიანი ადამიანია. ყველაფერი გამოძიებდა: ტყეში ცხოვრება ხომ არ მოგწყინდათო, მოსკოვში თუ ყოფილხართო... ნეტავი ვინ არის?

ცოტა ვაცალე და ვუთხარი:

— ეს თვითონ ლენინია, ვლადიმერ ილიას ძე! ჩემთან პირდაპირ კრემლიდან მოვიდა სანადიროდ!

ბებრუხანამ ხელები გაშალა:

— რას ამბობ! გონს მოდი! როგორ არა, შენთან ჩამოვიდოდა სწორედ!

— შენ რა გესმის, ჭკუამოკლე, — ვეუბნები მე, — მართალია, ლენინი ყველა მეფეზე დიდია, მაგრამ მუშებისა და გლეხების ბელადია და მისთვის უბრალო ადამიანზე უფრო საყვარელი არავინაა დედამიწაზე! გაიგე? იმას გენერალიც კი დაუდგებოდა შოფრად. მან კი ვინ აიყვანა, ჩემი ძმისწული! შემიძლია დაწვრილებით ავიხსნა, მაგრამ მე ხომ ლენინი მგლოდება.

ვხედავ, ჩემი ბებრუხანა თვალებს ასამხამებს. დაიჯერა, როგორც იქნა!

— კი მაგრამ, რა ვქნათ ახლა? როგორ მოვიქცეთ ამის შემდეგ?

— არავითარი მოქცევა საჭირო არაა, ყველაფერი ისე უნდა იყოს, როგორც არის. მე რომ დილით თეთრი კურდღელი მოვიტანე, გაატყავე, შედეგად ლუშმელ-ში, რომ სადილისათვის მზად იყოს... გასაგებია? მე და ლენინი კი ახლა სანადიროდ მივდივართ.

ბებრუხანამ ხელები შეიხოცა, წინსაფარი მოიხსნა და გამოიყვია.

ვლადიმერ ილიას ძე წინკართან იდგა, ზამთრის მზეზე თვალი მოექუტა: თვალეში სინხარული ჩადგომოდა.

— მაშ, კუზმა თომას ძე, ჩვენ დღეს სეირს ვუჩვენებთ ყველა კურდღელს, ხომ?

როგორც მიღებულია ზოლმე, გამარჯვებული დაბრუნებულიყავითო — გვისურვეს და გზას გაუდღეკით. მშრალი, ძლიერი, მაგრამ უქარო ყინვაა, ასე რომ, არ გვაწუხებს. ტყეში სიჩუმეა, ტოტიც არ ირხევა. ნაძვები თეთრ ქურქში გახვეულან. ფიჭვები ისე აზიდულან ცაში, გეგონებათ მზეს წვდებიანო.

ლენინი აუჩქარებლად მიდის, აქეთ-იქით იცქირება, ბუნების ცქერით ტკებება.

— კარგა ხანია ასეთი მშვენიერება არ მინახავს. აქ ცაც კი სხვანაირად გამოიყურება.

ერთ ადგილას ტოტს გამოედო, თოვლი დააცვივდა თავზე, საყელოშიც ჩაეყარა. ის კი იცინის:

— კარგია! მშვენიერია!.. კუზმა თომას ძე, თამბაქოს ეწევი?

— ოდესღაც ვცოდავდი, — ვუპასუხე. — წეკოსაც ვახვევდი, ჩიბუხსაც ვაბოლებდი! შემდეგ თავი მივანებე. ახლა ისე ვარ, თითქოს არასდროს მომეწიოს.

— კარგი გიქნიათ, კუზმა თომას ძე! მეც არა ვარ თამბაქოს მოყვარული! სეირნობის დროს რომ სწევენ, მთელ სიამოვნებას გაშხამებენ. როცა თამბაქოს მწველებთან მივდივარ სასეირნოდ, ყოველთვის ვაფრთხილებ, რაც მოსაწვევი აქვთ, ერთბაშად მოსწიონ.

მივდივარ ლენინთან ერთად. სულ ახლომახლო ვტრიალებთ, რომ ძალიან არ დაეშორდეთ სახლს. ვლადიმერ ილიას ძე ზომიერი ნაბიჯით მომყვება, ღრმად და თანაბრად სუნთქავს, ჩანს, გამოცდილი მოსიარულეა. ასე მივადწიეთ ყოფილ ტეპლოვის სატყეომდე. გვარიანი გზა გავლიეთ. აქ მეჩხერი ტყეა. ვერ-ჯეები გვერდზე გადახრილი დგანან. აი, კურდღლის წრიული ნაკვალევით. გარშემო შემოვუარეთ. ფრთხილად შევებე ვლადიმერ ილიას ძეს მკლავზე: ვანიშნებ პატარა ლაქას თოვლზე: თითქოს ყურცქვიტა ორმოში ჩაფლულა და ყურები უკან გადაუწყვია. „ესროლეთ“, — წავჩურჩულე ლენინს. მან თოფი

შემართა. გაისროლა. იქ, სადაც ლაქა მოჩანდა, თოვლის ბუქი ავარდა. ახლოს მივედით, მაგრამ მოკლე კურდღლის მაგიერ კუნძი დაგვხვდა.

ვლადიმერ ილიას ძე ხუმრობს:

— ბედმა გვიმტყუნა!

— არა, — ვეუბნები, — ეს მე მოვტყუედი, კუნძი კურდღლად მომეჩვენა, თქვენ კი პირდაპირ მიზანში მოახვედრეთ! ზუსტად ისვრით! კურდღელი რომ ყოფილიყო, შავი დღე დაადგებოდა!

ისევე გავუდღეკით წრიულ გზას. ხან მელიის კვალს წავაწყდებოდით, რომელიც გვირისტს წააგავდა, ხან კურდღლის მიხვეულ-მოხვეულ ნავალს, თვითონ ნადირი კი არ შეგვინიშნავს. ერთ ქეციან კურდღელს მაინც გადაეპკრა გზა! როკოც ვერ დავაფრთხეთ, თოვლში თუ ჩაძვრნენ ყინვის შიშით. თითქოს ყოველი სულდგმული ამოწყვეტილიყო.

მართალი გითხრათ, თანდათან მღელვარება მიპყრობდა. რამდენი ხანია დავდივართ და ვერაფერს წავაწყდით. ზამთრის დღე მოკლეა, ლენინსაც დრო არა აქვს.

მივადწიეთ ღრმა ხევის. აქ მოვუხვევდით და ბილიკი სახლთან მიგვიყვანდა. უცებ მანლობლად თოვლის ხრაშა-ხრუში გაისმა. ეს უკვე კურდღელი კი არ მოხტოდა, რალაც სხვა პირდაპირ მოიწვედა ჩვენკენ. ჩავსაფრდით, თოფები მოვიმარჯვეთ და ამ დროს ლაპარაკი შემოგვესმა. გამოჩნდა ორი კაბუკი. ესენი სადგურზე მცხოვრები ნაცნობი ბიჭები იყვნენ.

— გამარჯობათ, ძია კუზმა! ჩვენ მელას წავაწყდით! მოკალით რამე?

მე გავბრაზდი: დაბორილობენ უსაქმოდ, მხოლოდ ნადირს აფრთხობენ და მეტი არაფერი. ვლადიმერ ილიას ძე კი მაშინვე გამოესაუბრა. კაბუკებმა ყურადღება მიაქციეს მის თოფს და შეეკითხნენ: „ძია, როგორ ისვრის ეგ თოფი უჩანსახოდ?“ ლენინმა გადახსნა თოფი, ამოიღო ვაზნები და აუხსნა, როგორ იყო იგი მოწყობილი. მერე თვითელს ხელშიც კი დააპერინა!

მე განზე ვდგავარ, ბოღმა მახჩობს. ეს რა გამოვიდა, რა უხერხულ მდგომარეობაში ჩავყარდი! დავპირდი ლენინს ნადირობას, დავიტრაბახე — კურდღელს უძალოდ მივაგნებ-მეთქი! ძმისწულიც მაქებდა! — გამოცილილი კაცი, როკოებს სულ საითთაოდ იცნობსო.

ჰოდა, ისეთმა უცნაურმა აზრმა გამიელვა, ძნელად თუ დაიჭერება.

ვიფიქრე, ნეტავ ახლა აქ მომცა ის კურდღელი ჩემს ბებრუხანას რომ დავუტრევე შესაწავად; ხელუხლებელი რომ მეგულეობდეს, ახლავე ჩემად გავგზავნიდი ამ ბიჭებს და მოვატანინებდი-მეთქი. არც ისე შორი გზა იყო, დაბრუნებას მოასწრებდნენ. მერე შეუმჩნევლად ჩავდებდი ბუჩქებში და...

აი, რა ფიქრები მიტრიალებდა დადარდიანებულს! ტყეში კი უკვე ღამდე-

ბოდა, წასვლის დრო იყო! ჰაბუეებმა გული იჭერეს თოფის ცქერით და სად-
გურისაყენ გაემართნენ. ლენინმა მათ გზა დაულოცა, თან დაუმატა:

— ასე შორს რატომ გამოდიხართ ტყეში? ხომ შეიძლება გზა აგერიოთ?
ჰაბუეებმა კი შორიდან უპასუხეს:

— ფიქრი ნუ გაქვთ, ძია, ჩვენ აქ თვალდახუჭული გავიგნებთ გზას! ზაფხუ-
ლობით თხუთმეტ ვერსზე მივდივართ ხოლმე სოკოებისთვის.

ვლადიმერ ილიას ძემ გახედა მიმავალთ და მოწონების კილოთი წარმო-
თქვა: „ყოჩალი ბიჭებია“. შემდეგ ჯუბა გაიხსნა და საათი ამოიღო.

— რა გაეწყობა, კუზმა თომას ძევ! უნდა გავწიოთ სახლისაყენ!
დამთავრდა ჩვენი ნადირობა!

გამოვბრუნდით უკან. ლენინი ხმას არ იღებს. მე მოშორებით მივყავები,
საკუთარ ფეხებს დავყურებ. ვგრძნობ, რომ ყურები მეწვის, თავი მიხურს! ასე.
მივდივართ, თოვლი ხრამუნებს ფეხქვეშ. უცებ ლენინი ახლოს მოდის, ჩერდებ-
და. აჰა! ახლა მეტყვის საკადრისს! — გავივლე გულში!

მესმის მისი ხმა — მშვიდი, დაბალი:

— გამიგონეთ, კუზმა თომას ძევ! ეგრე რამ დაგაღონათ! დღეს ნადირო-
ბამ არ გავგიმართლა. ხდება ხოლმე! დღე დღეს არ წაგავს! განა შეიძლება.
ასეთ უბრალო რამეზე აღელვება?!

— განა ეს უბრალო რამაა, ვლადიმერ ილიას ძევ? — ვეუბნები მე. —
როგორ არ ვიღელვო? ამას ჩემს თავს ვერასოდეს ვაპატიებ! სანადიროდ ჩამო-
ხვედით, გინდოდათ სიამოვნება განგეცადათ, და რა გამოვიდა? იმის გაფიქ-
რებაც კი არ შემიძლია, რომ შინ ხელცარიელი დაბრუნდებით!

ლენინმა მხარზე ხელი დამადო:

— გაიგეთ, კუზმა თომას ძევ, არც ასეა საქმე. მოხარული ვარ, რომ აქ
ჩამოვედი! სუფთა ჰაერი ვისუნთქე, ტყეში თოფით ვიხეტიალე. ეს ჩემთვის
ყველაზე საუკეთესო და სასიამოვნო დასვენებაა. კიდევაც რომ შემხვედროდა
ფრინველი ან ნადირი, ვინ იცის, იქნებ არც კი მესროლა.

რომ ამბობენ: „გულიდან ლოდი მომცილდაო!“ მეც ასე დამემართა, დავ-
მშვიდდი, ფეხებმა შვება იგრძნეს.

— იცით, ვლადიმერ ილიას ძევ, — ვეუბნები მე, — უნდა გამოგიტყდეთ.
რომ თქვენი მოტყუება მინდოდა!

— ჩემი? მითხარით როგორ, საინტერესოა!

ახლა უკან დახევა აღარ შეიძლებოდა. ვუამბე მოკლული კურდღ-
ლის ამბავი.

პირდაპირ წარმოუდგენელი რამ მოხდა!

სიცილისაგან აცრემლებული ლენინი ცხვირსახოცით იმშრალედა თვალებს.

— კი მაგრამ, როგორ გააკეთებდით ამას? ამიხსენით მაინც!..

— როგორმე მოვახერხებდი, ვიეშმაკებდი!.. ბუჩქებში ან ბორცვის ძირში მივაგდებდი... შემდეგ... მაშასადამე, თითქოს თქვენი გასროლით...

ვლადიმერ ილიას ძე ხეს მიეყრდნო, ხელები დამიქინა:

— კმარა, კმარა, კუზმა თომას ძეგ... თქვენ მე სიცილით მომკლავთ!

განვავარძობთ გზას. როგორც კი გაახსენდება კურდღლის ამბავი, ლენინი სიცილით იგუდება.

მალე მივედიტ სახლში, ლენინი გამხიარულებული შედის შინ, თითქოს კირგი ნადირობიდან დავბრუნდითო.

ბებრუხანა ძველი ჩვეულებისამებრ გვეგებება:

— ბარაქით დაბრუნდით!

ასე ვთქვათ, წარმატებას გვილოცავს. ვლადიმერ ილიას ძემ იცის ნადირობის წესები და უპასუხებს:

— არა, ხელმოცარულნი დავბრუნდით.

ეს რომ ბებრუხანამ გაიგონა, გაკვირვებისაგან ხელები გაშალა, ლენინმა კი მაშინვე დასძინა:

— სამაგიეროდ საუცხოოდ გავისეირნეთ და მე მეტად კმაყოფილი ვარ. ჰაერი იმდენი ვისუნთქე, მთელი თვე მეყოფა. კუზმა თომას ძემ ყველა საუკეთესო ადგილი მიჩვენა. ახლა კი შინ უნდა წავიდე!

ბებრუხანა ეუბნება:

— წაისაუზმეთ, ვლადიმერ ილიას ძეგ! როგორ შეიძლება, მთელი დღე უქმელი ხართ! ყველაფერი მზადაა, სუფრის გაშლაა საჭირო!

— გმადლობთ, მაგრამ წასვლის დროა!

ლაპარაკში ჩემი ძმისწული ჩაერია:

— დრო კიდევ არის, ვლადიმერ ილიას ძეგ! ზუსტად შვიდ საათზე ჩავალთ, ამაზე მე ვაგებ პასუხს. ნუ აწყენინებთ ჩემს ნათესაეებს.

დაევსით ვლადიმერ ილიას ძე მაგიდასთან. დედაბერმა ტაფით შემწვარი კურდღელი შემოიტანა, ჩამოგვირიგა ყველას.

— არ ვიცი, — ამბობს იგი, — იქნება აკლია შეწვა, თუმცა მთელი დღე ვშუშავდი ნელ ცეცხლზე.

ლენინი ამშვიდებს:

— რას ბრძანებთ, თქვენი კურდღელი ჩინებულა!.. მე ის არ დამავიწყდება! — თან ეშმაკურად მიყურებს, ვითომ ჩემი განზრახვის გამხელას აპი-

რებს. ეკლებზე ვზივარ. ისე უხერხულად ვგრძნობ თავს, მზად ვარ გავიქცე. ლენინმა კიდევ ერთხელ გადმომხედა და ერთბაშად შეცვალა ლაპარაკი: მესმის საქმის ვითარება, ვდუქვარ, საიდუმლოებად დარჩესო.

და მხოლოდ მანქანაში, ვიდრე ძმისწული ძრავას ქოქავდა, ისევ გაიცინა ჩუმად, რომ არავის შეემჩნია. შემდეგ გადმოიწია ჩემკენ და ჩამჩურჩულა:

— თქვენ, კუზმა თომას ძევ, ძალიან დიდი იუმორისტი ხართ! კარგა ხანია ასე არ მიცინია და ასე საუცხოოდ არ დამისვენია!

ბგად, მოსკოვისაკენ



მატარებელი მოსკოვს უახლოვდებოდა. ბოლო თბილანა ვაგონში განუწყვეტილად ღუღუნებდა ღუმელი. გარეთ მძინვარებდა ყინვა, რომელსაც ჭერ კიდევ ცოტა ხნის წინ ნათლიღების ყინვას უწოდებდნენ. საღებურის დასახლებათა ზემოთ გვერდებზე ჩამოღვენთილი სანთლებივით ჩანდა საკვამურებიდან ამოსული თეთრი ბოლი.

როცა მატარებელი მოსკოვის გარეუბნის რომელიღაც საღებურზე გაჩერდა, ერთ-ერთმა წითელარმიელმა (ამხანაგები მას „ზემდეგს“ ეძახდნენ), ხენეშით ჩაიცვა მაზარა, ჩამოიფხატა მაულის ქუდი, გადაიკიდა საველე ჩანთა, ჩამოიკიდა რევოლვერი და თქვა, ვაგონების დასათვალიერებლად ჩავდივარო. ახლა, როცა მოსკოვამდე თითზე ჩამოსათვლელი კილომეტრებიდა რჩებოდა, თითქმის არავითარი მოულოდნელი რამ არ უნდა მომხდარიყო. ამ გრძელ და ძნელ გზაზე კი მოულოდნელ ამბებს არა ერთხელ შესწრებიან..

ზემდეგმა ყურადღებით შეამოწმა დალუქული ვაგონები, ბაქნის ბოლომდე მივიდა და მოლიპულ საფესურებზე დაეშვა, უკეთ რომ ვთქვათ, ჩასრიალდა პირდაპირ დათოვლილ ველზე. აქედან თითქოს სულ სხვა სამყარო იწყებოდა. უძრავად იდგა გაყინული ვერცხლისფერი არყის ხეები. გეგონებოდათ, საკმარისია ოდნავ შეეხოთ და ისინიც აწკრიალებიანო. ირგვლივ სამარისებური სიჩუმე სუფევდა. სიჩუმეში უეცრად გაისმა მყისიერი ტკაცანი — რომელიღაც არყის ხემ ყინვას ვერ გაუძლო და გაიბზარა. შორს პორიზონტზე ცა მეწამული შუქით იყო განათებული — მოსკოვის გუბერნია ციმბირის დამახასიათებელი ყინვით ხვდებოდა მგზავრებს.

ზემდეგი ცოტა ხანს იდგა, სიცივემ აიტანა და ისევ უკან გამობრუნდა. ბაქანზე არ იყო მგზავრების ჩვეულებრივი ჩოჩქოლი, მცველი რაზმი არავის უშვებდა სამარშრუტო შემადგენლობასთან, ბოლო თბილანასთან კი რატომღაც პატარა ჭგუფი იდგა.

ზემდეგმა ნაბიჯს უმატა, ალბათ, რაღაც მოხდაო. მან ჭერ კიდევ შორიდან ხალხში მაღალი, ქუდიანი ჭაბუკი შენიშნა. იქვე იდგნენ შალმოხვეული ქალები,

შავ, გაზეთილქურქიანი რკინიგზელები, აგრეთვე შემადგენლობის მცველები. დაბალმა, ჯმუხმა წითელარმიელმა ყურში ჩასჩურჩულა ზემდეგს:

— ხედავ, რა ამბავია?.. თვითონ ლენინია აქ!..

ზემდეგმა მრისხანედ შეხედა ხელქვეითს, თითქოს უნდოდა გამოერკვია, ჭკუაზე ხომ არ შეიშალაო. მაგრამ წითელარმიელის ფართო ლაწვებიანი სახე მხოლოდ გაკვირვებას და აღტაცებას გამოხატავდა.

— აი, ისაა! — ეჩურჩულებოდა მცველი. — სადგურის უფროსის გვერდით რომ წვერიანი კაცი დგას.

ლენინის წინ რიგიან ჯუბაჩაში გამოწყობილი, ბოხბოხიანი მსუქანი კაცი გამოქიმულიყო და დაბალი ხმით ამბობდა:

— ნება მიბოძეთ, ამხანაგო სახალხო კომისართა საბჭოს თავმჯდომარევე, კიდევ გირჩიოთ ლოკომოტივის გამოძახება. ჩვენ ახლავე დავუკავშირდებით ცენტრალურ დეპოს. სხვა გზას ვერ ვხედავ, რომ მოსკოვში სწრაფად და მოხერხებულად ჩახვიდეთ. მანამდე კი ჩემი ოთახი მთლიანად თქვენს განკარგულებაში იქნება. გარწმუნებთ, ამხანაგო სახალხო კომისართა საბჭოს თავმჯდომარევე, რომ იქ საკმაო სითბო და სისუფთავეა.

„ამხანაგო სახალხო კომისართა საბჭოს თავმჯდომარე“, — ჩუმად წარმოთქვა ზემდეგმა და მაზარის ქვეშ გული აუძგერდა. — მაშასადამე, სწორია... სინამდვილეა!“

ზემდეგმა გაუბედავად შეხედა თითქოსდა ზამთრის მზით გარუჯულ, ტანდაბალ, მხარბეჭიან კაცს, რომელსაც ყურებიანი კრაველის ქუდი ეხურა.

— საგანგებო ორთქლმავალი გამოვიძახოთ ორი კაცისათვის? — ლენინმა თვალი თვალში გაუყარა სადგურის უფროსს. — უაზრობაა! არ მესმის, რატომ არ შეიძლება ამ მატარებლით წასვლა. იგი ხომ მოსკოვში მიდის და არა უკან.

— ამხანაგო სახალხო კომისართა საბჭოს თავმჯდომარევე! — თითქმის ამოიკენესა სადგურის უფროსმა. — ნება მომეცით, მოგახსენოთ. ამ თბილანა ვაგონის მეტს ვერაფერს შემოგათავაზებთ. ამით მიდის მცველი რაზმი!.. თქვენთვის შეუფერებელია, როგორ იმგზავრებთ ასეთ პირობებში?!

— როგორ? ჩვეულებრივად! როგორც სხვები მგზავრობენ, ჩვენც ისე ვიმგზავრებთ! როდის უშვებთ მატარებელს?

სადგურის უფროსის პირმრგვალ სახეს თანდათან სიწითლე ედებოდა.

— ამჟამად, ამხანაგო სახალხო კომისართა საბჭოს თავმჯდომარევე, მატარებლებს უგრადიკოდ ვატარებთ. ნება მომეცით, გამოვარკვიო წასვლის დრო, და მოგახსენოთ.

სადგურის უფროსმა, ლენინს მხედრული სალაში მისცა და სადგურისკენ გაიქცა. ლენინმა თვალმოჭუტულმა გახედა და ისევ შემობრუნდა.

— თქვენ კი როგორ გრძნობთ თავს, ამხანაგო? — მიმართა მაღალ ჰაბუქს, რომელსაც მსუბუქი ქული ეხურა. — რატომ არ უფრთხილდებით ყურებს! მოყინვის არ გეშინიათ?!

— არ მომეყინება, ამხანაგო ლენინ! — მხიარულად მიუგო ჰაბუქმა და ლოყები აუწითლდა. — ქული მაქვს, ამხანაგო ლენინ! კენგურუსია, თბილია! მაგრამ უცებ ვერ მივაგენი, როცა თქვენ დაგინახეთ. ვილაცის ქულს წავეტანე და უკან გამოგყევით... მე პირველმა გიცანით, საბჭოში რომ შემოხვედით... უცებ ვერავინ ვერ გიცნოთ, მე კი გიცანით...

ლენინი უსმენდა და გამკიცხავად აქნევდა თავს, თუმცა თვალები უღიმოდა.

მოიბრინა აქოშინებულმა სადგურის უფროსმა.

— ამხანაგო სხანაზო კომისართა საბჭოს თავმჯდომარევე, რამდენადაც სურვილი გამოთქვით გაჰყვეთ ამ მატარებელს, მოგახსენებთ, რომ ექვს-შვიდ წუთში გავუშვებთ... ვინ არის თქვენი მეთაური? — ფიცხლად მიუბრუნდა წითელარმიელებს.

ზემდეგი როგორღაც ვერ მიხვდა, რომ კითხვა მას ეხებოდა. შემდეგ, თითქოს გამოერკვა, გაუბედავად მიუგო:

— მე ვარ!

— მაშ, რაღას აყოენებთ! გაისარჩეთ და უზრუნველყავით...

— არაფრის უზრუნველყოფა არ არის საქირო, — მოუთმენლად წარმოთქვა ლენინმა. — სრულებით არაფრის!

ზემდეგმა სადგურის უფროსის პასუხს არ დაუცადა და, რაც ძალი და ღონე ჰქონდა, გამოსწია თბილანას კარი. ვაგონიდან წეკოსა და დამწვარი საკმლის სუნი გამოიჭრა. ვაგონის ერთი ნახევარი ფიცრებით იყო სავსე, მეორე ნახევარში კი ძლივს დაეტიათ ორიარუსიანი ტახტები, სახელდახელოდ გაკეთებული მაგიდა, აგრეთვე თვითნაკეთი თარო; კარის ახლოს ჩანდა მილდაქანგული თუჯის ღუმელი „ბურჟუელა“ და თხუთმეტოდღე ნამორი. სადგურის უფროსმა ფრთხილად შეიხვდა ვაგონში, თითქოს ეშინია, თავი რამეს არ მიერთყასო, და მხრები აიჩეჩა.

— ასე რად ღელავთ, ამხანაგო?! — დაცინვით ჰკითხა ლენინმა. — გარწმუნებთ, რომ საუცხოვოდ ვიმგზავრებთ!

ლენინი სახელურებს მისწვდა და გასაოცარი სიძარღით ავიდა ვაგონში. იგი ხუმრობით აჩქარებდა თანამგზავრს:

— დაუჩქარეთ, დაუჩქარეთ, გეთაყვა! ამაოდ ვეარგავთ ძვირფას სითბოს.

გაისმა წყვეტილი სტვენა. ბორბლები ყრულ ახმაურდა გაყინულ რელსებზე და მთელი შემადგენლობის ქვეშ ღრქიალი, ჯახანი დაირხა. ზემდეგი უკვე

დაძრულ ვაგონს შეახტა და კარი მიიხურა. შემდეგ სწრაფად სტაცა ხელი გაშალაშინებულ ფიცარს, რომ ღუმელთან დასაჯდომი მოეწყო.

ლენინმა ხელი დაადო მხარზე:

— ძალიან გთხოვთ, ამხანაგებო, ჩემთვის თავს ნუ შეიწუხებთ! არაფერი არ მჭირდება. ვიმგზავრებთ ისე, როგორც თქვენ აქამდე მგზავრობდით. მით უმეტეს, არც ისე დიდი მანძილი დარჩა.

მან ნაშორი მიიწია და ყინვისაგან გახევებული ხელთათმანები გაიძრო.

— ო, რა ამბავი გვეწია! — მიუბრუნდა ლენინი თანამგზავრს.

— ნულარ იტყვიო! — უპასუხა თანამგზავრმა ცოტა დაგვიანებით, გამოართვა ხელთათმანები და თავის ხელთათმანებთან ერთად მიუფიცხა ღუმელს. მის ჭუბახას ბენზინის სუნი აუვიდა. „შოფერია, — გაიფიქრა ზემდეგმა. — ხანს რალაც შეემთხვათ! განიცდის“.

ლენინი კი უკვე თავის დაღვრემილ თანამგზავრზე ხუმრობდა და ყვებოდა, რა ამბავი ვადახლათ დღეს. ისინი მოსკოვიდან ჩამოვიდნენ, უკან დაბრუნებისას კი ძრავა გაჭიუტდა — გაიყინა. შემდეგ ძლიველივობით მიაღწიეს სოფლის საბჭომდე, იქ მანქანა დატოვეს და სადგურს მოაშურეს...

წითელარმიელები სულგანაბული შეკუთრებდნენ თავის არაჩვეულებრივ მგზავრს. მათგან მხოლოდ ერთი ნაბიჯის მოშორებით იჯდა რევოლუციის ბელადი. მისმა სახელმა ჯერ კიდევ გერმანიის ფრონტზე სანგრებში ყოფნის დროს მიაღწია მათ ყურამდე. და მას შემდეგ ამ სახელთან იყო დაკავშირებული ყველაფერი — სასტიკი ომის და შიმშილით ტანჯვის დასასრულიც. სხვა ცხოვრების დაწყებაც, რომელსაც ასე გულმსურვალედ ერწმუნა მილიონები... საჭირო იყო კიდევ რალაც შინაგანი განცდა, რომ დაგეგვრებინა სინამდვილე.

ლენინი დაკვირვებით შეკუთრებდა წითელარმიელებს, დაინტერესდა მათი ვინაობით — საიდან არიან, მოსდით თუ არა წერილები სახლიდან. რა ტვირთი მიაქვთ, რამდენი დღე არიან გზაში. მაგრად და კმაყოფილებით მოისრისა ხელები, როცა გაიგო, რომ ამ შემადგენლობაში ციმბირიდან მოდის კოლჩაკისთვის წართმეული სამხედრო ტანსაცმლით, წამლებითა და კონსერვებით დატვირთული ვაგონები. არც თუ დიდი ხნის წინ მთელი ეს საქონელი თეთრი გენერლის მისამართით მიდიოდა, მაგრამ წითელმა არმიამ მიმართულება შეუცვალა...

ამ ლაპარაკს მშვიდად არ ჩაუვლია: წითელარმიელებს ძალიან უმძიმდათ ჯდომა, როცა ლენინი ეკითხებოდა რაიმეს. თითქოს ზამბარა უბიძგებო, ისე წამოვარდებოდნენ ხოლმე ფეხზე. ლენინი კი ყოველთვის დაჟინებით იმეორებდა: „იჭექით, ამხანაგო, რატომ დგებით!“

ყველაზე ენაწყლიანი და გაბედული აღმოჩნდა პატარა, დაბალი ჯარისკაცი. თითქმის ყველა კითხვაზე მარტო ის პასუხობდა.

— თქვენ, ამხანაგო, ფრონტზე დაიქვით? — შეეკითხა ვლადიმერ ილიას ძე მალალ, გამხდარ, კისერშეხვეულ წითელარმიელს. წითელარმიელმა ჯერ დაბნეულად შეხედა ზემდეგს, შემდეგ წამოხტა და ხმაურით წააქცია ნაშორი, რომელზედაც იჯდა.

— დიახ, ამხანაგო სახალხო კომისართა საბჭოს თავმჯდომარე! — მალალი ტენორით წამოიძახა წითელარმიელმა. — ვორონეჟთან ბრძოლაში მარჯვენა ფეხში დავიჭერი. რაც შეეხება კისერს, — აქ ხმას დაუწია, სახეზე დარცხვენა დაეტყო. — კისერზე ძირმაგარა გამომივიდა...

— კი მაგრამ, მაინც რატომ დგებით, ამხანაგო? — ლენინმა საყვედურით გაიქნია თავი. — ეს სრულებით ზედმეტია. მერედა, რა საჭიროა თანამდებობისა და წოდების ზუსტი დასახელება, მარტო გვარიც საკმარისია... თქვენ ხომ სადგურის უფროსი არა ხართ! — დაუმატა ღიმილით.

მალალმა წითელარმიელმა ისევ დაბნეულად შეხედა თავის უფროსს. ზემდეგს სახე წამოენთო, შეუმჩნევლად ჩამოქაჩა მაზარაზე — დაჯექო. მას ეგონა, რომ ყველაფერი ცუდად, უხერხულად გამოდიოდა. ვერა და ვერ შეძლო დაეოკებინა მღელვარება. ლაპარაკობდა ჩამწყდარი ხმით. წამდაუწუმ ღუმელს უჩუჩხუჩებდა, შიგ ხმელი შეშის ნაჭერს დებდა. პატარა „ბურჟუელა“, რომელიც ჯადოსნურ სასკოლო ფარანს ჰკავდა, გავარვარებული იყო, მისი რკინის ფერდები წითლად ღვივოდა.

— მე მგონი, მეტი მოგივათ, ამხანაგო, — გაეხუმრა ლენინი. — პირდაპირ შეგვხრაკავთ...

ზემდეგმა ლენინს შეხედა. იგი ახლა საოცარ გრძობას განიცდიდა: ეს იყო იმის აღმოჩენაც და დადასტურებაც, რაც შეუგნებლად, მაგრამ მტკიცედ სწამდა: ლენინი არ შეიძლებოდა სხვანაირი ყოფილიყო. მხოლოდ ასეთი უნდა ყოფილიყო ლენინი. და მოულოდნელად გახსნა საველე ჩანთა, საიდანაც რალაც ფურცლების დასტა ამოიღო.

— ხომ არ დაინტერესდებით? — ჰკითხა მორცხვად. — უცხოური რამ ირის. კონსერვებიან ყუთებზე იყო დაწებებული. ზოგიერთებს ასძვრა...

ლენინმა გამოართვა ფურცლები — ნაირნაირი ეტიკეტები, რომლებზეც მსოფლიოს მრავალ ენაზე ჩანდა წარწერები, ზოგს იაპონური იეროგლიფებიც კი ეხატა. მათზე გამოსახული იყო მწვანე საძოვარზე გაშლილი მსუქანი ძროხები, ოქროსრქიანი ცხვრები, ღორების ვარდისფერი თავები და გვერდით გვირგვინი და ორი ლომი.

— დიახ, მეტად საინტერესოა! — ლენინი აუჩქარებლად ათვალიერებდა.

ფერად ფურცლებს. — როგორც იტყვიან, კოვზი ნაცარში ჩაუვარდათ. მათ ამოდ აჰმევედა ანტანტა, ვერ გაამართლეს იმედები. — ლენინმა აკრიფა ფურცლები და ზემდეგს გადასცა. — საუცხოო კოლექციაა. ინტერვენციის ისტორია კონსერვების ქილებზეა. უნდა შეინახოთ!

ზემდეგს სახე გაებადრა.

— შევაგროვე და ჩანთაში ჩავალაგე! ვიფიქრე, მაინც ფეხით გათელავენ-მეთქი... მე, ამხანაგო ლენინ, და მყავს მოსკოვში. 1915 წელს აქეთ აღარ მინახავს. ბავშვები ჰყავს. მიმაქვს მათთვის როგორც სათამაშო. ნახონ. მაინც საინტერესოა!

— უეჭველად! — დაეთანხმა ლენინი. — ჰკუის სასწავლებელია ბავშვებისთვისაც და დიდებისთვისაც!

ამასობაში მრავალი ამბის მომსწრე დაქვეყილი ჩაიდანიც ათუხთუხდა. ზემდეგმა სწრაფად ჩამოიღო თაროდან თუნუქის კოლოფი და ჩაიდანში რალაც ჩაყარა.

— კავკასიურია! — განმარტა მან. — გამხმარი შინდია.

მას ძალიან უნდოდა ლენინისთვის გასასინჯად შეეთავაზებინა ნაყენი, მაგრამ ვერ ბედავდა. ვლადიმერ ილიას ძის თანამგზავრი თითქოს მიუხვდაო, თქვა:

— კარგი იქნებოდა ცხელი ჩაი ამ ყინვაში... ძალიან სასარგებლოა...

ის პასუხს აღარ დაელოდა, ჩანთიდან ორი მოკალუღი ისეთივე ტოლჩა ამოიღო, როგორც წითელარმიელებს ჰქონდათ. ზემდეგმა ტოლჩები მოწითალო სითხით აავსო. ირგვლივ სასიამოვნო-მომყავო სუნი დადგა.

— იცით, ჭრიგო სასმელი არ არის! — თქვა ლენინმა, როცა მოსვა.

ზემდეგი წამოიწია, მაგრამ მყისვე დაჯდა. საულვაშეზე ოფლმაც კი გამოჯონა. ბოლოს მაინც ვერ შეიკავა თავი:

— ამხანაგო, ლენინ! ეს როგორ იქნება, თქვენ... უშაქროდ?!

— თქვენ კი, ამხანაგო, ყოველთვის შაქრითა სვამთ? — გულთბილად მოჰქუტა თვალი ლენინმა.

— ვინ, ჩვენ?! — ზემდეგის ხმა გაბედულად გაისმა. — ჩვენ?!

მან ხელი წამოავლო ტახტზე დადებულ ჩანთას და გამობერტყა. იქიდან გადმოვარდა ქალაღდის პარკი, რომელშიც შაქრის დიდი უსწორმასწორო ნატეხი აღმოჩნდა.

— აი! — სიხარულით წამოიძახა ზემდეგმა. — ახლა ამას ნამსხვრევებად ვაქცევთ.

— არაა საჭირო, ამხანაგო, არ დაამტკრიოთ!

ზემდეგს ხელი აუთრთოლდა.

— დიდად გმადლობთ, ამხანაგო, — თბილად უთხრა ლენინმა. — მართლაც რომ საჭირო არ არის. შაქარი თქვენ საჩუქრად მიგაქვთ დისა და ბავშვებისათვის... სურათებთან ერთად. ხომ ასეა? მაშ, ისევ ჩადეთ ჩანთაში. ჩვენ კი ისე, უშაქროდ დავლევთ...

ლენინმა შეათვალა იერა წითელარმიელების გამხდარი, წვერგაბანჯგლული, ითქოსდა შერუჯული სახეები, მათი დაქმუნილი, ჩაშვეებული გიმნასტურები, უხეში ტოლადები, უშველებელი, გაცვეთილი ფესხაცმელები, და თვლებში სიმკაცრე ჩაუდგა, იკითხა:

— როგორაა ულუფის საქმე? ცოტად თუ ბევრად დამაკმაყოფილებელი თუა მაინც? ან იქნებ სულაც არაა დამაკმაყოფილებელი?

— არა უშავს რა! მშრალი ულუფა მოგეცეს და ვხარშავთ!

ზემდეგმა ამხანაგებს გადახედა, თითქოს მოუწოდებდა დაედასტურებინათ, რომ ისინი ასეა თუ ისე, ცხოვრობენ.

— მშრალი ულუფა სერიოზული რამაა! — ლენინმა მზერა შეაჩერა თაროზე, სადაც ხის კოვზებიანი ქვაბი იდგა. — საჭიროა ყოველ დღეზე უაღრესად ზუსტად განაწილდეს, თორემ შეიძლება მშვიდი დარჩეთ!

— ჩვენც ვანაწილებთ! უამისოდ არ შეიძლება!.. მართალია, ერთი ამბავი შეგვემთხვა, ულუფა ცოტა შევამცირეთ, — ზემდეგმა ჩაიციხა და ხელი ჩაიქნია. — მაგრამ, რაც იყო, იყო!

— ულუფა შეამცირეთ? — გაკვირვებით იკითხა ლენინმა. — მთლიანად არ მოგეცეს, თუ თქვენ თვითონ ვერ მოზომეთ?

ზემდეგმა პასუხი დაავიანა.

— არა, ამხანაგო ლენინ! სულ სხვა ამბავი მოხდა... ისე, ცოტა დავბრკოლდით!.. გრძელი ამბავია.

— მაინც რა ამბავია, აბა მოყევით, რა შეგემთხვათ?

ზემდეგი ღუმდა. მის მოღუმულ სახეზე ამოიკითხავდით, რომ წუხდა — რად მოვიგონე ეს არასაინტერესო შემთხვევაო.

— ნებას მომცემთ, ამხანაგო ლენინ, თქვენთან თუთუნი მოვიწიო?! — მოულოდნელად ითხოვა მან.

— მოსწიეთ, რასაკვირველია! კითხვაც არ უნდა. შემდეგ კი გვიამბეთ!

— ჩვენს თუთუნს ძძიმე სუნი აქვს, — მორიდებით თქვა ზემდეგმა და ქისიდან ხელისგულზე წეკოს მტვერი გადმოყარა. მან წეკო გაახვია, ნაკვერცხალზე მოუკიდა, რამდენჯერმე გააბოლა და შემდეგ გადასცა ამხანაგებს, რომლებიც დაუფარავი სიხარბით შესცქეროდნენ ხელში.

— ეს საქმე ასე დაიწყო, — შეუდგა ზემდეგი ამბის თხრობას. — ჩავედით სადგურ ჩუბუკში, გავივით არასასიამოვნო ამბავი: რვა ვაგონიდან ორი

უნდა მოიხსნას. რადგან ბუქსები იწვისო. მოვითხოვეთ მათი დაცლა. მაგრამ სადგურის ხელმძღვანელებმა სხვანაირად განსაჯეს: თავისუფალი ვაგონები არა გვაქვს, არც მტვირთავეები გვყავსო. გადაწყვიტეს, მოეხსნათ ორი ვაგონი, ხოლო დანარჩენები გაეშვათ დანიშნულებისამებრ... ამრიგად, ერთი ნაწილი უნდა მოეცილებინათ შემადგენლობისათვის, თანაც საჭირო იყო მცველებიც დაგვეყენებინა! ჩვენ კი სულ ხუთნი ვიყავით! თბილი ტანსაცმელი არა გვქონდა. საკვები მისხლობით იყო გამოზომილი. თანაც მოგესხნებათ რას ნიშნავს მოსკოვში არასრული შემადგენლობის ჩაყვანა. ეს ხომ პირდაპირ სამხედრო ტრიბუნალში წასვლა!

ზემდეგმა შიშნულად გადახედა მსმენელს — ხომ სწორად ვამბობო.

ლენინი სმენად იყო გადაქცეული, თითქოს შიშობდა ერთი სიტყვაც არ გამოემპაროსო. ზემდეგს სიმხნევე მოემატა.

— ვერ შევთანხმდით! — განაგრძო მან. — რა უნდა გვექნა. ძალა მათ მხარეზე იყო!.. მებრძოლები საგუშაგოებზე გავანაწილე, ვუბრძანე ვაგონებთან ახლოს არავეინ მიუშვათ, თუნდაც ამისათვის იარაღის ხმარება დაგჭირდეთ-მეთქი, და თვითონ დასაზვერად წავედი. ბოლოს და ბოლოს გამოვარკვიე, რომ ცარიელი ვაგონები ჰქონდათ. გავექანე სადგურის უფროსთან, კომენდანტთან — არც ერთი ადგილზე არ აღმოჩნდა. დრეზინით წავიდნენ და უიმთოდ ვერაფერს გადავწყვეტთო, — მითხრეს სადგურში... უფროსებს სამი დღე და ღამე ვუცადეთ. მე, სინამდვილეში, სადგურში დავსახლდი. ვდარაჯობ. ერთხელ, დილით რამდენიმე წუთით გამოვედი სადგურიდან, მალე უკან გავვარდი, მაგრამ იქ უშველებელი რიგი დამხვდა! აღარ მიშვებდნენ, განსაკუთრებით ქალები, რის ვაივაგლახით მაინც შევადწიე უფროსთან.

მასთან ვიღაც ჭაბუკი იჯდა. სხვებიც იყვნენ, მაგრამ მაშინვე ვუთხარი, რაც მანუხებდა. ვუბუნები — „განა არ იცით, რა ტვირთიც მიგვაქვს და როგორ ელოდებიან?! მით უმეტეს, გადასატვირთად თავისუფალი რეზერვი გაქვთ! შეიძლება ამ პირობებში ტვირთის დაბრკოლება?!“ ის დუმდა. მომეჩვენა, ჩემმა სიტყვებმა იმოქმედეს-მეთქი. მაგრამ მან უეცრად მუშტი დაარტყა მაგიდას: „მე თქვენ ანგარიშს არ გაბარებთ! ნუ არღვევთ ტრანსპორტის მოძრაობას, როგორც მითითებულია, ისე იქნება!“ ძალიან შევეჯახეთ ერთმანეთს! — ზემდეგმა ხელი მიიღო ტუჩებზე, ფრთხილად ჩაახველა. ალბათ, ეშინოდა მაგრად არ გამომივიდეს ნათქვამიო. — გამოვეარდი ბაქანზე, ის ჭაბუკიც, რომელიც უფროსთან ვნახე, უკან გამომყვა. მიძახის: — „მოიცათ, ამხანაგო! გაითვალისწინეთ, რომ გამოუვალი მდგომარეობა არ არსებობს! ყოველი მდგომარეობიდან შეიძლება იპოვო გამოსავალი!“

— ასე თქვა? — სწრაფად იკითხა ლენინმა. — ვინ იყო?

— სწორედ ასე თქვა, ამხანაგო ლენინ! ზუსტად გადმოგცემთ მის სიტყვებს. თვითონ კი ახალგაზრდა იყო, დიდი-დიდი თხუთმეტი-თექვსმეტი წლისა იქნებოდა. ქუდი ჩამოფხატოდა თავზე, ალაგ-ალაგ გამომწვარი, დაბამბული ქურჩი ეცვა. მკითხა, სად არის ვაგონებო. მივიყვანე შემადგენლობასთან. ცოტა ხანს იდგა, რაღაცას ფიქრობდა. შემდეგ მითხრა: „წავიდეთ! ამ სალამოს იხსნება მუშურ-გლეხური ახალგაზრდობის კონფერენცია. მოვეთათბიროთ ამხანაგებს. მე კომკავშირის სამაზრო კომიტეტის მდივანი ვარ“. გზაში მითხრა, რკინიგზელები ჩვენ, ესე იგი ახალგაზრდობას, პატივს გეცემენ, რადგან შაბათობები მოვეუწყეთ, ლიანდაგები გავუწმინდეთ, საწვავი დაუუმზადეთ და ბევრი სხვა რამე გავუკეთეთო...

მივედით ბურჯუის ყოფილ სახლში. არის ერთი ხმაური, ფუსფუსი, ზარის რეკვა. სადღაც მღერიან. ერთ ოთახში კედლის გაზეთს ამზადებენ, მეორეში მანდოლინაზე და ბალალაიკაზე „ინტერნაციონალის“ დაკვრას სწავლობენ. მიჩვენეს სამზარეულოც. ყველა დღეღებაც თან მოეტანა თავისი სურსათ-სანოვაგე, რაც კი ეშოვა. ხარშავენ, წვავენ... ის იყო, შევეუდექით საუბარს, რომ ჩვენი მცველი რაზმიდან ერთმა მებრძოლმა მოიბრინა, აი, ამან! — ზემდეგმა ტანდაბალ წითელარმიელზე მიუთითა. — ენაგადმოგდებული ძლივს იბრუნებდა სულს, თქვა: „მაღლობა ღმერთს, რომ მალე გიპოვეთ. ჩქარა, ჩქარა, ვაგონები ახსნეს! საწყობისაკენ მიჰყავთ!“

გავიქეცი მასთან ერთად სადგურში. ის ჭაბუკიც — მდივანი — ჩვენთანაა. ჩემი მცველები აქეთ-იქით დარბიან. ვაგონები აუხსნიათ. ვუყვირი ჭაბუკს: „სადაა შენი გამოსავალი ყოველი მდგომარეობიდან?“

„გამოსავალი არის, — მიპასუხა მან. — ვაგონებთან მცველები დატოვეთ, თქვენ კი წადით! ამ საკითხს დღესვე განვიხილავთ. მთელი კონფერენცია გამოვა შაბათობაზე! ყველაფერს გვაკეთებთ! კიდეცა გადარტყირთავთ და კიდეცა გამოვგზავნით! ნამდვილად!“

ასე იყო, თუ ისე, მეტი გზა აღარ გვქონდა. მცველად დატოვე ორი მებრძოლი, მივეცი ჩვენი ერთადერთი ტყაპუკი, თამბაქო, საკვები. რასაკვირველია, ნორმას არ ვუყურებდი. ვინ იცოდა, რამდენი ხნით რჩებოდნენ ისინი! ძლივს მოვასწარით განაწილება, რომ ორთქლმავალი უკვე დაიძრა.

მივდივართ ერთი დღე, მეორე, მესამე. არ მძინავს, სულ იმაზე ვფიქრობ, რა ხდება სადგურ ჩუბუქში. მეოთხე დღეს, ზმიეკაში დევეშა დაგვეწია. — ზემდეგმა მაზარა გაიხსნა და გულის ჩიბიდან ფრთხილად ამოიღო ნაცრისფერი ქაღალდი, რომელზედაც ირიბად იყო დაწებებული ტელეგრაფის ლენტის ზოლები. — აი ეს, ამხანაგო ლენინ!

ლენინი დიდხანს უყურებდა ამ ზოლებს, რომლებზედაც ძლივს ჩანდა ასოები.

„შაბათობა ჩავატარეთ, ვაგონები გადაიტვირთა, წამოვიდა. მცველები კარგად არიან, თან მოჰყვებიან. კომუნისტური სალამი. კონფერენციის თავმჯდომარე იაკობ კოსონოვოვი“.

— ძვირფასი ქალაქია, ამხანაგო ლენინ! ჩვენთვის ეს საბუთია! ახლა მეცა ქუდად არ მიმაჩნია და დედამიწა ქალამნად!.. მხოლოდ ერთის გვეშინია — არ დავშორდეთ ამხანაგებს. სანამ ისინი მოვლენ, ვაი თუ სხვა ნაწილში გაგვამწყვსონ... მაგრამ ვფიქრობ, აქაც ყველაფერი რიგზე იქნება!

ლენინი ისევ ქალაქს დასჩერებოდა.

— აქ რაღა წერია, გვერდზე, ფანქრით?

ზემდეგმა ქალაქს მხარზემოდან დახედა.

— ჰო, ეს ისე, დამაინტერესა, — მორცხვად განუმარტა ზემდეგმა. — როცა კოსონოვოვთან ერთად დერეფანი გავიარეთ, იქ ბიჭები სიმღერას ამბობდნენ. ყველაფერი ვერ დავიხსოვებ... მხოლოდ ზოგიერთი სიტყვა ჩავიწერე...

— ვერ ვარჩევ! — უთხრა ლენინმა და ქალაქი გადმოაბრუნა. — იქნებ იმღეროთ.

— ვიმღერო? — იკითხა საგონებელში ჩავარდნილმა ზემდეგმა. — გულ-ახლილად უნდა ვითხრათ, ამხანაგო ლენინ, რომ სიმღერას ვერ იღებთ. ბავშვობიდან არ მქონია სმენა. როცა ჩვენი ბიჭები ხანდახან „სალამოს ზარს“ მღეროდნენ, მე მარტო „ბომ-ბომ“-ის მოძახილს მანდობდნენ!

ლენინს სახე ღიმილით გაებადრა!

— მჯერა! მაშ, ხმამალა წაიკითხეთ!

ზემდეგი შექოქმანდა, შემდეგ წამოდგა და გაუბედავად წაიკითხა:

როს ხელს ჰკიდებ ჩაქურ-ნამგალს,

დაიხსოვ, ძმაო, ერთიც:

რომ შაშხანა, რომ შაშხანა

განუყრელად გქონდეს გვერდით!

— მეტი არ ვიცი, — დაამთავრა ზემდეგმა. — ეს მისამღერი იყო...

ვაგონში ისმოდა ლითონის ნაწილების ჯახაჯახი, ნელი ჭრიალი.

— მაშ, თქვენი აზრით ამ ამბის მოყოლა არ ღირდა?!

ზემდეგმა მჭუმუნვარედ გაშალა ხელები.

— არ ვიცოდი, ამხანაგო ლენინ... ვფიქრობდი, ასეთი ამბით როგორ წავართვა დრო-მეთქი.

— კარგი ამბავია, — თქვა ლენინმა, — შაშხანის ამბავიც კარგია...

იგი ჩაფიქრებული უყურებდა ნარინჯისფერ მოტაკატუნე ნაკვერცხლებს. ზემდეგ ჯიბიდან ბლოკნოტი ამოიღო და იქვე გვერდით დადო ნამორზე. ერთი

შეხედვით იფიქრებდით, სულ არ გრძნობს თავს უხერხულად, რომ ასეთ ვითარებაში წერსო.

— როცა ვაგონებს ჩააბარებთ, მაშინვე გასწით მოსკოვის სამხედრო კომენდანტთან, — უთხრა ზემდეგს და ბარათი გაუწოდა. — ვფიქრობ, რომ ამხანაგების დაბრუნებამდე მოსკოვში მოგაწყობთ. ულუფაზედაც იზრუნებენ. თქვენ უნდა მიიღოთ ის, რაც გერგებათ. გზაში დაგვიანება თქვენი ბრალი არ არის.

თბილანაში შემოიჭრა ორთქლმავლის გაბმული მძაფრი კივილი, თითქოს გეშანქანეს სურდა მთელი დედაქალაქისათვის ემცნო მისი ჩამოსვლა. გაკრთა მწვანე და წითელი შუქურების ბუნდოვანი შუქი. საყვირის ხმა შენეულა და სუსხიან ჰაერში მკაფიოდ მოისმა მავთულების ზრიალი.

— აი, ჩამოვედით კიდევ, — თქვა ვლადიმერ ილიას ძემ თვალების ციმციმით, — და მეტად შესაფერ პირობებშიც.

წითელარმიელები ერთბაშად წამოიშალნენ, თითქოს ბრძანება მიიღესო, მაგრამ ამას შენიშვნა არ მოჰყოლია. ლენინიც ადგა, მათკენ გადადგა ნაბიჯი.

— ნახვამდის, ამხანაგებო! გმადლობთ დიდი და ძნელი მუშაობისათვის!



შენ თეკსეუტისა ვიქნები

რა სათქმელია გზა და მანძილი, —
ჩვენ შეეკავშირდით
სიკვილ-სიციოცხლის ყველა გზებით
სამარადისოდ.

ნ. ტ ი ხ თ ნ ო ე ო :

რევკომის თავმჯდომარის ამხანაგ კრუპატკინის კაბინეტში ტანმორჩილი, სუსტი ბაჭი შევიდა და საქმიანი კილოთი იკითხა:

— მეძახდით, ამხანაგო რევკომის თავმჯდომარევი!

— გეძახდით! — უპასუხა კრუპატკინმა. — დაჯექი, ამხანაგო ავანგარდ!

ის, ვისაც ასეთი ომახიანი სახელი ერქვა, ღრმად ჩაჯდა დაგლეჯილ ტყავის სავარძელში, ჯიბიდან ტილოს ქისა ამოიღო, ზორბა პაპიროსი გაახვია და მარდალ ჩამოჰკრა სანთებელას ბორბალს. იგი თამბაქოს ნაცრისფერ ბოლშიც კი მეტისმეტად წითური და კორფლიანი ჩანდა. თითქოს მთელი ტანსაცმელიც ამ ძირითადი ფერის მიხედვით შეერჩია: გაქუცულ ქუდზე მოწითალო ლაქები აჩნდა, მის ოდესღაც შავი ტყავის ქურთუქს (ეტყობოდა სხვისი ნაქონი იყო) ღროთა ვითარებისაგან წითური ფერი დასდებოდა. ტელეფონის მავთულით ჩამოკიდებულ რევოლვერის ბუდესაც რაღაც ღია სტაფილოსფერი დაჰკრავდა.

რევკომის თავმჯდომარის დადლილ, ჩაშავებულ სახეზე მოულოდნელად ეშმაკური ღიმილი აისახა:

— როგორ არის საქმე, ამხანაგო ავანგარდ! სულ ვეწევით და ვაბოლებთ არა? დახე, უურებიც კი შეგჰკვარტლია.

ავანგარდმა ქედმალღურად გაიღიმა და მხრები აიჩეჩა.

— ოჰო, რა გულფიცხი ყოფილხარ! — მოკუტა თვალი კრუპატკინმა. — ჰო, მართლა, რამდენი წლისა ხარ, ამხანაგო ავანგარდ?

ავანგარდმა წარბები შეიკრა.

— ეთქვათ, მალე თექვსმეტისა ვიქნები! — უპასუხა გამომწვევად. — მე-რე რა?!

— არაფერი! — მოკლედ მიუგო რევკომის თავმჯდომარემ. — უბრალოდ, ძალიან კარგია, რომ მალე თექვსმეტისა გახდები. — იგი იქვე, ფანჯრის რაფაზე ჩამომჯდარ სამხედრო სწავლების ინსტრუქტორ ბაშკატოვისკენ შებრაუნდა. — მგონი, თქვენ ერთმანეთს იცნობთ, არა?

ცისფერთვალა, ქერაწვერიანმა ბაშკატოვმა, რომელიც ბილინების გმირს წააგავდა, შეხედა ავანგარდს და მრავალმნიშვნელოვნად თქვა:

— კი, შევხვედრივართ!

ავანგარდი ჭიუტად დუმდა, მაგრამ ისიც და ბაშკატოვიც ახლა უთუოდ ერთსა და იმავე ამბავს იხსენებდნენ. წვიმებისაგან გადარეცხილ გზაზე რაზმი მიდის. აცვიან დახეული მაზარები, გიმნასტურები და მუშის ხალათები, შემოუქრავთ ტოლადები, ახურავთ კეპები და კარტუზები, მხარზე გადაუკიდიათ ყველა სისტემის თოფი: შაშხანა, კარაბინი, ბერდანა.

რაზმის წინ გრძელ, შეუღებავ ტარზე ფრიალებს წითელი ნაჭერი, რომელზედაც უსწორმასწორო ასოებით წერია: „ძრწოდეთ კაპიტალის დამქაშებო!“ მედროშე, რომელსაც ქუდის ქვემოთ გადმოშლილ სპილენძისფერ-წითურ კულულებს ქარი უწეწავს, ისე მიდის, თითქოს სამხედრო ორკესტრს აყოლებს ნაბიჯებსო, თუმცა მუსიკის ნაცვლად ტალახში ჩადგმული ფესხაცმელების თხლამათხლუში ისმის.

უცებ, უკან მოტოციკლეტის თახთახი ისმის. მოტოციკლეტიდან ხტება მაზარააკვალთული, თავიდან ფეხებამდე ტალახში მოსვრილი ბაშკატოვი და მეთაურს პაკეტს აწვდის. ერთ წუთში ყველაფერი ამკარა ხდება: რევკომის ბრძანებით კომკავშირელთა რაზმი უკან, ქალაქში ბრუნდება. „კი მაგრამ, რა მოხდა?! ვინ მისცა უფლება?“ — ყვირის მედროშე.

ერთბაშდ დანარჩენებიც აყაყანდნენ. მაგრამ ხმაური ბაშკატოვის მრისხანე, მბრძანებლურმა ხმამ დაფარა: „ვინა ხართ თქვენ? ჯარისკაცები თუ... — იგი შეჩერდა, თითქოს შეეშინდა, ცუდი შედარება არ გამომივიდესო და მკვახედ დაამთავრა სათქმელი: — ბრძანებას კი არ იხილავენ, ასრულებენ! შეწყვიტეთ მიტინგი! რიგებად მოეწყვეთ! ოცეულთა მეთაურებო, ადგილებზე! ნა-ბი-ჯით ი-არ!“

— ასე რომ, ჩემო ძვირფასო ავანგარდ! — თქვა კრუპატკინმა. — ჩვენ ყველაფერი ვიცით, ყველაფერი გვესმის! ომია, ბრძოლაში მიგიწვეთ გული, თქვენ კი გგონიათ, ზურგში გაკავებენ! — თავმჯდომარემ თვალჩაიციებით შეხედა ავანგარდს, მას კი გაუკვირდა, რა შეუცდომლად ამოუცვნია ჩემი აზრე-

ბიო. — აი, რას ვეტყვი: თქვენს მამაცობაში კი არ გვეპარება ექვი ან გულ-აჩუყებით კი არ გვებრალებით. საქმე რომ აქამდე მისულიყო, — მან ხელი გაიხვია ყელზე. — ბრძოლის ქარცეცხლში გაგვზავნიდით, ისე როგორც უერთ-გულეს მებრძოლებს... მაგრამ, მადლობა ღმერთს, აქამდე საქმე არ მისულა. ახლა კი გვინდა, პატარა სამუშაო შემოვთავაზოთ. მე მგონი, არა უშავს, შესაფერისი სამუშაოა. შენ რა აზრისა ხარ, ამხანაგო ბაშკატოვ?

— სამუშაო? — გაელიმა ბაშკატოვს და ჩინებული, თეთრი კბილები გამოუჩნდა. — სანუშაო, როგორც იტყვიან, მაგარი არაა, მაგრამ ხელსაყრელი!

ავანგარდმა წყენით შეხედა ორივეს: მგონი, ისევ ხუმრობის გუნებაზე არიან, უმჯობესია გავჩუმდეთ...

— მაშ, გვისმინე! — თქვა კრუპატკინმა. — მოსკოვში ოთხ ვაგონ სურსათს ვგზავნით ლენინის მოწოდების პასუხად! ბაშკატოვი მიპყვება. აბა, ერემია პეტრეს ძე, მიგყავს თანაშემწედე?!

— მიმყავს! — უპასუხა ბაშკატოვმა. — უყოყმანოდ! ულაპარაკოდ!



სატვირთო ვაგონები წარწერით — „მოსკოვი — სასურსათო სახალხო კომისარიატი“ — ვაგზლის მოშორებით სათადარიგო ხაზზე იდგა. ერთ-ერთ დაულუქავ თბილანაში შტაბელებად დალაგებულ ტომარებს შორის გამყოლ-თათვის ადგილი იყო დატოვებული. იქვე ფრთხილად შეიტანეს და საიმედო ადგილას დადეს ძველ, მაგრამ სუფთა ტილოში გამოკერილი დიდი ყუთი. მას ზემოდან ლურჯი საღებავით მკაფიოდ ეწერა: „ამხ. ვ. ი. ლენინს პირადად! ქალ. ტორცოვის წითელარმიელთა რაზმებისა და მუშებისაგან. 1919 წ.“ ამ ყუთში იდო კიდევ ერთი პატარა ყუთი, რომელსაც შიგნით ქეჩა ჰქონდა ამოკრული. ყუთში სამწახნაგებლო ფაბრიკის მუშების მიერ ურალის ქვისაგან გაკეთებული საწერი მოწყობილობა იყო მოთავსებული.

როცა კომისიისაგან ვაგონებს იბარებდა, ერემია პეტრეს ძე ბაშკატოვმა ყველაფერი ძირფესვიანად შეამოწმა. დაბეჭილებით გასინჯა ყოველი ქანჭიკი და ხრახნი, ყველა საეკტი, გადასაბმელი, სამაგრი. სამმართველოს სპეციალისტი მოუთმენლად შესცქეროდა ვაგონებქვეშ მოტრიალე ბაშკატოვს და თებერვლის სუსხიან ქარში იბუზებოდა. კრუპატკინი კი მოწონებით ფხუყუნებდა, რაღაცას ეჩურჩულებოდა მაზრის სასურსათო კომისარს. ბოლოს, მიღების აქტს ხელი მოაწერეს და ვაგონებს შაშხანიანი წითელარმიელი დაუყენეს.

მატარებლის მოლოდინში მგზავრები სადგურში ცხოვრობდნენ, აქვე ეძინათ და ჭამდნენ, ცვლიდნენ პროდუქტებს და ნივთებს, ყიდულობდნენ და ყიდდნენ, დაუსრულებლად ლაპარაკობდნენ ახლო წარსულზე, ხარბად უსმენდნენ ყოველნაირ ამბავს და ამ ამბავს იქვე აფერადებდნენ და ამღიღრებდნენ საკუთარი გამონაგონით.

ცნობილი იყო, რომ ორთქლმავალსარემონტო სახელოსნოში ორთქლმავალს არემონტებდნენ და ასობით ადამიანი, თვით რევკომის თავმჯდომარე, აგრეთვე ჩარჩიც, რომელსაც დამშეულ რაიონებში ბურღულისა და მარილის გატანის იმედი ჰქონდა, მოუთმენლად კითხულობდნენ, როგორ მიმდინარეობს რემონტიო.

ვიდრე ბაშკატოვი ვაგონების მიღებით იყო გართული, ავანგარდმა შინ შეიარა.

მწვანე დარაბებიან პატარა სახლში, სადაც გამომცხვარი პურისა და გაუთოებული თეთრეულის სუნი იდგა, ავანგარდმა ძალიან ცოტა ხანს დაჰყო. კაცმა რომ თქვას, უკვე დიდი ხანია, რაც შინ არ ჩერდებოდა, მხოლოდ რამდენიმე წამით თუ შეიბრუნდა ხოლმე. გასაოცარმა ცხოვრებამ, რომელმაც ბავშვობიდანვე ჩაითრია, იგი ოჯახურ სიტბოს გადააჩვია.

როცა მამა ცოცხალი ჰყავდა, ავანგარდი (მამამისი იმ სახელოსნოში მუშაობდა, სადაც ახლა ორთქლმავალს არემონტებდნენ, შემდეგ კი თეთრ კაზაკებთან პირველსავე ბრძოლაში დაიღუპა) ქალაქის ოთხკლასიან სასწავლებელში სწავლობდა. უკანასკნელ ხანებში ის ხშირად აცდენდა გაკვეთილებს.

ავანგარდი ებრძოდა მესაბოტაჟე მასწავლებლებს, კრებებზე ანადგურებდა შინგამოჩეკილ სკაუტებს, რომლებიც ჯერ კიდევ ფართოფარფლიანი ქუდეებითა და მუხლებამდე წინდებით დადიოდნენ და გაჰყვიროდნენ, ახალგაზრდობას პოლიტიკა არ ესაქიროებო.

დარაჯობდა საწყობებს, მორაგებობდა სამაზრო კომიტეტში, შაბათობებზე რკინის ძალაყინს ატრიალებდა, სწავლობდა იარაღის ხმარებას და აზრდაც არ მოსდიოდა, რომ შეიძლებოდა სხვანაირი ბავშვობა ჰქონოდა.

შინმისულმა ავანგარდმა დედას უთხრა, მოსკოვს მაგზავნიანო. გადაჭრით თქვა უარი „შავი ღლისათვის“ შემონახულ პროდუქტებზე — ერთ ნაჭერ ყვითელ, ძლიერ დამარილებულ ქონზე, ერთ პარკ შაქარზე და კიდევ რაღაც საჭმელზე. მხოლოდ მამის ძველი ღვედი აიღო, რომ შეეცვალა ტელეფონის მავთული, რომელზედაც რევოლვერის ბუდე ეკიდა. წასვლის წინ დედას მხარზე უხერხულად, მოუქნელად მოუთათუნა ხელი.

ერემია პეტრეს ძე ბაშკატოვი ამ დროს დაუღალავად მუშაობდა. მას ისეთი არავინ არ ჰყავდა, რომ გამოთხოვებოდა, მისივე თქმით, სატანასავით მარ-

ტოდმარტო იყო. თხუთმეტი წლის აგვისტოდან უმეტესად სანგრებში, მიწუ-
რებში. ბლინდაეებში, ღია ცის ქვეშ ცხოვრობდა, სამხედრო საპყრობილედ
ვამოსცადა. „40 კაცისა და 8 ცხენის“ თბილანა იყო მისი მშობლიური სახ-
ლი და ახლა ნაცადი ფრონტელი ჯარისკაცის მიხვედრილობით და გაწაფულო-
ბით მყისვე შეუდგა მის მოწყობას. ზოგი რამ, როგორც ჩანდა, წინასწარ მო-
ეზნადებინა, ზოგიც ვზადაგზა მოიფიქრა. უმოკლეს ხანში ერემია პეტრეს ძემ
რივიანი სადგომი მოაწყო.

თბილანაში დაიდგა „ბურჟუელა“, მას გაუკეთდა ცეცხლისაგან გაფუქებუ-
ლი, მოხრილი მილი. თაროზე გაჩნდა ჩაიდან, ტაფა, თეფშები, კოვზები, პატარა
ქვაბი, ტახტის ქვეშ — ხელსაწყო-იარაღები: დურგლის ნაჭახი, ხერხი, ლურს-
მნები. თბილანაში იყო აგრეთვე ორი ტაბურეტი, ნაჭერი საპონი, ნავთიანი
ბიღონი. ვედრო, ცოცხი და ფეხსაცმლის საწმენდი ჯაგრისიციკი.

ცალკე ადგილი ეჭირა სურსათის მარაგს. აქ ეწყო ფეტვის ბურღულიანი
ტომარა. პაკი. რომელშიც რუხი მსხვილი მარილი ეყარა (ეს იმ დროს დიდი
განძი იყო), ხმელი ბოსტნეულით სავსე კალათა და მათარა, რომელშიც სქე-
ლი, კუპრივით შავი საჭმელი ზეთი ესხა.

ასეთი მარაგით, რასაკვირველია, შეიძლებოდა ნებისმიერი მოგზაურობის
დაწყება.

ამასთან ბაშკატოვი დიდ იმედს ამყარებდა სავაჭრო ოპერაციებზე, ესე
იგი პროდუქტების გაცვლასა და შესყიდვაზე, რაც სავსებით შესაძლებელი იყო
გზაში. შესყიდვისათვის მას ყოველნაირი ფული მოეპოვებოდა, რასაც კი იმ
წლებში ხმარობდნენ.

ძალიან განცვიფრდა ავანგარდი, როცა ბაშკატოვმა ჩანთიდან ამოიღო
სქელი ფუმფულა ხალიჩა, ცისფერი ფარდა, რომელსაც ჯერ კიდევ არ გასც-
ლოდა თავადაზნაურული კეთილსურნელება, და ვენზელიანი უცნაური ჩამოსა-
კიდი.

ჩრჩილისა და ხოქოებისაგან დაქმულ-დაჩენჩილი ყველა ეს საოცარი ნივ-
თი ბაშკატოვმა ორდერით მიიღო ყოფილი გრაფის პოლტოვის სახლიდან, რო-
ცა სწავლულთა კომისიამ დაადგინა, მათ ისტორიული მნიშვნელობა არა აქვ-
თო. ხალიჩა და ფარდა ტახტზე დააფინეს, რომ რბილად ყოფილიყვნენ, გრა-
ფის ვენზელიანი ჩამოსაკიდი კი თავთან მიაქედეს კედელზე.

ბოლოს ყველაფერი დაასრულეს, რის გაკეთებაც კი შეიძლებოდა. ახლა
ლოდინის მეტი არაფერი დარჩენოდათ. ავანგარდს კი სრულებით არ შეეძლო
ლოდინი. ხშირად ელვიძებოდა ღამით, უურს უგდებდა რკინის შორეულ რა-
კუნს, რაღაც გაურკვეველ ხმებს. „ვეცხოვრობთ, თითქოს მივიღვივართ, ადგილზე
კი ვდგავართ“, — გაიფიქრა და იქვე დაასვენა, ეს რომელიღაც მომავალი ლექ-

სის სტრიქონია, რომელიც აუცილებლად უნდა დაეიმასხოვრო. ამ საქმეში ავანგარდი ახალბედა როდი გახლდათ, მისი ერთი ლექსი კედლის გაზეთშიც კი მოათავსეს „სერგეი ავანგარდის“ ხელმოწერით. სიბნელეში მაცქერალმა სცადა ლექსი შეეთხზა, მაგრამ სიტყვას „ვღვაჯართ“ რითმა ვერ მოუნახა და მალე ისევ ჩაეძინა.

დილით ბაშკატოვი მსუბუქად გადმოხტა ტახტიდან, მაზარა მოისხა და ახალი ამბების გასაგებად გაიქცა. უკან დაბრუნებულს ავანგარდი ისევ მძინარე დაუხვდა და დიდხანს ანჭლრედა.

— ძამიკო, — უთხრა მას, როცა „ბურჟუელას“ დანთება დაიწყო. — საქმე ასეა: წუხელ სახელოსნოებში თვითონ კრუპატკინი და საგანგებო კომისიის თავმჯდომარე კრაიზერი ყოფილან! უთქვამთ, დააჩქარეთო რემონტი, დანიშნულია კომისარია!

„ბურჟუელა“ უწყალოდ ხრჩოლავდა, ბაშკატოვი იძულებული გახდა, ფართოდ გაეღო კარი. ქარმა მსხველი, მჩხვლეტავი თოვლი შემოყარა. ბაშკატოვმა აღუღებულ წყალში სახარინის ნატეხი ჩააგდო, შემდეგ ჯამში ჭვავის პურის ნამცეცები ჩაფერტხა.

საუზმის შემდეგ ერემია პეტრეს ძემ ჩანთიდან ნემსები და ძაფი ამოიღო და ავანგარდს უთხრა, „ხელსაქმეს“ მოკიდე ხელიო. თვითონ ქალის სიმარდით გაუყარა ნემსის ყუნწში ძაფი და დაბამბული ქურთუკის სახელოზე დიდი საკერებლის დაკერებას შეუდგა.

ავანგარდსაც უნდა დაეკერებინა თავისი გიმნასტურა, მაგრამ არაფრის გაკეთება არ სურდა. „ძალიან ცუდია ლოდინი, — ფიქრობდა ტახტზე მწოლარე, — ელოდო და არ იცოდე, როდის ეღირსები!.. ო, ო... საშინელებათა... სულაც არ გინდა რაიმე აკეთო!“

— ეს კი ფილოსოფიაა! — უთხრა ბაშკატოვმა, როცა ავანგარდმა თავისი მოსაზრება გამოთქვა. — დრო ხომ გადის! მაშასადამე, აკეთე, რაც შეგიძლია!

ავანგარდი დიდად არ შეკამათებია, გრძნობდა, რომ მართალი არ იყო. შუადღისას ბაშკატოვმა დაავალა, ფაფა გაეკეთებინა. ამ დავალებას წარმატებით გაართვა თავი. როცა ქვაბი და კოვზები გარეცხა, ისევ სიზარმაცე მიეძალა. ეხარბებოდა, რომ ბაშკატოვი მშვიდად საქმიანობდა. ერემია პეტრეს ძემ უკვე დააკერა თავისი დაბამბული ქურთუკი და ახლა ქვემოთ შემოცვეთილი მაზარის კალთების ამოხვევას შეუდგა. მან სქელ, რუხ მაუღში ნემსი გაუყარა და თქვა:

— ვნანობ, რომ ქსოვა არ ვისწავლე. რა არ ისწავლა ხალხმა სანგრებში... ზოგიერთმა წინდის ჩხირები და რალაცნაირი თითისტარებიც კი გაიჩინა... ხელთათმანებსა და წინდებს იქსოვდნენ... ეს სასარგებლოცაა და დროსაც ჰკლავ!

ავანგარდმა გაიფიქრა, — დროს მოსაკლავად არანაკლები საშუალება არსებობს, ვიდრე ქსოვია, მაგალითად, ძილიო. ასე გასინჯეთ, ისეთი საშუალებაც კია, რომლის მეოხებითაც უოველ დროს და უოველ ვითარებაში შეიძლება დაიძინო. უნდა დაწვე „ქარიულაბიურად“ (რატომღაც ასე ეძახდნენ წოლის ამ მდგომარეობას), ოდნავ მარჯვენა გვერდზე, ხელები ფერდებზე ფარფლებივით დაიწყო და ცხვირით თანაბრად ისუნთქო. ამ საშუალებას წარმატებით უჩვენებდა ავანგარდი ამხანაგებს, როცა შეკვეთით იძინებდა.

ახლაც, როგორც კი „ქარიულაბიურად“ დაწვა ტახტზე, მაშინვე ღრმად დაიძინა.

ღრო გადიოდა, ბაშკატოვი კარს აჯახუნებდა, მიდიოდა და ბრუნდებოდა, ხმაურით ტრიალებდა ვიწრო ბინაში, ავანგარდს კი ეძინა, ერთხელაც არ განძრეულა. „იძინოს, — ელიმებოდა მის შემხედვარე ბაშკატოვს, — სულ ერთია ვხაში გაიტანჯება! როცა გძინავს, ცოდვებს მიინც არ სჩადისარ“.

აღბათ, დილამდე გაგრძელდებოდა ავანგარდის დევგმირული ძილი, რომ ვილაცის ცხელი, მოალერსე ხელი არ შეხებოდა სახეზე და რუსული ღუმელის, ცომის, კვლიავის ნაცნობი სურნელება არ ეგრძნო...

თვლები გაახილა, იდაყვებზე წამოიწია, ვერ გაერკვია, სიზმარი იყო თუ ცხადი: იქვე ახლოს დედა ფუსფუსებდა, რალაც ფუთას ხსნიდა, წყნარი მშობლიური ხმით ჰყეებოდა:

— მარუსია კოლოსკოვა მოვიდა დეპოდან... მეუბნება, მათი ვაგონები როგორც იდგა, ისევე დგას სათადარიგო ხაზზეო... ორთქლმავალიც არ არისო!.. ვიფიქრე, მოდი კვერს გამოვუცხოზ-მეთქი... ცოშს ამოყვანა უნდოდა, მაგრამ შეშეშინდა, ვაი თუ ვერ მოვასწრო-მეთქი... შეხედე, შვილო, სულ ცხელია!.. კვერები ქოთანში ჩავალაგე, ქოთანი კი ბალიშში ჩავდე... ბალიშს, რასაკვირველია დაგიტოვებ! — მის წყნარ ხმაში ეშმაკური, გამჭირდავი კილო იგრძნობოდა. — ბალიშს უკან ხომ არ ვათრევე!

ავანგარდს ახლა საბოლოოდ გაუფრთხა ძილი.

— აბა, რა საჭირო იყო ეს დავიდარება! — თქვა დაბეჯითებით და აღმაცურად გადახედა ბაშკატოვს. — მოსაკითხი მომიტანა, თითქოს პატარა ვიყო.

— ეს ხომ შინაურული, ქონით გაკეთებული კვერებია!.. როდისღა ჰამ ასეთს? — დარწმუნებით ეუბნებოდა დედა. — გასინჯეთ ჩვენი ნახელავი, — მიუბრუნდა ბაშკატოვს. — ცოშს ამოყვანა უნდოდა, მაგრამ არ მოხერხდა!

— ო, ჰო, ჰო, რა მშვენიერებაა! — თქვა ბაშკატოვმა და მოზრდილი მოშაო კვერი ხელისგულზე დაიდო. — ორთქლიც კი ასდის! დიდი მადლობა, დიდი, რომ გაგახსენდით ყარიბები.

დედა კი იჭდა, ლოყა მუშტზე დაეყრდნო და უცქერდა, როგორ ილუკმე-ბოდნენ ისინი.

— კვერების მოტანა მაინც მოვასწარი! — ტკბილი ხმით ამბობდა დედა და ილიმებოდა, დანაოკებულ სახეზე შუქი ეფინა. — დაცვადაც რომ გამომიშვა, ეს იყო ბედნიერება!.. ირგვლივ აუარებელი ხალხია!.. კიდევ რამდენ ხანს გალოდინებენ აქ, ჩემო კარგებო?

ამ დროს, თითქოს მას უპასუხაო, ორთქლმავლის ჩახრინწული ხმა გაისმა. ავანგარდს გული აუძგერდა, შეუქმელი კვერი ტახტზე დადო.

— აჰა, გვეხმიანება! — თქვა ბაშკატოვმა.

კიდევ ერთხელ, უკვე გაბედულად და ომახიანად, თითქოს ყელი ამოიწმინდაო, ახმინადა საყვირი. ბაშკატოვი ლიანდაგზე გადმოხტა. შორიდან მძლე გუგუნე მოიჭრა, რომელიც უფრო და უფრო ძლიერდებოდა, თითქოს შთიდან მეწყერი ეშვება ნელ-ნელაო.

— ჩასასხდომად ემზადებიან! — თქვა ბაშკატოვმა. — მაშასადამე, რალაც იქნება!

გვერდით გაირბინა ფარნიანმა რკინიგზელმა. ბაშკატოვმა ხელი სტაცა.

— მივდივართ?

— ორთქლმავალი მოიყვანეს შმატოვოდან! — მიუგო რკინიგზელმა და გზა განაგრძო. დედა აჩქარდა.

— ამოსვლით მარდად ამოვედი, მაგრამ უკან როგორღა ჩავიდე?

ქალს ორივე მიეხმარა ჩასვლაში.

— შენ წადი, ნუ დაგველოდები, — ჩუმად უთხრა ავანგარდმა.

— კარგი, შეილო, წავალ! — მიუგო დედამ. იგი მათ წინ იდგა პატარა, დალეული და ხმელ-ხმელი, ფოჩებშემოვლებული შავი თავშალი შემოეხვია. უცებ, ისე, რომ ავანგარდმა თვალის დახამხამებაც ვერ მოასწრო, დედამ პირჯვარი გადასახა. „ასე ხომ ეკლესიაში იციან“, — შიშით გაიფიქრა ავანგარდმა და თვლები დახუჭა, ვერ გაებედა ბაშკატოვისთვის შეეხედა.

— გზა მშვიდობისა, ძვირფასებო! — უთხრა მათ დედამ და ლიანდაგს გაუყვა.

— გამდლობთ კეთილი სურვილისათვის! — უპასუხა ბაშკატოვმა. — ბედნიერად იყავით! ელოდეთ მოსკოვეურ საჩუქრებს.

მატარებელი ნელა მიდიოდა, თითქოს სული ეხუთებოდა, ვაგონები ირხეოდნენ და ჭრიალებდნენ, მაგრამ ეს გულისგამაწვრილებელი ერთფეროვანი ხმა მუსიკად ეჩვენებოდა ყველას, ვისაც ბელი ეწია და ვაგონში მოხვდა.

ავანგარდი ერთბაშად ჩამოვარდნილმა სიჩუმემ გამოაღვიძა. რამდენიმე

წამს ის კიდევ წინ მიცურავდა. კარის ფართო ჰუჭურტანაში შევერცხლილი დილა იხედებოდა, ავანგარდისკენ შიშველი, შეყინული ტოტები გამოეწვდინა ერთადერთ ხეს სადგურზე, წითელ ჭიხურთან. ვაგონის გვერდით იდგა ბებერი, შავგვრემანი ბოშა-ქალი, რომელსაც უშველებელი ჭრელი თავშალი მოეხვია, ყელზე გასაოცარი მძივები ეკიდა. ავანგარდი უცებ ვერ მიხვდა, რომ ეს ერთ-მანეთზე მჭიდროდ აცმული გამხმარი თევზები იყო.

— შენს თავს უმკითხავე, რად მინდა შენი მკითხაობა?! — დამაჭერებლად ეუბნებოდა ბაშკატოვი ბოშას. — თვითონ გიმარჩიელებ თუ გინდა, თანაც უფასოდ... სიმღერები კი მართლაც კარგი იცით ბოშებმა. მაგრამ ახლა სასიმღეროდ არა გვცალაია!.. მოდი, საქმეზე ვილაპარაკოთ: ჩემი ფეტვის ბურღული, შენი თევზი!

გაცვალეს და ბოშა ქალი ბურტყუნით წავიდა სადგურისაკენ, თანაც აქეთ-იქით იხედებოდა. ბაშკატოვი დიდად კმაყოფილი დარჩა თავისი შენაძენით: მოამზადებდნენ ახალ, შესანიშნავ კერძს — თევზიან ფეტვის ბურღულის წვეს.

სალამოს მათთან მთავარმა კონდუქტორმა — მოხუცმა, ქუდგაზინთულმა, უღვაშა რკინიგზელმა შეიხედა. მთავარი კონდუქტორი შესამოწმებლად მოვიდა, მაგრამ ბაშკატოვს გამოელაპარაკა და ცეცხლთან ჩამოჯდა. ჯიბეში ერთი მწიკვი ნამღვილი ჩაი აღმოაჩნდა, რაც იშვიათზე იშვიათი საჩუქარი იყო.

გახურებულ „ბურჟუელას“ და ცხელი ჩაის სმისაგან დასცხათ: კარი გამოაღეს, და ბორბლების არეულ რაკარუქში გადაიშალა მყუდრო დათოვლილი ველები, გამოჩნდა მკრთალად განათებული პატარა სახლები.

დღემ ყინულის ზორავით ჩაიქროლა. მას მოჰყვა სრულიად მსგავსი მეორე დღე. ისევ გულისგამაწვრილებლად ჭრიალებდნენ ვაგონები, ისევე გაცურდა უკან დათოვლილი ველები — ზოგი რუხი, ზოგი ლურჯი, ზოგი თითქოსდა ნაფტალინმოყრილი. ბოლისაგან გაშავებული ბოძები ისე ნელა ეფარებოდნენ თვალს, თითქოს მიმავალ მატარებელს დასცინიან და ეუბნებიან: „კარგა ხანს ვერ მიადწევ ჩემს მეზობლამდე“.

სადგურებში გაჩერებისას ბაშკატოვი ქამარზე ხის ბუდიან პარაბელუმს იკიდებდა, ავანგარდი კი თავის მოსევადებულ ნაგანს და ასე გამოდიოდნენ გარეთ.

მატარებლის შემადგენლობაში რამდენიმე სამგზავრო ვაგონი იყო. აღამიანთა ტალღა ზათქით, გრიალით აწყლებოდა ხალხით გაქვდილ ვაგონებს, სადაც ისედაც ჭირდა სუნთქვა. ტომრებით, ჩემოდნებით, ჩანთებით დატვირთული, რაღაცით ერთმანეთის მსგავსი კაცები მოურიდებლად არღვევდნენ აღამიანთა კედელს, აინუნშიც არ აგდებდნენ არც მათ წყევლა-კრულვას, არც

მუქარას და არც ქალების ტირილს, მიძვრებოდნენ ბუფერებზე, გადასაბმე-
ლებზე, სახურავებზე.

ტრანსპორტის საგანგებო კომისიის აგენტები, წითელარმიელები და გან-
საკუთრებული დანიშნულების ნაწილთა კომკავშირელები ამ ერთმანეთზე მი-
ქცეულნი, მოხიზინე ადამიანთა ბრბოში ტრიალებდნენ და ჯიკავჯიკავით შეკ-
ყავდათ ტამბურებში ქალები, მოხუცები და ინვალიდები, რომლებიც მათ
ქალაღღებს აჩრიდნენ.

ბაქანზე ხალხი აქეთ-იქით დარბოდა, ერთმანეთს ეჯახებოდნენ ჩემოდნე-
ბიანი, ბოხჩებიანი, ყუთებიანი, ტომრებიანი ადამიანები, ესეოდნენ თბილანებს,
მაგრამ ყოველ თბილანას წინ თოფიანი დარაჯები იდგნენ და ძვირფას ტვირთ-
თან არავის უშვებდნენ.

სადგურიდან, რომელსაც უცნაური სახელი — ჩელობიტნაია ერქვა, უკან
ბრუნდებოდა ვითარების გასარკვევად წასული ბაშკატოვი. ხელში უდიდესი
სიფრთხილით ეჭირა გაზეთის ნაგლეჯი.

— იმ სულკატანებმა პაპიროსისთვის დასწვეს ასეთი გაზეთი, — გულ-
დაწყვეტით ამბობდა ბაშკატოვი. — მოსკოვისა... თებერვლის... გესმის?
ძლივს გამოვთხოვე ეს ნაგლეჯი!

ავანგარდმა ბაშკატოვისებური სიფრთხილითვე აიღო ამ რვა დღის წინათ
მოსკოვში ნაშოფი გაყვითლებული ფურცლის ნახევი, რომელსაც მაშუთიანი
თითების ნაკვალევი აჩნდა.

მათ უჩვეულო მოთმინებით დაიწყეს მაშუთის გადღაბნილ ლაქებს შორის
გაურკვეველი, ფერგადასული ნაბეჭდის ასო-ასო ამოკითხვა.

და ერემია პეტრეს ძე ბაშკატოვი, რომელიც ყველაფერში თავკაცობდა,
იძულებული გახდა ელიარებინა ავანგარდის უპირატესობა, რადგან სწორედ
მან შეძლო რამდენიმე განცხადება წაეკითხა და დაედგინა, რომ გაზეთის ნაგ-
ლეჯი მესამე და მეოთხე გვერდების ნაწილი იყო.

„საბინაო მოსამსახურეთა კავშირი იუწყება, — ომანიანდ კითხულობდა
ავანგარდი, — რომ ეკლესიების დარაჯთა და მეტაბლეთა კავშირი... — ჰმ, ეს
ბერებისმაგვარი ხალხია, არა? — პროფკავშირის მოსკოვის საბჭოს დადგენი-
ლებით შეუერთდა საბინაო მოსამსახურეთა კავშირს!.. პარიკმახერთა კავშირი
იტყობინება, რომ რეგისტრაცია ყველა...“ — შემდეგ მოხეულია! აი, კიდევ! —
„პროლეტარული კლუბის გამგეობა იუწყება, რომ მუშებისთვის ეწყობა ექს-
კურსია ხელოვნების მუზეუმში... ვოლხონკა მაცხოვრის ტაძრის პირდაპირ...“

ბაშკატოვი უსმენდა, მოუთმენლად ცმუკავდა ტაბურეტზე და სულ იმას
ცდილობდა, რამე ეთქვა.

— იცი, მე ხომ იქ ნაშოფი ვარ! სწორედ იმ ადგილებში! თითქოს ახლა

ვხედავდე იმ მაცხოვრის ტაძარს! ეჰ, მოსკოვი, მოსკოვი! შემეძლო იქ მოვწყობილიყავი!

გამოირკვა, რომ ერემია პეტრეს ძე კინალამ კრემლის სკოლის კურსანტი გამხდარიყო, ასე გასინჯეთ, ყველა ანკეტა შეევსო, კრემლის სასადილოს ტალონით ესადილა კიდევ, უკვე წვერის მოპარსვასაც კი აპირებდა თურმე, რომ აღმოსავლეთის ფრონტზე გაგზავნის ცნობა მიიღო. „ჰოდა, ჩემი სამხედრო წვერი ურალში წავიყოლე“, — დაამთავრა თხრობა სიცილით. მას თვალეზი და კბილეზი უკრთოდა. ქერა, მოკლე, მომრგვალებული წვერი მიწებებული გეგონებოდათ მის ახალგაზრდულ, უნაოჭო სახეზე.

ავანგარდი გამოცეხული იყო. მამალივით გვერდულად უცქეროდა და ათვალეერებდა ამ გასაოცარ ბაშკატოვს, რომელსაც, თურმე, კრემლში ესადილა. ამ კაცს ერთხელაც არ დასცდენია სიტყვა ასეთ განსაცვიფრებელ ამბავზე!

ავანგარდს შეეძლო ბევრი რამ წარმოედგინა და გონებით მიწვდომოდა — მას ხომ წაკითხული ჰქონდა „საიდუმლო კუნძული“, „ინდოეთის ჭურღმულეზში“, „სამყაროთა ომი“. მაგრამ მოსკოვზე ფიქრის დროს ვერაფრის წარმოდგენას ვერ ახერხებდა.

— ვთქვათ, ჩავედით მოსკოვში! გადმოვედით მატარებლიდან! შემდეგ? — დაეინებით ეკითხებოდა ბაშკატოვს.

— შემდეგ? შემდეგ ჩავებარებთ ვაგონებს, ანგარიშს წარვუდგენთ უფროსებს. — ერემია პეტრეს ძე ოცნებით იღიმებოდა. — პარიკმახერებმა ხომ რეგისტრაცია გამოაცხადეს! მაშასადამე, სადღაც უთუოდ კრეჭენ და პარსავენ! მე და შენ, ალბათ, იმ მეტაბლე ბერებზე ნაკლებად არ უნდა ვიყოთ გაბანჯგლულები... შემდეგ წავალთ აბანოში... ხოლო შემდეგ დავრეკავთ ტელეფონზე: „გამარჯობათ, ვლადიმერ ილიას ძე! მავან და მავანი ჩამოვედით!“

ავანგარდს ეს არ სჭეროდა. ნუთუ შეიძლება დაატრიალო აპარატის სახე-ლური და დაურეკო ლენინს?!

მაგრამ ბაშკატოვი სრულიად დარწმუნებული ლაპარაკობდა:

— მე და შენ პატარა ადამიანები ვართ, ძმაო ავანგარდ, საქმეები კი დიდ გვაქვს!



მემანქანე და ცეცხლფარეში ორთქლმავლიდან გადმოვიდნენ და რწევით გაემართნენ ვაგზლისაკენ.

— არ მომწონს ეს ზურგები! — თქვა მათმა მაცქერალმა ბაშკატოვმა, — კატეგორიულად არ მომწონს! სადგურიც რა საძაგელია!

მართლაც, უსიამოვნო სანახავი იყო სადგური ლიპსკაია—ვაგზლის ყვითელი, ბათქაშჩამოცვენილი კედლები, ჭუჭყიან გუბებზედ ქცეული თოვლი, მზე-ხუმზირას ჩენჩოთი და პაპიროსის ნაწმწვებით სავსე აღულებული წყლის კასრები.

ბაშკატოვი დასაზვერად წავიდა.

უკანდაბრუნებული დიდხანს ტენიდა თავის ჩიბუხს, აბოლებდა და ხენე-შოდა.

— ამას იქით აღარ მივყავართ, ჩემო ავანგარდ! — თქვა ბოლოს. — გული შიგრძნობდა!.. შემცვლელი ბრიგადა ერთ გადასარბენს იქით ელოდებათ, ეს ფრანტები კი გაჭიკებულან: ჩვენ ჩვენი ნორმა გამოვიმუშავეთ, ახლა დღე-ღამე ჩვენიაო. ერთხმად ვცადეთ მათი დაჭერება: „როგორ იქნება, ძმებო, დაფიქრდით“. გვითხრეს: „უფროსებმა იფიქრონ, მათ დიდი თავი აქვთო!“ დავუჩეკეთ უფროსობას, ძლივს დაუეკავშირდით, გვიპასუხა: „თვით საბჭოთა ხელისუფლებამ დააწესა რეასათიანი სამუშაო დღე! თქვენ რა, საბჭოთა ხელისუფლების წინააღმდეგი ხართ?“ აი, როგორ შემოატრიალა საქმე რკინიგზის კონტრამ!.. ახლა ატეხეს ერთი განგაში...

ბაშკატოვმა ჩიბუხი გამობერტყა, ტახტის ქვეშ ხის ნაჭერი გამოიღო და გააფთრებით შეუდგა კოვზის თლას. ერთი ასეთი კოვზი მან უკვე გამოთალა და ავანგარდს აჩუქა.

— შესანიშნავად კი ვიმგზავრეთ ლიპსკაიამდე! უნდა გამოვტყდე, რომ მღელვარება შემეპარა... — კვლავ ალაპარაკდა ბაშკატოვი. — სამაგიეროდ, ახლა ყველაფერი რიგზეა. — ირონიულად ჩაიჭიჩკილა მან. — ვიჯდეთ და ვუსტვინოთ, სანამ შემცვლელი ბრიგადა მოვიდოდეს... ამას გარდა, ავარიებიც ხომ ზდება! უნდა ითქვას, საკმაოდ ხშირადაც! როდესაც მოსკოვიდან მოვიდოდით, გზაში ორთქლმავალი დაგვეწვა! ვითომ რად უნდა დამწვარიყო რკინა! შენ წარმოიდგინე, ასანთის კოლოფივით აბრიალდა! იცი, რამდენ ხანს ვიდექით მაშინ? — ბაშკატოვი ცოტა ხნით გაჩუმდა. — ხუთი დღე-ღამე!

— ძალიან მანუეგუმებ! — დაღვრემილად ჩაიცინა ავანგარდმა. — ახლა შეიძლება მშვიდად იძინო!

მაგრამ მას უკვე ძილიც აღარ უნდოდა. ნაცადმა „ქარიულაპიურმაც“ ვერ უშველა. ავანგარდი თავისი თავის უკმაყოფილო იყო. ცოტა ხნის წინათ ბაშკატოვმა ლექცია წაუკითხა საინტერესო თემაზე: „რა არის დარდი და მოწყენილობა და როგორ ვებრძოლოთ მას!“ ერემია პეტრეს ძე გამოცდილი ლექტორის ტონით მიმართავდა გონებაში წარმოსახულ აუდიტორიას და თავის მოსაზრებებს გამოთქვამდა: „მოწყენილობას სუსტ სნებას უწოდებენ! — ამბობდა ის. — მოწყენილობის წინააღმდეგ ხმარობენ, ასე ვთქვათ, შინაურულ სა-

შუალელებს: ანეგლოტებს, მზესუმზირას, ბანქოს, ლოტოს — ვისაც ჩა შეუძლია!.. დარდი კი სხვა საქმეა! არის დარდი გულისმიერი, სანგრისმიერი და გზისმიერი... ამ ქალბატონ დარდის მორთულობა საავდრო ღრუბელივით შავია. მზესუმზირა და ანეგლოტები მასზე არ მოქმედებენ! ყველაზე საიმედო საწინააღმდეგო საშუალება ის იქნება, რომ სრულებით არ შეიმჩნიო, ნაცნობობა არ გააბა, არ დაემორჩილო მას. ხდება ხოლმე, სადმე შეგხვდება აბეზარი მგზავრი ქალი! აღარ მოგეშვება, გექაქანება დაუსრულებლად, შენ კი ზრდილობის გულისათვის უპასუხებ: „ღიახ-ღიახ!“ „ჰო-ჰო!“ „ქეშმარიტად!“ — ამ დროს კი სხვა რამეზე ფიქრობ. მაგრამ საკმარისია გამოიჩინო სისუსტე, და ხათაბალაში გაებმები! ის ქალი გაიგებს შენს მისამართს, წაუღებ ჩემოდანს და ბევრ სხვა რამეს...“

ავანგარდი უსმენდა ამ ჰკუის სასწავლებელ ლექციას, რომლითაც ბაშკატოვი ბრძოლაში იწვევდა „აბეზარ მგზავრ ქალს“, და დანაღვლიანებული აღიარებდა, მაინც სუსტი კაცი ვარო! მაგრამ ის ხომ იწრთობოდა, ნებისყოფას და გამძლეობას ეჩვეოდა. ერთხელ, მაგალითად, გულითად მეგობარს ვასია გუსაროვს პირობა მისცა, რომ მთელი დღე-ღამის განმავლობაში არ დალევდა წყალს, და კიდევ ჩააბარა გამოცდა. ერთხელ ღამე გაათია მიტოვებულ სასაფლაოზე, რომელიც სხვებს დღისითაც კი აშინებდა. ავანგარდი ფიქრობდა, რომ ბევრი შესანიშნავი საქმის გაკეთების უნარი ჰქონდა. მაგრამ ხომ არიან ისეთი ადამიანებიც, რომლებსაც ჯდომა და ლოდინი არ შეუძლიათ!

სწორედ ეს არ შეეძლო ავანგარდს!

მან ქისა ამოიღო, და როგორც ბაშკატოვი ამბობდა, „ზორბა პაპიროსი“ გაახვია. ნათაზი რომ დაარტყა, ზიზლისაგან კინალამ გული აერია, თითქოს ახლა იწყებდა წევას. ავანგარდმა კიდევ ერთხელ შეისუნთქა მწარე კვამლი და პაპიროსი კარის ღრიჭოში გადაისროლა. საფეთქლები ტეხდა, პირში სიმშრალის საზიზღარი შეგრძნება ჰქონდა. როგორც ეტყობოდა, გაციებაც მოახერხა. მთავარი კი ის იყო, რომ უნდოდა ბაშკატოვისთვის შეეჩივლა, ეთქვა, თავს ცუდად, საძაგლად ვგრძნობო...

ავანგარდმა ხელები მომუშტა, მრისხანედ შექმუნნა წარბები — ამას არასოდეს არ ვიზამო! ბაშკატოვმა გაოცებით შეხედა მას, და ავანგარდი გაბრაზდა. უკვე აღარ უნდოდა შეეჩივლა, პირიქით, სურვილი დაებადა, მოენახა მკვანე, ააწყენი სიტყვები, გაეჭვარებინა ბაშკატოვი, მაგრამ შერცხვა თავისი უხიაკი აურვილისა, ტყაბუქი ჩაიცვა და ვაგზლისკენ გაემართა.

ფანტელბად დიოდა წყალთოვლი, ვაგონების სახურავებზე სქლად იდო. იგი. ეტყობოდა, ვაგონები დიდი ხანია იდგა აქ და მანამ იქნებოდა, ვიდრე, თოვლი მთლად არ დაფარავდა... ნუთუ აგონდება ვინმეს მიყრუებულ სადურხე მდგარი ეს მატარებელი?

ტელეგრაფის შესასვლელთან მოლისფერმაზარიანი გუშაგი იდგა, ყელიანი მძიმე ფეხსაცმელი ეცვა და ტოლადები ჰქონდა შემოკრული. ხელში ეჭირა შაშხანა, რომელზეც სამწახნაგოვანი ხიშტი იყო წამოცმული. ტელეგრაფის ოთახიდან აჩქარებული კაკუნის, ზარის რეკვა, ტელეფონის წკარუნის ისმოდა.

კარი გაიღო და გამოვიდა მატარებლის კომენდანტი, საოცრად მხარბეჭიანი კაცი. იგი ცხვრის ტყავის მოკლე ქურთუკში იყო გამოწყობილი, რომელზედაც აშურმიანი შესანიშნავი ქამარი შემოერტყა. ავანგარდმა ნაძალადევი გულგრილობით შეავლო თვალი კომენდანტს; დიდი ხანია ოცნებობდა იგი ასეთ შესანიშნავ ალკურვილობაზე. კომენდანტთან ვილაც უცნობი მივიდა. მას ყელთან ლითონის ბალთით შეკრული, ძველი რეჟიმისდროინდელი ლაზადა მოესხა. უცნობმა ხელი წინაფრასთან მიიღო და უთხრა:

— ნებას მომცემთ შეგეკითხოთ?! მე კარაულოვი ვარ, თქვენდამი რწმუნებული შემადგენლობის მგზავრი!.. გვითხარით თუ შეიძლება, როდის წავა მატარებელი?!

ეს კითხვა ქეშმარიტად დიდებულად გაისმა.

— განრიგით თორმეტ საათსა და თერამეტ წუთზე უნდა წავიდეს, მაგრამ, მგონი, დაიგვიანებს. — სრულიად სერიოზულად უპასუხა კომენდანტმა და თვალი ჩაუყრა ავანგარდს.

— მადლობას მოგახსენებთ! — თავაზიანად უთხრა ლაზადიანმა კაცმა და თავისი ვაგონისაკენ გაემართა. ზურგზე უხეირო შავი ჩანთა ეკიდა...

არა, არც ერთი წამით არ ჩერდება ცხოვრება! არაფერი არ ეძლევა დავიწყებას. ადამიანები ხუმრობენ და მოთმინებით ელოდებიან. ტელეფონის აპარატებთან დაჟინებით ისმის ლაპარაკი და ჩხაკუნებს ტელეგრაფის სახე-ლური.



ბაშკატოვი, რომელიც ფხიზლად თვლემდა ტახტის კიდზე, უცებ წამოხტა და კარი გამოაღო. ავანგარდმა ძილში რაღაც წაიბურტყუნა და ნახევრად პირდაღებულმა კვლავ მძიმედ დაიწყო სუნთქვა.

უფერული დილა გათენდა. დათოვლილ ველებს იქით, შავ, თითქოსდა ტუშით მოხაზული პორიზონტის ზემოთ, მეწამული ლაქა აშუქებდა. ლაქა თითქოს მოძრაობდა, მოხაზულობას იცვლიდა, ფეთქავდა და თავის გარშემო ნარინჯისფერ შარავანდედს ჰფენდა. „შორს ხანძარია“ — გაიფიქრა ბაშკატოვმა.

განუწყვეტლად რეკდა სადგურის ზარი და მძინარეთ აღვიძებდა. ვაგზლი-

საკენ მიემართებოდნენ დამფრთხალი, თმააბურძგენილი ადამიანები, ზოგიერთები გზადაგზა იცვამდნენ.

ზართან ჩანდა მეზღვაურის ბუშლატიანი მაღალი კაცი, რომელსაც ტყვიამფრქვევის ლენტები ჰქონდა შემოკრული. მის გარშემო უწყსრიგოდ იყრიდნენ თავს შუშანიანი ადამიანები. გვერდით გრძელ მერხზე იდგა თვითნაკეთი საკაცე, რომელსაც უხეში ტილო ეფარა, იქვე ეწყო შუშანების მთელი გროვა.

ზარის რეკვა შეწყდა. მაღალმა მეტყვიამფრქვევემ თვალი მოავლო გარშემო შეგროვილ მდუმარე ხალხს.

— მოქალაქენო! — იყვირა მან. — ნახეთ ყველამ! ძნელი საყურებელია, მაგრამ საჭიროა ნახოთ!.. აი!..

მან საკაცეს ტილო გადახადა. საკაცეზე პირით კედლისაკენ გადაბრუნებული უპერანგო კაცი იწვა. მის უცნაურად თეთრ ზურგზე მკვეთრად გამოირჩეოდა ლურჯი ზოლები. რომელიღაც ახლო მდგომმა ქალმა სახეზე ხელები აიფარა და გაიქცა.

— მოქალაქენო! ყველამ ნახეთ? — მკვახედ იკითხა მეტყვიამფრქვევემ.

— თქვი! რას აჭიანურებ? — დაუყვირეს ხალხიდან.

— მაშ ასე, მოქალაქენო! ჩვენ მოსკოვის სასურსათო რაზმიდან ვართ! აქ დამშეული გუბერნიებისათვის პური მზადდება... ირგვლივ ძველი რწმენის ხალხი ცხოვრობს!.. მათ პური თავზე საყრელად აქვთ, მაგრამ კაცს რომ სული ძვრებოდეს, ნამცეცს არ გაიმეტებენ! პურისაგან ეს ხალხი არაყს ხდის, ღმერთი კი სწამთ... სასურსათო განაწილების მიხედვით, ისინი ვალდებული არიან, ზედმეტი პური ჩაგვაბარონ, მაგრამ მათ საბჭოთა ხელისუფლებისა და დამშეული ხალხის წინააღმდეგ გაილაშქრეს! მერე და, რას უშვრებიან ხალხს?! თავის მეზობელს სიცოცხლე მოუსპეს! რატომ? იმიტომ, რომ გვიჩვენა ადგილი, სადაც კულაკების პური ღებოდა!.. წამოვასვენეთ იგი, რათა უპატიურად არ მოპყრობოდნენ მიცვალებულს და ადამიანურად დაგვემარხა! — მეტყვიამფრქვევემ ფრთხილად დაუშვა ტილო საკაცეზე და გაჩუმდა.

ბაქანზე სიჩუმე ჩამოწვა, გეგონებოდათ, ხალხმა სუნთქვა შეწყვიტაო.

— ხედავთ შორს იმ არილს? სოფელი იწვის, — განაგრძო მეტყვიამფრქვევემ. — იქ ჩვენი პურის შესაგროვებელი პუნქტია!.. ამ პურის შესახებ უკვე გაგზავნილია ცნობა სასურსათო სახალხო კომისარიატში, მას ელიან მშვიერი, დასიებული ბავშვები. იქ ახლა ჩვენი ამხანაგები მშრომელი გლეხობის მხურვალე დახმარებით ცდილობენ პური ბოროტგანზრახველურ დაწკას გადაარჩინონ და საიმედო ადგილებში გადააქვთ. ბოროტმოქმედნი ამას როდი დაჯერდნენ! მოსკოვის მახლობლად რელსები აყარეს და რკინიგზა გააფუჭეს... უნდათ, ხელი შეუშალონ ჩვენი პურის ეშელონის გაგზავნას! როგორ მოვიქცეთ

ახლა, ამხანაგებო?! — მეტყვიამფრქვევემ ხმას აუწია. — პასუხი მხოლოდ ერთია! დავაფრთხნით ქვეწარმავლები, გავფანტოთ მათი ბანდა... აღვადგინოთ გზა და დავუყენოთ მცველები! დაე, იარონ ჩვენმა მატარებლებმა!.. აქ არიან მამაკაცები, რომლებსაც იარაღის ხმარება შეუძლიათ... იარაღი გვაქვს, მას მივცემთ ყოველ პატიოსან ამხანაგს, რომელიც ისურვებს ხელი შეუწყოს საერთო საქმეს!..

— გასაგებია! დაიწყე! — გაისმა ვილაცის ახალგაზრდული წკრიალა ხმა. იგი ძალიან ეცნაურა ბაშკატოვს. ხალხს გამოეყო და მაშინვე ავანგარდს შეეჩეხა.

— ბიკოს?! — უსაზღვროდ გაიოცა ბაშკატოვმა. — შენ ხომ ზაზუნასავით გეძინა!

— როცა საჭიროა, ვიღვიძებ! — მოუჭრა ავანგარდმა.

ბაშკატოვმა მოწონებით შეხედა: „ფხიანი ბიჭია!“ — გაიფიქრა და საბოლოოდ მიიღო მტკიცე გადაწყვეტილება. „აი, რა, ძმაო ავანგარდ! — დაიწყო მეტისმეტად საქმიანი კილოთი. — მაშასადამე, საქმე ასეა...“

— არა, ასე არაა! — შეპყვირა უცებ ავანგარდმა. სახე გაუფითრდა და კორფლი ლურსმნის თავებივით დააჩნდა ლოყებსა და შუბლზე. — ძალიან კარგად ვიცი, როგორც არის! კმარა!.. აქ სასწავლო პუნქტი არ გევონოს!.. მოეშვი განკარგულებებს და ყველაფრის ერთპიროვნულად გადაწყვეტას!.. მე შენი მაჩანჩალა არ ვარ! — ავანგარდს სული შეუგუბდა და მძულვარებით შეხედა ბაშკატოვს: ნუთუ სულ ახლახან ისინი ერთი ქვაბიდან ჭამდნენ და ერთმანეთზე მიხუტებულებს ეძინათ? — მეც მაქვს უფლება, თოფი ავიღო და წავიდე მათთან ერთად!..

ბაშკატოვი მოულოდნელობისაგან დაიბნა, ასე გასინჯეთ, ნაბიჯით უკანაკვი დაიხნია. დუმილით შესცქეროდა გააფთრებულ ავანგარდს, თითქოს ფიქრობდა, როგორ მივიღო მისი სიტყვებით.

ბოლოს წამოწითლდა და დაწვებზე კოყიეები დააჩნდა:

— ამხანაგო მალევე! დაუყოვნებლივ შეწყვიტეთ ლაპარაკი!

ავანგარდი შეკრთა, თითქოს შიშველ ტანზე ყინული მიადესო. იგი გადაჩვეული იყო თავის გვარს, დავიწყებული ჰქონდა და ახლა უხამსად მოხვდა ყურში. ახლოს ხალხი ვუგუნებდა, ჩხაკუნებდა საკეტები, ავანგარდს კი არაფერი ესმოდა. მას უკვე ნახული ჰქონდა ბაშკატოვის ასეთი სახე — გაქვავებული კოყიეები და მობრიალე თვალები: „შეწყდეს მიტინგი! მოეწყვეთ!“ — თქვა ბაშკატოვმა მაშინ და რაზმი ქალაქისაკენ შეაბრუნა...

— გთხოვთ, ნუ დაივიწყებთ, რომ რევკომის ბრძანებით მე მექვემდებარებით! — უთხრა განრისხებულმა ბაშკატოვმა. — გიბრძანებთ, დარჩეთ ვაგო-

ნებთან და დამელოდოთ. ვიდრე დავბრუნდებოდე! პლომბების და ტვირთის დაცვისათვის მთელი სიცოცხლით აგებთ პასუხს. თუ ვინმე შეეცდება შეიჭრას ვაგონებში, გამოიყენეთ ცეცხლსასროლი იარაღი და ხელყუმბარები!.. გასაგებია?!

ავანგარდმა ტუჩზე იკბინა.

— ვაგონებთან წავიდეთ! — მკაცრად უთხრა ბაშკატოვმა.

ორივე ჩუმად მივიდა თბილანასთან.

— გიტოვებთ ამ პაკეტს! — ბაშკატოვმა პირდაპირ თვალებში ჩახედა, თითქოს ჰიპნოზს უკეთებდა. — აქაა ყველა დოკუმენტი! ისინი საკუთარ სიცოცხლეზე მეტად უნდა დაიცვათ. სად ჩაიდებთ?! — ჰკითხა მკვახედ.

— ქურთუკის გულის ჯიბეში ჩავიდებ და მივიკერებ! — ცივი ხმით უპასუხა ავანგარდმა და ბაშკატოვს სქელი კონვერტი გამოართვა. ბაშკატოვი მოლუშული ადევნებდა თვალს ავანგარდის ხელის მოძრაობას, როცა ის კონვერტს ჯიბეში იღებდა, შემდეგ სწრაფად შეტრიალდა და სადგურისაკენ გაემართა.

ბაქანზე ნამდვილი მობილიზაცია ხდებოდა. სხვადასხვა საქმეზე მატარებლით მიმავალი ახალგაზრდები და ხანშიშესულები მუზღაურთან მიდიოდნენ, ეუბნებოდნენ გვარს, იღებდნენ იარაღს და დგებოდნენ მარცხნივ, როგორც მითითებული ჰქონდათ.

წინა ვაგონიდან ერთბაშად მოვიდა მთელი ოცეული, ეტყობოდა, ახალგაზრდა მუშები იყვნენ. „მოდი, თვითონ ავირჩიოთ შაშხანები!“ — თქვა მათმა წინამძღოლმა, თავშეხვეულმა, კუნთმაგარმა ჰაბუკმა. მათ სწრაფად შეირჩიეს შაშხანები, ჩანთები, ვაზნები, ააჩხაკუნეს საკეტები — ჩანდა, რომ ბრძოლას ნაჩვევნი იყვნენ.

სამი მასწავლებელიც — მათი მეზობელი ვაგონის მგზავრებიც აჩხაკუნებდნენ საკეტებს და თოფის ლულებში იჭვრიტებოდნენ, მაგრამ მაშინვე შეატყობდით, რომ დღემდე არც ერთ მათგანს ხელში თოფი არ სჭეროდა.

მაღალ მეტყვიაფრქვევესთან ლაბადამოსხმული, წელში გამართული, ჭალარა წამახულწვერიანი კაცი მივიდა და ოდნავ ენის ბორძიკით უთხრა: „მე, მოგესხენებათ, ყოფილი ოფიცერი ვარ... უფრო სწორად, ფორტიფიკაციის მასწავლებელი... შეიძლება წამოგყვეთ?“ კითხვა ბავშვური და გულუბრყვილო იყო. მეტყვიაფრქვევე მოიღუშა, მაგრამ ვიდრე ის ფიქრობდა, მისმა თანამემწემ უკვე ჩაიწერა ლაბადიანი კაცის გვარი და ყველაფერი გადაწყდა. ვიღაც დაჟინებით კითხულობდა, სად დავტოვო ზურგჩანთაო. ახალგაზრდამ (მას სტუდენტის დაქმუქნილი ქუდი ეხურა და გრუზა თმა-ჰქონდა) გუგუნა ხმით რაღაც გასძახა ფაფახიან, შავგვრემან კაცს, როგორც

ჩანდა, ჩერქეზს. შემდეგ მეტყვიამფრქვევეს მიმართა: „ესეც წამოვა! რუსული არ ესმის, მაგრამ ვილაქლმ ტელივით ისერის!“

ერთ წვერმოქცეულ, ხმელსმელ, ჩია მოხუცს ფრთხილად შეაპარეს — უკეთესი იქნება, თუ არ წახვალო, მან კი გულმოსულად თქვა:

— მოიტა აქ თოფი!

დაკოჟრილი თითები შაშხანას ლულის ბოლოში წაავლო და ნელა ასწია მალლა.

— ყოჩაღ! ყოჩაღ! — მიაძახეს აქეთ-იქიდან.

ამ დროს ვილაც ქალი ავივლდა და პაპას მკლავზე ჩამოეკიდა:

— შენ საღლა მიძერები... შე დაფეხვილო ეშმაკო... ესეც ეჩრება!

— ხმა ჩაიკმინდე! — მრისხანედ შეუტია მოხუცმა. — გვერდზე მომიდექ! მოწყალების დად გამოდგები... თქვენც, დანარჩენო დედაკაცებო, დადექით, თუ თანაგვიგარძნობთ.

მაგრამ მატარებელში სხვა ადამიანებიც იყვნენ. მათ კარგად იცოდნენ, რას ნიშნავდა მოკლე სიტყვა „ჩეკა“, რომელიც ასე იკითხებოდა: „კონტრრევოლუციის, სპეკულაციისა და საბოტაჟის წინააღმდეგ მებრძოლი საგანგებო კომისია“. ისინი საშინელ შიშს მოეცვა, გაუფრთხილნი და მოკუნტულნი ისხდნენ. საშინლად დაძაბულებს დიდი რისკით მიჰქონდათ ფუთობით განძი, რომ თუ ბედი გაუღიმებდათ, წარმოუდგენელი მოგებით გაეყიდათ და გადაეცვალათ. ამასთან უნდა შეძლებოდათ შეენახათ, დაემაღლათ ეს მძიმე ტომრები და ჩემოდნები გადამლობი რაზმების, მოულოდნელი გასინჯვისა და იმ ადამიანთაგან, რომლებიც წარმოთქვამდნენ მტკიცე სიტყვებს: „ვინც არ მუშაობს, ის არც ჰამს“.

ჰოდა, მოულოდნელად ახალი უბედურება დაატყდათ თავს! ნეტავ, რას მოიფიქრებენ ახლა ისინი, ადამიანები, რომლებიც გადაწყვეტილებებს სწრაფად იღებენ და ფრიალ მტკიცედ ასრულებენ?!

მალე ვაგონებში გავრცელდა დამაჭერებელი ხმა, რაზმი მხოლოდ მოხალისეებისაგან დგებო. დიახ, ეს დაუნდობელი, მტკიცე ხელისუფლება, რომელიც „არამშრომელ ელემენტს“ აიძულებდა ეტეხა ყინული, ეწმინდა დანგრეული სახლები, დაემზადებინა სათბობი, ეზიდა წყალი, ესუფთავებინა საპირფარეშოები, არასოდეს არ მოითხოვდა, რომ ასეთი ყაიდის ადამიანებს დაეცვა იგი.

ბაშკატოვმა წელზე ქამარი შემოიჭირა, რომელზეც მძიმე ჩანთა ჰქონდა მიბმული, და მხარზე თოფგადაკიდებული მივიდა თბილანასთან. თბილანის გვერდით უძრავად იდგა ავანგარდი. მთელი მისი გამომეტყველება თითქოს ამბობდა: „ბოსტზე მდგომ გულშაგთან ლაპარაკი სასტიკად აკრძალულია!“

— აი, ამას ჰქვია აუტკივარი თავის ატკიება! — წარმოთქვა ბაშკატოვმა ჩვეულგვარი მშვიდი, დამცინავი კილოთი. — ისევ ორომტრიალი იწყება... ეს კულაქები კი, საღ კლდესავით არიან, თურმე ტყვიამფრქვევიც უშოვიათ! შეიძლება დამალულიც ჰქონდათ!

„რაო, შეეშინდა?“ — ბოროტად გაიფიქრა ავანგარდმა.

— მაგრამ, მეორეს მხრივ — ღმერთი არ გასწირავსო, ხომ გაგიგონია! — განაგრძობდა ბაშკატოვი, — მოვსპობთ ბანდას და წინ გავწევთ... — ავანგარდი დუმდა.

— მსგავსი ამბები ცხოვრებაში, ძმაო ავანგარდ, ისე უნდა მოაგვარო, რომ ყველაფერმა საქმეს არგოს! — შემარიგებლად უთხრა ბაშკატოვმა. — ჩემი წასვლა უფრო გამართლებულია, რადგან სამხედრო გამოცდილება მაქვს... რაც არ უნდა იყოს, თოთხმეტი წლიდან ვომობ... გიორგის ჯვარი მაქვს მიღებული! — ჩაეცინა მას. — შენ კი გმართებს საგუშაგოზე იდგე იარაღმომარჯვებული... თვალი ფხიზლად გეჭიროს! ეშმაკმა უწყის, რა არ შეიძლება მოხდეს! შენ ხომ პურს დარაჯობ! პურს! — გაიმეორა, თითქოს უნდოდა ნათლად ეჩვენებინა თავის თავისა და ავანგარდისათვის ამ სიტყვის უდიდესი მნიშვნელობა. — გრძნობ, ძმობილო ავანგარდ?

ავანგარდმა შეხედა და იგრძნო, რომ გული დაუცხრა. ბაშკატოვს აღტაცებით, სიამაყით, შურით შეჰყურებდა. დიახ, ბაშკატოვი უფრო ძლიერია, უფრო გამოცდილია, შეუძლია გული არ გაიტეხოს, ელოდოს, გამოთალოს კოვზები და დააკეროს დიდებულად. გარდა ამისა, უამრავი შესანიშნავი რამ იცის; მაგას როგორ შეედრები, მაგრამ ერთ რამეში მაინც თანასწორები არიან: მას, ავანგარდსაც, შეუძლია იომოს, წავიდეს იერიშზე, შეიჭრას მტრის ზურგში, ააფეთქოს ხიდი, სანგარში გადაისროლოს ყუმბარა, იცოცოს ცეცხლში. ასეთ საქმეებში არასოდეს არ შეშინდება, არასოდეს დაეცემა სულით... სამწუხაროა, რომ არ შეუძლია ამის დამტკიცება...

— ძალიან კი გახდი, ძმაო ავანგარდ! — მოისმა ბაშკატოვის უჩვეულოდ თბილი ხმა. — რასაკვირველია, საქმელი ძალიან ცუდი გვაქვს, მაგრამ მოიცა, გაძლიერებულ ულუფას გაგიჩენ! ფუნთუშასავით გაგხდი.

ბაქნიდან მაღალი მეტყვიამფრქვევის ხმა მოისმა: „აბა, დავეწყოთ, ამხანაგებო!“

— მაშ, კარგად იყავი! — აჩქარდა ბაშკატოვი. — მუხასავით იდექი... გამარჯვებით!

ავანგარდმა მდუმარებით მოუჭირა ხელი მის ფართო ცხელ ხელს, ამით ყველაფერი უთხრა და ბაშკატოვმაც გაუგო. ბაშკატოვმა, რელსებზე რომ გადადიოდა, მოიხედა, ხელი დაუქნია და გზა განაგრძო, სიარულში ოდნავ არხევდა ფართო მხრებს.



ავანგარდი შეუჩერებლად მიდი-მოდიოდა თბილანების გვერდით. ნაცურისფერ ველებს იქით ნელ-ნელა ქრებოდა დაისის ელვარება, თითქოს უსწორმასწოროდ წაესვათ იასამნისფერი საღებავი ტყის შავ ზოლზეო. სადღაც ამ მიმართულებით წავიდა შაშხანამოცილებული ბაშკატოვი.

ავანგარდი დამძიმებულ ქუთუთოებს ხუჭავდა, საფეთქლებში ტეხდა. იგი განუწყვეტლივ მიდი-მოდიოდა, ხელებს მთელი ძალით კუმშავდა, რომ ამ ყრუ, გულისგამაწვრილებელ ტკივილზე არ ეფიქრა.

დადუმებული შავი მატარებელი თითქოს მიყინვოდა მიწაყრილს, იქ-იქ ფანჯრებში ჭრაქის სუსტი შუქი ციმციმებდა. ერთადერთი ფარანი ჭრიალით ქანაობდა ბოძზე. ავანგარდი ზოგჯერ შეხედავდა მას და, პირს იბრუნებდა. ბავშვობაში სწორედ ასე გახდა წითელათი ავად: დედა სიმღერით კერავდა, ის კი ლამპას შეჭყურებდა და უცებ შეაყრყოლა.

რა დრომ გაიარა, რაც ბაშკატოვი წავიდა?! საოცრად მიიზლაზნება საათი, დღე კი იწურება, არა. კი არ იწურება, მიფრინავს, გასაოცარი სისწრაფით მიფრინავს! და თითქოს თვალებს შავი ცხვირსახოცი ჩამოათარესო, უკვე ღამეა!...

შემდეგ კი სადგურის ერთადერთ განათებულ ფანჯარაში შუქი მქრქალდება იმიტომ, რომ მას შეუძმწვლად ეპარება რუხი განთიადი. ახლა უკვე ჩანს, როგორ მოძვრებიან ვაგონებიდან ადამიანები და იმართებიან, სევდით შეჭყურებენ ცას, დახეტიალობენ თოვლით ავსებულ რელსებს შორის, აგროვებენ თოვლს ჩაიდნებსა და ვედროებში.

ავანგარდი თბილანას კართან გაჩერდა, ზურგით ფიცარს მიეყრდნო. დაქანცულობით წარმოუდგენლად დამძიმებოდა მხრები, მთქნარებისაგან დაწვეები ეძაგრებოდა, პირი ეხეოდა, რაღაც მზეცური ღმუილით ამთქნარებდა. არაფერი არ უნდოდა ამქვეყნად ისე, როგორც ძილი. სიცხე და ჟრუოლა უვლიდა მთელ ტანში.

მან იგრძნო, რომ საჭირო იყო უკანასკნელი ძალ-ღონის მოკრება, რათა ფეხქვეშ ნიადაგი ეგრძნო — ეცოცხლა, ეცქირა, ვაგონებისთვის ეღარაჯნა, თორემ სადღაც ძირს, ორმოში ჩავარდებოდა...

მან ხელები ასწია, კარის სახელურებს ჩამოეკიდა. ტყვიის სიმძიმე მიწისკენ ეზიდებოდა...

შემდეგ თვალები გაახილა. გახევებული თითები გამწარებით მოეჭირა გაყინული რკინის სახელურისათვის. ავანგარდი შეეცადა გაეხსნა თითები, და

კენესა აღმოხდა. იმ წუთში სრულიად არ იცოდა, რა ხდებოდა გარშემო, ეკი-
და გაშეშებულ თითებზე და გონებაში ნაწილ-ნაწილ აღადგენდა ცხოვრების
სურათებს.

თითები აამოძრავა. სახელურს ჩამოსცილდა და ბრმასავით წავიდა წინ.
უდიდესი ძალის დაძაბვით, თითქოს ციკაბო აღმართზე ადისო, რამდენიმე
ნაბიჯი გადადგა, შეტორტმანდა, ხელები გაიქნია და დაიწყო წინ და უკან სი-
არული, როგორც საათის ქანქარამ. „პლომბები!“ — გაუელვა უცებ გამოცო-
ცხლებულ გონებაში. გაშმაგებით აუძვერდა გული; ყოველი ფეთქვა ტკივილს
ჰგვრიდა მთელ ტანში. პლომბები სრულ წესრიგზე იყო. მაშ, რაღა აწუხებდა
ახლა? ავანგარდი ნელა გაჰყვა ვაგონებს, ათვალეირებდა მავთულუბზე მიდუ-
ლებულ ტყვიის ღილებს, დაძაბულად ცდილობდა მესხიერებაში შემამფოთე-
ბელი. ნახევრად დავიწყებული რაღაც აღედგინა...

და ერთბაშად მოაგონდა: ცოტა ხნის წინათ, შეიძლება რამდენიმე წუთის
წინ. დაინახა ვიღაც შავხელთათმნიანი კაცი, რომელიც მახვილტუჩათი ეპარე-
ბოდა ვაგონს, გაიხსენა, როგორ დაუარა ტანში სიცხემ...

— ჩანს, მაინც მძინებია? სიზმარიც კი მინახავს! ცუდია! საძაგლობაა! —
თქვა ხმაშაღლა, ჩახრინწული, აკანკალებული ხმით.

ავანგარდი პირში ლითონის გემოს გრძნობდა, მუცელი გვრემდა. ბარბ-
კით მოუარა თბილანას, მიწაყრილზე ჩახოხდა შექირხლულ ბუჩქებში. თავზე
ბნელი ცა დაჰყურებდა. გაცრეცილი მთვარე ნასვრეტიდან გამომჰკრთალი
მიღეული შუქივით ბეუტავდა. უცებ თბილანების ბუფერებს შორის მწვანე
სინათლე აკიაფდა.

ავანგარდი აჩქარებით ამოვიდა უკანვე, წინ უკვე ბაშკატოვის მხიარულ
სახეს ხედავდა...

— ეს სასურსათო სახალხო კომისარიატისაა? — კითხულობდა ვიღაც
უცნობი. — ვინ არის აქ?

— მე ვარ! — ჩახლეჩილი ხმით დაიძახა ავანგარდმა და ბუფერებზე გა-
დაბობლდა, ძლივს იჭერდა თავს, რომ არ გადავარდნილიყო.

მან დაინახა კავალერისტის მაზარაში გამოწყობილი კაცი. უცნობს თავზე
ვარსკვლავიანი ქული ეხურა, ცხვირზე კი შავზონრიანი პენსნე ეკეთა. გვერ-
დით მთავარი კონდუქტორი ედგა ფარნით ხელში. ავანგარდი გასწორდა, რამ-
დენიმე გაუბედავი ნაბიჯი გადადგა.

— საბუთები! — წარმოთქვა სამხედრომ.

ავანგარდმა გაფიჩხებული თითები ჩაიყო ჯიბეში და კონვერტი ამო-
იღო.

— აბა, მომინათე! — უთხრა კონდუქტორს სამხედრო პირმა და დაიწყო

ქალაქების სინჯვა, რომელთაც თანდათან უბრუნებდა ავანგარდს. შემდეგ საველე ჩანთიდან რალაცნაირი ბლანკი ამოიღო და დააქცერდა, თან ძირს წამოსულ პენსნეს იმაგრებდა. — ეინაა აქ გამყოლი? ამხანაგი ბაშიკოვია?

— ბაშიკოვი?! — კითხვითვე მიუგო ავანგარდმა. — არა, ბაშიკოვი აქ არავინაა... აქ ბაშკატოვია!.. რა არის? როგორაა იქ საქმე?

ბაშკატოვის ხსენებამ, მისი გვარის გაგონებამ ავანგარდი გაახალისა, თითქოს უკვე ხედავდა ვაგონებისაკენ მომავალ ერემია პეტრეს ძეს, უნდოდა კიდევ შეეცინა მისთვის და ეთქვა — შენ აწი ბაშკატოვი კი არა, ბაშიკოვი ხარო!

— ეტყობა, რამდენიმე ასო აურევიათ! — თქვა სამხედრომ ისე, რომ ავანგარდის კითხვაზე არ უპასუხია. პირდაპირ შეხედა მას. — თქვენ რა, ამხანაგო, ავად ხართ?

ავანგარდმა შეხედა ორ მბრწყინავ მინას, რომლებიც უღლით ჩაქიდებოდნენ ცხვირს. „ოჰო, თქვენობითაც კი მომმართაეს!“ — გაიფიქრა მან. ეტყობოდა, ასე პირველად მიმართავდნენ მის ცხოვრებაში. ალბათ, ყველა, ვინც კი პენსნეს ატარებს, ძალიან ზრდილობიანია...“

— არა, მე ავად არა ვარ. — უპასუხა ავანგარდმა და თვითონ გაუკვირდა, რა დამაჯერებლად გამოძივიდა ნათქვამიო. — ველოდები ამხანაგს!

— ელოდებით ამხანაგს, — გაიმეორა სამხედრომ. ამ დროს ბაქნიდან დაიყვირეს:

— სმირნოვ! ტელეფონზე გეძახიან!

სამხედრო გაიქცა რელსებზე.

ავანგარდი თბილანას მიეყრდნო. მას თითქოს ვიღაცის უხილავი ხელი ჩასკიდებოდა საყელოში და შეუჩერებლად ანჭდრევდა.

— ასე როგორ წაყევი ვაგონებს? — მკაცრად ჰკითხა მთავარმა კონდუქტორმა. — შენ ხომ ძლივს დგახარ ფეხზე!

— არა უშავს რა, გაივლის! — მოკლედ უპასუხა ავანგარდმა და გვერდზე დაიწყო ცქერა.

მთავარმა კონდუქტორმა შპალზე დადგა პატარა ფარანი და ალაპარაკდა, თან მწუხარედ აქნევდა თავს.

— ეჰ, ყმაწვილო! ადრე ჩაბმულხარ ამ საქმეში! ჭერ კიდევ უმწიფარი ხარ, ჩემო ძმაო!.. წინათ შენისთანას ორ ბატს არ ჩააბარებდნენ...

ავანგარდმა უკვე მტკიცედ იცოდა, რომ ზოგიერთ ევრეთ წოდებულ უფროს ადამიანთან დავას არავითარი აზრი არ ჰქონდა. ასეთ ადამიანებს ან მოკრძალებით უნდა მოეკიდო და ელაპარაკო იმაზე, რაც მათ გაეგება, ან ერთბაშად უნდა გააჩერო.

— ეს წინათ იყო, ახლა სხვა დროა! — მიუგო მშრალად.

— ჰო, თქვენ სიტყვის თქმა არ გიკირთ! — მოიღუშა მთავარი კონდუქტორი და გაჩუმდა. — შენი ამხანაგი ცოლ-შვილიანია?

— მარტოხელაა! — უფრო მშრალად მიუგო ავანგარდმა. იმედი ჰქონდა, რომ კონდუქტორი მოშორდებოდა, მაგრამ ეტყობოდა, მას სათქმელი ჯერ კიდევ არ დაემთავრებინა.

— მაშასადამე, ბოგანო ყოფილა! ეს უკეთესიცაა, ერთს მოუხდება პასუხი აგოს!

ბრაზმორეულმა ავანგარდმა მხრები აიჩეჩა, მაგრამ არაფერი უთქვამს. მანც რა უცნაურია ხალხი! რისთვის უნდა აგოს პასუხი ბაშკატოვმა! მოიპარა რამე თუ?!

როგორც იქნა მთავარი კონდუქტორი წავიდა. მისი წასვლის შემდეგ ავანგარდი ისევ მიეყრდნო თბილანას კედელს, ფეხქვეშ მიწის მტკიცე საყრდენს აღარ გრძნობდა, ფეხებს თითქოს ძვლები გამოსცლოდა, ჩვარივით გახდომოდა. ფარნის ბოძი შექანდა მის თვალებში. როგორ უნდოდა ჩამჭდარიყო და ანთებული ქუთუთოები დაეხუჭა...

შეინძრა. უკვე ჰქონდა მცირე გამოცდილება, ერთ ადგილზე დგომა არ შეიძლებოდა, უნდა ემოძრავა.

— დიახ! — ხმამალა და მხნედ თქვა ავანგარდმა. — სწორედ ასე ვი-მოქმედებთ!

გათენდა.

ბოძზე მოჭრიალე ფარანი ღია ყვითელი ფერისა გახდა. ვაგზლის ფანჯარა შავ კედელზე უკვე ისე მკაფიოდ აღარ გამოირჩეოდა. კარიდან ბაქანზე პენსნიანი სამხედრო და მხრებგანიერი კომენდანტი გამოვიდნენ. ისინი დიდხანს გასცქეროდნენ მატარებელს, რაღაცაზე ლაპარაკობდნენ, შემდეგ ბოლო ვაგონისაკენ, პირდაპირ ავანგარდისაკენ გაემართნენ.

კომენდანტი ხარბად ქაჩავდა პაპიროსს. წაბლისფერი სახე წამოწებოდა. სამხედრომ მაგრად მოკუმა პირი და შემდეგ ავანგარდს უთხრა:

— ვფიქრობ, თქვენი შემზადება არ დამკირდება... საქმე ისაა, რომ ამხანაგი ბაშიკოვი...

— ბაშკატოვი! — გაუსწორა ავანგარდმა.

— დიახ, ამხანაგი ბაშკატოვი, — გაასწორა სამხედრომ. — ამხანაგი ბაშკატოვის მეოხებით ხელთ ვიგდეთ ტყვიამფრქვევი და სწრაფად განვიაარაღეთ ბანდა!.. უნდა ითქვას, რომ ამხანაგი ბაშკატოვი გმირულად დაიღუპა გაშმაგებულ მტერთან ბრძოლაში... — მაჯ სასწრაფოდ შეხედა ავანგარდს. — ჩვენ კიდევ ოთხი ამხანაგი დავკარგეთ ამ მატარებლიდან, მათ შორის ერთი ქალი,

რომლის გვარი ჯერ ვერ დავადგინეთ... მუშებისა და გლეხების სურვილით დაღუპულ მებრძოლებს სოფელ ტროიციკოეში ძმათა სასაფლაოზე დაკრძალავენ... ოპერაციაში მონაწილე ამხანაგები მალე მოვლენ. მოხოვთან ლიანდაგი აღდგენილია!

სამხედრო კიდევ რაღაცას ლაპარაკობდა, მაგრამ მისი სიტყვები ქარს მიჰქონდა. „დააზუსტეთ... შემდგომი...“ — ესმოდა ავანგარდს. ის მთელ ძალღონეს ძაბავდა, რომ მთლიანად გაეგო, რას ეუბნებოდა პენსნიანი კაცი, მაგრამ ყველაზე მთავარს მაინც ვერ ჩაწვდა.

— თქვენ ნამდვილად ავად ხართ, ამხანაგო! — უთხრა უცებ სამხედრომ. მან პენსნე მოიხსნა და წვრილი, ნათელი, კეთილი გამომეტყველების თვალები გამოუჩინდა. — გესმით, ამასთან ხუმრობა არ შეიძლება! ხანდახან მატარებლიდან პირდაპირ საგზაო პოსპიტალში ამოყოფენ ხოლმე თავს.

ავანგარდმა მუშტები მოკუმა და გაზრდილი ფრჩხილები ხელისგულებში შეესო.

— ისეთი არაფერი მჭირს, გაციებული ვარ... გაივლის! — მიუგო სამხედროს.

— იმედი გვექნება! შემდგომ რაიმე განსაკუთრებული არაფერია მოსალოდნელი! — სამხედრომ ისე დაუწია ხმას, თითქოს ჩურჩულებდა. — მინდა გაგაფრთხილოთ, რომ ჩატარდება გარკვეული ღონისძიება... ახლა ვაგონებიდან ყველას გამოვიყვანთ და გავსინჯავთ!.. ხალხი ცოტა გეყავს... ფხიზლად ადევნეთ თვალი, რომ მეორე მხრიდან ვაგონების სახურავზე ან ქვეშ არავინ დაიმალოს. იარაღი გაქვთ? — მან რევოლვერის ბუდეს დახედა. — ნაგანია? ვაზნები არის? ჩინებულია, თქვენი იმედი გვექნება...

ტელეფონთან ცოფებს ჰყრიდა ტყავისპალტოიანი კაცი, რევოლვერის ბუდე და კოგრიტი ზურგზე მოქცეოდა.

— ეშმაკმა წაგილოთ! — ჩაპყვიროდა ტელეფონში. — რა სადგურია? რა სადგური?

ავანგარდი მოაჯირზე გადაეყუდა, ხელში ქალაღის ფურცელი უძაგძაგებდა.

— დეპეშა...

— არ შეიძლება! — მოუხედავად უპასუხა ტელეგრაფისტმა. — აქ რიგს დღე-ღამეები ელიან. განსაკუთრებული განკარგულებაა საჭირო.

— მე განკარგულების გარეშე მინდა! — იყვირა ავანგარდმა. — ურიგო!... აი, ჩემი მანდატი!

იგი მტრულად შესცქეროდა ტელეგრაფისტს და პასუხს ელოდა.

— მოიტა! — უთხრა ტელეგრაფისტმა.

მან ავანგარდს ფურცელი გამოართვა და ზედ წამახული ფანქრით გაავლო მრუდე ხაზი.

დებეშა ასეთი იყო: „ბაშკატოვი დაიღუპა ბრძოლაში, სადგური ლიბსკაია, ვაგონები წესრიგზეა, მივდივარ მოსკოვისაკენ, ავანგარდი...“

გაიარეს მანსუროვო, გალშა, სეტკინო. გამოჩნდა ჩრდილოეთის წნორები. ყვავები დაფიქრებით ჩამომსხდარიყვნენ გზისპირა ბოძებზე. თოვლის ბურუსში გამოჩნდა ქალაქი რევდა. აქ მატარებელზე ხალხს იერიში მიჰქონდა. დაცვა ჰაერში ისროდა, ცვიოდა დამსხვრეული მინები...

სამი კაცი, რომელთაც ვეება ტომრები წამოეკიდებინათ, დიდხანს უტრიალებდა მიბმულ საბარგო ვაგონებს. ბოლო ვაგონთან უძრავად, თითქოს გაყინულაო, იდგა წითურქურთუციანი დაბალი ბიჭუნა და მძიმე ნაგანს ხელს უჭერდა.

სამმა უცნობმა ერთმანეთს რალაც გადაუჩურჩულა. ერთი ვაგონთან მივიდა.

— მე და ჩემი ამხანაგები ვფიქრობთ, — შემპარავად დაიწყო მან, — თუ თქვენ მაგ რალაცას მოგვაშორებთ... შევთანხმდებოდით... არის ერთი კარგი საქმე, თუკი მოსკოვში ჩავალთ...

ავანგარდმა მას ჩამოფხატული ქულის ქვემოდან შეხედა და უკან დაიწია.

— კარგი რა, კარგი!.. ისეთი ხომ არაფერი მითქვამს! — უთხრა მოსულმა.

განავრძეს გზა.

ავანგარდმა თავი დაანება კარის ამყოლზე ნაქდევების კეთებას; მას დღეების ანგარიში აერია. ღამით ეჩვენებოდა, თითქოს ვაგონებს პლომბებს აჭრიდნენ. გაშმაგებით წევდა მძიმე კარს. მაგრამ არაფერს ჩანდა. თოვდა... როცა იდგნენ, მაშინაც კი ეჩვენებოდა, რომ იატაკის ქვეშ ბორბლები კვლავ უკრავდნენ მჭახე. დაუსრულებელ მუსიკას.

— უმაგრდები? — შეიხედა მასთან მთავარმა კონდუქტორმა. — გამაგრდი! ახლა ისეთ ძღვენს მოგართმევ, თავის დღეში არ გენახოს... სწორედ ავადმყოფისთვისაა! კაკავას ეძახიან!.. აქ ერთ სპეკულანტ ქალს ჰქონდა... ჯაჭეჟი, ჰამე...

კვლავ ზედ საფეთქელთან რაკუნებდა ბორბლები. ავანგარდი ყურებს

იცობდა, ტომრებით თავპირს იხვევდა და უცნაურ სიმღერას ბლაოდა, რამ მოძალებული ბოღვა განერიდებინა.

ზოგჯერ ეგონა, კარგად ვნდებო; ასეთ წუთებში ავანგარდი ბაშკატოვზე ფიქრობდა: ლურსმანზე ჩამოკიდებული დარჩა წვეისაგან გაშავებული, მოხრილი ჩიბუხი; ბაშკატოვს ორომტრიალში მისი წაღება დავიწყებოდა. იგი ავანგარდს ეუბნებოდა ხოლმე: ჩიბუხი თოთხმეტი წლის აქეთ სულ თან დამაქვს, ჩემს ჩიბუხს კარგი თამბაქო უყვარს, წეკოსაგან კი ქსიტინებსო...



ვაგონებქვეშ ხელიკივით დაძვრებოდა გაზინთულქუთუკიანი კაცი და იძახდა:

— სათადარიგო საბმელი გაწყვეტილია! ღერძკოლოფები არ ვარგა!

ფორმის ქუდიანმა ჩასუქებულმა მელიანდაგემ ავანგარდს შეხედა და უთხრა:

— მოხსნა მოგვიხდება, ახალგაზრდავ! თქვენი ვაგონი მწყობრიდან გამოსულა!

ავანგარდი შეცქეროდა მელიანდაგის ვარდისფერ ღაბაბს, ნაოჭებდა რომ გადმოფენოდა მაგრად მოკერილ ბეწვის საყელოზე. მოეჩვენა, რომ ჩასუქებული მელიანდაგე დასცინოდა და თავიდან ფეხებამდე სინჯავდა. ავანგარდმა რევოლვერის ბუდეს შეავლო ხელი.

— შემდეგ როგორ იქნება საქმე? ეს ხომ პუტია!

— ვიცი! თანაგიგრძნობთ! — გაეღიმა მელიანდაგეს და სწორი, ჩასმული კბილები გამოუჩნდა. — მაღლობა ღმერთს, ჩვენც მშიერები ვართ... საბჭო-საბჭო ცუდად გვეკვებავს, ახალგაზრდავ... თავისუფალი ვაგონები კი არ გამჩნია. დიახ! არაფრის გაკეთება არ შემიძლია... შევაკეთებთ ვაგონს და შემდეგ წახვალთ!

— დიდი ხანი დასჭირდება შეკეთებას?

— ახალგაზრდავ, იმედი მაქვს, რომ თქვენ მთვარიდან არ ჩამოფრენილხართ და ყველაფერი, რასაც ირგვლივ ხედავთ, იმას გეუბნებათ და იმაზე დადადებს, რომ საბჭოთა ტრანსპორტზე გამეფებულნი არ ვეყავ... გზები ჩაჭედილია, აი, როგორაა ჩაჭედილი, — მან რამდენხელაღ შეეძლო ხელები გაშალა. — ათობით და ასობით ვაგონი ელოდებან რემონტს, გეფიცებით! ჩვენ ძალიან ვეცდებით! ასე ძლიერ ნუ მიეცემით სასოწარკვეთილებას, ახალგაზრდავ! თქვენ კაცის ფერი არ გადევთ!... აქ ახლან შევლანსველი სოფელი,

სიძველის მეტად საინტერესო ძეგლი... იქ დაბინავდით, დაათვალიერეთ სიძველენი, ჩვენ კი ამასობაში...

მან ქუდთან ხელი მიიღო და წავიდა.

ვაგზლის საათი ხუთის ნახევარს უჩვენებდა. კედელზე ეკიდა ჩამოხეული, დანესტიანებული პლაკატი. „ამხანაგო! — მოუწოდებდა პლაკატზე გამოხატული შამხანიანი წითელარმიელი. — რესპუბლიკა საფრთხეშია!“ დეპოსთან იდგა საერთაშორისო ვაგონი, რომელსაც ფანჯრები ჩამტვრეული ჰქონდა, სარკეები დამსხვრეული, დივნები დაგლეჯილი.

ავანგარდი თბილანაში შეძვრა და იატაკზე გაიშლართა. სიცხე წვავდა, კრუნჩხავდა, გულმუცელს უტრიალებდა. იგი დიდხანს ებრძოდა შეტევას...

თბილანას კარზე მაგრად დაარახუნეს; ავანგარდი მუჰისოდენად მოიკუმშა. „მოსახსნელად მოვიდნენ!.. მოვიდნენ მერე! სულ ერთია ნებას არ დავრთავ, სანამ მაგიერს არ მომკემენ!“ — მან გამშრალი, გახევებული ენა მოაბრუნა, გეგონებოდათ, კიდევ რომ ერთი სიტყვა თქვას, ენა პირში ჩაემსხვრევაო.

— ეი, გააღე, ყმაწვილო! — მოესმა მთავარი კონდუქტორის ხმა. — შენთან სტუმრები არიან!

ავანგარდმა ურდული გამოსწია და კარი ოდნავ გააღო. თბილანასთან მთავარი კონდუქტორი და რამდენიმე რკინიგზელი იდგა.

— ცუდ მასპინძლობას გვიწევს! — შესცინა წვეროსანმა რკინიგზელმა. — მაგრამ, ეგრე იყოს, ჩვენ არა გვწყინს... გექნება ვაგონი. ჩვენს უფროსს ისეთნაირად ვუთხარით, მაშინვე იშოვა... ტომრებს გადაეტივრთავთ და ჰაიდა, მოსკოვში!.. რასაკვირველია, ყველაფერს წესიერად გავაკეთებთ, შევადგენთ აქტს, დავლუქავთ!..

ისინი — ტანადნი, წვერმოშვებულნი, ქურთუკებში და ყურიან ქუდებში გამოწყობილნი — დათვებზე მონადირეებს ჰგავდნენ. პატარა, შექმუხვნილი, გაშავებული ავანგარდი მათ შორის ჩაიკარგა.



მთავარი კონდუქტორის ვარაუდით, — „თუ რაიმე განსაკუთრებული შემთხვევა“ არ იქნებოდა, — მოსკოვამდე სამი დღის სავალი გზა რჩებოდა. ამბობდნენ, რომ სადგურ ჩაიანოვოში უკანასკნელად შეცვლიდნენ ორთქლმავალს და სათბობს მოიმარაგებდნენ. მივიდნენ ჩაიანოვოში. აგურის პატარა, ლამაზი შენობა მზეს გაეჩახჩახებინა. ჭკები თოვლზე დახტოდნენ. წყალსაქაჩთან თოვლის ბაბუა იდგა. ბიჭუნები თვითნაკეთი თხილამურებით

სრიალებდნენ. მათ პატარა ფინია დასდევდათ და განუწყვეტლივ ყეფდა. სადგურის შენობებს უკან, ლურჯი ტყე მოჩანდა. საღდაც მოშორებით სახერხი ჭარხნიდან წივილ-ჭრიალი ისმოდა.

მატარებელი ის-ის იყო გაჩერდა, რომ ვაგონებს ჩამოუარეს გადამლობმა რაზმელებმა, რომლებიც საბუთებსა და ბარგს სინჯავდნენ. აქ უფრო მეტი წესრიგი იყო, იგრძნობოდა მოსკოვის სიახლოვე. სატრანსპორტო საგანგებო კომისიის აგენტები მკაცრ რიგს იცავდნენ.

დიდი ხნის შემდეგ ავანგარდმა თავი პირველად იგრძნო კარგად. მართალია, ყოველი ნაბიჯის გადადგმისას მუხლები ჭერ კიდევ უკანალებდა, მაგრამ სამაგიეროდ გონება ჰქონდა ნათელი. აიღო თოვლი, დააგუნდავა და მორზე მჯდომ ყვავს ესროლა. ძალდატანებისაგან წელი ეტკინა. „ძალიან დავსუსტებულვარ“, — გაიფიქრა და გამხდარ ხელს სინჯვა დაუწყაო. გულში ახლა სიხარული ედგა, სწამდა, რომ მოსკოვი ახლოს იყო და მისი ნაწვა ეღირსებოდა.

— მოქალაქე, ცხელ კვერს არ ინებებთ? — ჰკითხა მოვაჭრე ქალმა.

ავანგარდმა ერთი მუჟა მარილი მუჟ ყავისფერ ბრტყელ კვერსა და ხუთ მოყინულ ანტონოვის ვაშლზე გადაცვალა. დიდი ხანია აღარ უქამია ასე მაღიანად: „ჩანს, უკეთესად ვხდები“, — თქვა თავისთვის და მაგრად მოიფშვინტა გათოშილი ხელები.

მან თბილანებთან ჭერ კიდევ შორიდან შეამჩნია ვილაცეები. „კიდევ სინჯავენ, თუ რა არის?“ — გაიფიქრა და ნაბიჯს აუჩქარა. ყვითელულვაშებიანმა მალალმა კაცმა, რომელსაც გაცვეთილი ყელსახვევიდან გრძელი, დაძარღვული კისერი ამოეშვირა, ცნობისმოყვარეობით შეხედა მიახლოებულ ავანგარდს. გვერდით ედგა შაშხანებითა და ყუმბარებით შეჭურვილი ორი მაზარაინი ახალგაზრდა.

— აქ ვის დაეძებ, ამხანაგო?! — მიმართა მალალმა ავანგარდს.

— შენ ვილას დაეძებ?! — იმავე კილოთი ჰკითხა ავანგარდმა.

— ვეძებ გამყოლებს!.. არ იცი, ვინ მიყვება ამ ვაგონებს?

— მე მიყვები! თქვენ კი რა გინდათ? უკვე შეგვამოწმეს ღღეს!

— აჰა, მაშ, შენა ხარ... — იქნეულად თქვა მალალმა და ყურზე გადადებულ დიდი ძაფი, რომელიც სათვალეს უმაგრებდა, გაისწორა, — მაშინ ერთმანეთს საბუთები ვუჩვენოთ.

მან პალტო მოიხსრია და ავანგარდს ლილისფერბეჭდიანი ქალღლი გაუწოდა.

„ეძლევა ესე ამხ. ამხ. ფ. კალაჩს, მ. გუსევის, ი. ომელჩენკოს, — წაიკითხა ავანგარდმა, — სასურსათო სახალხო კომისარიატის მუშაეებს მასზედ, რომ ევალუბათ შეხედნენ და სასურსათო სახალხო კომისარიატის (მოსკოვი) მისა-

მართით ჩამოიყვანონ სურსათიანი ვაგონები №№... (ტორცევის რევეკომის, 1919 წ. 12/II-ის დებეშა), რაც ხელისმორწერებითა და ბეჭდის დასმით დასტურდება“.

ავანგარდმა ქალაქი წაიკითხა და მაღალს თავისი მანდატი და ტვირთბრათები წარუდგინა.

— ჩვენ უკვე გავეცანით ერთმანეთს, — უთხრა მაღალმა. — მე ამხანაგი კალაჩი ვარ, ეს ამხანაგები კი გუსევი და ომელჩენკოა, მუშები ვართ! დიდხანია აქ ვიცდით!.. ჭერ კიდევ სამი დღის წინათ გელოდით ტუმრიდან!

— ჰო, იქ დავბრკოლდით! ვაგონი მოხსნეს!

— ასე-ე; — თქვა კალაჩმა. — მაშ შევიდეთ თბილანაში, არა?

ავანგარდი მაინც აყოვნებდა.

— მაშ, თქვენ მოსკოვიდან ხართ?!

— აბა როგორ, ძვირფასო. პირდაპირ იქიდან! — უპასუხა კალაჩმა, პალტოს კალთები აიწია და გრძელი ფეხები უხერხულად აიჭინა.

ავანგარდმა ძლივს შეიკაფა სიცილი. „ესეც შენი კალაჩი! ეს უფრო მაკარონსა ჰგავს, ვიდრე კალაჩს!“



ავანგარდს ეჩვენებოდა, რომ დიდი ხანია ჩაიკარგა გზის დაუსრულებელ ორომტრიალში, რომ ვაგონები უმიზნოდ, უთავბოლოდ დახეტიალობენ რელსებზე, დიდსა და მცირე სადგურზე, და აი, შორეულმა მოსკოვმა თავისი თავი მოაგონა, — ბოლო ეღება მარტობას. კარგი იყო ახლა ლაპარაკი მოსკოველებთან, მათთან ჭდომა ცეცხლის პირას.

— ახლა სასურსათო სახალხო კომისარიატში წესრიგი დაამყარეს; იქ მუშები განაგებენ საქმეს, — უამბობდა კალაჩი. — რასაკვირველია, ყველას ერთბაშად ვერ გაჰოამქლავნებ, მაგრამ იქიდან მოწინააღმდეგენი, სპეკულანტები და სხვა ბნელი ედამიანები გამოორეკეს! ვლადიმერ ილიას ძე თვითონ ადევნებდა თვალყურს სასურსათო რაზმების გაგზავნას... ახლა, რაც მატარებლები დაიძრა, ცოტათი შეგვიმსუბუქდა ცხოვრება...

„ბურჟუელა“ ხჩოლავდა. კალაჩი ახველებდა, აცრემლებულ თვალებს იწმენდდა, მაგრამ ღუმელს მაინც არ შორდებოდა, თვალს ადევნებდა ქვებს, რომელშიც ავანგარდი ფეტვის ბურღულს ბარაქიანად ყრიდა.

— ფაფა წვენი როდია, იგი უნდა მოიშუშოს, ჩაშრეს, — განმარტავდა კალაჩი და ღუმელში ნაფორებს უმატებდა. — ქვეშ თანაბარი სიმსურვალე უნდა ჰქონდეს. მაშინ ყოველი კოშტი გაიხსნება და კარგი ფაფა დამზადდება.

¹ კალაჩი — ყურიანი პურის კვერი.

ავანგარდი სიამოვნებით უსმენდა. საქმეში გაწაფულობითა და დალაგებული საუბრით კალაჩი მას ბაშკატოვს აგონებდა. სწორედ ასევე იქდა ბაშკატოვი „ბურჟუელასთან“, ატრიალებდა შეშას თვითნაკეთი საჩხრეკით, ყვებოლა რაიმეს და იცინოდა...

— მზალ არის! — გამოაცხადა კალაჩმა და ფაფას უხვად მოაყარა მარლი. ვიღრე მარლი დნებოდა, სათვალე მოიხსნა და ჭიბიდან ხის კოვზი ამოიღო.

ქვაბიდან რიგრიგობით იღებდნენ და შეექცეოდნენ სქელ, ცხელ ფაფას, არ ერიდებოდნენ პირის დაწვას.

— კარგი ფაფაა! — თქვა კალაჩმა და უღვაშები მოილოკა. — დიდი ხანია ასეთი აღარ გვიჭამია... ჩვენთან იცი, როგორია? სულ წყალ-წყალას აკეთებენ... გაახვიეს თუთუნის, მოსწიეს. კალაჩი უღვაშებში ბუბუნებდა:

— მე კი, უნდა გამოგიტყდე, დაგინახე თუ არა, გუნებაში გავიფიქრე: ასეთ საქმეზე ბელურებს როგორ აგზავნიან? ეს, ხომ დაუფიქრებლობაა-მეთქი. ახლა ვგარძნობ ჩემს შეცდომას და მინდა ხელი ჩამოგართვა... აი ასე! და თუ, მეგობარო, ასეთმა ავადმყოფმა ყველაფერი დაძლიე, კაცი შენ ყოფილხარ და ქულიც შენ გხურებია. შენი სივამხდრე ძალიან სასარგებლოა. მსუქან ადამიანებს უჭირთ. მე თვითონ ვიავადმყოფე შარშან. ისეთი სიცხე მქონდა, ილიაში ამოჩრილი თერმომეტრი გამისკდა. ჩემმა მეგობარმა კი, ერთი მსუქანი კაცი იყო, ვერ გაძლო და მოკვდა...

მწყობრად კაკუნებდნენ ბორბლები ვაგონქვეშ. ახლა ეს კაკუნი ისე მძიმედ აღარ ეჩვენებოდა ავანგარდს. შეუძმჩნეელად გაირბინა დრომ კითხვა-პასუხებსა და ლაპარაკში.

— ჰო! — უთხრა კალაჩმა ავანგარდს, — მეცოდება შენი ამხანაგი! მაგრამ რას იზამ. მწუხარებაც გვიწევს, მსხვერპლის გაღებაც გვიწევს! უამისოდ ვერაფერს მოიპოვებ!

მოსკოვის შესახებ ის რაღაც განსაკუთრებული ღიმილით ლაპარაკობდა.

— მოსკოვი, იცი რა არის... სიტყვასაც ვერ გამოიხატავ. დედამიწის უპება? არა, ასე არაა, ეს სასაცილოა! შორეული ადგილებიდან ჩამოსულ ადამიანებს უკვირთ, რომ ასეთ ულუფაზე ვართ და მთელი ძალით ვმუშაობთ!.. შემდეგ ხედავ, რომ თვითონაც იქ რჩებიან. ამის მაგალითი რამდენიც გინდა, იმდენია. მოსკოვში დაძაბული, მჩქეფარე ცხოვრებაა. მიაღწევს ლენინამდე თუ არა, ვერაფერს გეტყვი. ამის თქმა წინასწარ შეუძლებელია...

კალაჩმა თვალები მოჭუტა:

— უდიდესი ადამიანია, მასზე ფიქრიც კი თავბრუს გახვევს... ხოლო ახლოს ისეთივეა, როგორებიც ჩვენა ვართ სულ ისეთი, გესმის? ლენინი ისე ახლოს მინახავს, როგორც შენ გხედავ, გვერდით ვმდგარავარ! ალბათ, ნახევარი საათი

იქნებოდა. სიტყვის დაწყების საშუალებას არ აძლევდნენ, ყველა ტაშს უკრავდა... მან საათი ამოიღო, ძალიან უკმაყოფილოდ დააქკერდა, დაელოდა, თითქოს ამბობდა, დრო, დრო მიდისო! ხალხი კი უფრო ფიცხად უკრავდა... არაფერი გამოვიდა!

„ბურჟუელა“ საამო სითბოს უშვებდა. ტოზრებზე მიწოლილი ომელჩენკო და გუსევი თვლემდნენ.

— ჩვენც ხომ არ მოგვეტყუებინა თვალი? — ჰკითხა კალაჩმა ავანგარდს. — დილას კი ღვთის წყალობით მოსკოვში ვიქნებით!



თბილანაში უკანასკნელ ღამეს ატარებს ავანგარდი. კუნაპეტი სიბნელეა. გვერდით ერთმანეთზე მიწოლილ მოსკოველებს სძინავთ. რომელიღაც მათგანი ცხვირით უსტვენს. უთუოდ კალაჩია; ალბათ, ძილშიც უყვარს ხუმრობა...

ავანგარდს შურდა მათი. უნდოდა, ღრმად დაეძინა და მოსკოვში გაეღვიძა, ძილი კი არ ეკარებოდა, მებსიერებაში ცხოვრების სურათები კრთებოდა... ძალიან დიდი ხნის წინათ ის კრუპატკინის კაბინეტში შევიდა. ტელეგრაფის ბოძებთან ერთად გარბენილი დღეები ერთ გაჭიანურებულ მძიმე დღედ ერთდებოდა; მხოლოდ ბაშკატოვი ედგა ნათლად თვალწინ, მხრებგანიერი, ხალისიანი კაცი, რომლის მაზარას არღვეული სამხრეების კვალი აჩნდა.

„ძილია საჭირო“, — ეუბნებოდა თავის თავს ავანგარდი და თვალებს ხუჭავდა. მაგრამ სიბნელეშიც, თბილანას კედელს იჭითაც ხედავდა, როგორ გარბოდნენ ბოძები და ჭინურები, როგორ მიიწვედა დათოვლილ ველზე მატარებლის ჩრდილი.

თბილანას მოგრძო სარკმელში უკვე განთიადის შუქი აღწევდა. ავანგარდს კი მაინც არ ეძინა. როცა მატარებელი დადგებოდა, სევდისგან გული ეკუმშებოდა. ისევ გაჩერება! ალბათ, ისევ რომელიღაც ძელური ვაგზალია და მის უკან თეთრი გაშლილი ველი. ნეტავ რამდენ ხანს გავჩერდებით აქ?

გათენდა. იდგა დილის სუსხი. მაზარაწაფარებულ მოსკოველებს კი ღრმად ეძინათ. კალაჩი იწვა, გამხდარი ფეხები მოეკუნტა, ლოყაზე ქუდი ჩამოფხატოდა. ქუდქვემოდან უჩანდა გრძელი, დაღრეკილი ცხვირი, რომელიც გვერდიდან მამლის ბიბილოს წააგავდა. მოულოდნელად კალაჩი წამოაჯდა, შეიჭმუნა, დაბუყებული ფეხი დაიზილა.

— არ გძინავს? ფხიზელი ყოფილხარ! შემძილია დანამდვილებით გითხრა, რომ ახლა შეიდის ნახევარია... მე ამ დროს თითქოს ეკლები მესობა ზურგში!

ოცდაშვიდ წელიწადს საყვირის ხმაზე ვდგებოდი!.. აბა, ვაეკაცებო! — დაუძახა თავის ამხანაგებს, — აღეკით, მოვედით!

ვაეკაცები კი განაგრძობდნენ ხვრინვას.

— ეი, ფაფა მზადაა! აღეკით!

მაზარის ქვემოდან აბურძგნილმა თავმა წამოიწია.

— ფაფაზე ყოჩაღად არიან, — გაიცინა კალაჩმა.

მან ამხანაგებს რაღაც გრძელი საუბარი წამოუწყო, მიმართავდა ავანგარდს, მაგრამ მას არაფერი ესმოდა. უცქეროდა, როგორ მოცურავდნენ სოფლის შენობათა სახურავები, იოკებდა რაღაცნაირ შინაგან შფოთვის, ბუნდოვან შიშს; ბორბლების ყოველ ბრუნზე მოსკოვი ახლოედებოდა.

— გატყობ, ლელავ, მეგობარო! — გაულიმა კალაჩმა. — უეჭველად, როცა პირველად უახლოვდები დედა-მოსკოვს, თავბრუ გეხვევა! მახსოვს, მეც არ ვცილდებოდი ფანჯარას... ეს დიდი ხნის წინათ იყო... ყველგან პოლიციელები, ურმები, ბაზრები ჩანს, ეკლესიებში ზარებს რეკავენ... მე კი კედელ-კედელ მივდივარ და ვფიქრობ: „ღმერთო ჩემო, ერთი მიმართულებით მაინც მიდიოდნენ, თორემ ვისაც როგორ უნდა, ისე დადის!“.

ავანგარდი თვალმოუშორებლად იცქირებოდა ღია კარში. გამოჩნდა პირქუში საწყობები, მიწაში ჩამჭდარი ვაგონები, რომლებიც ვეებერთელა უსახელო ჩემოდნებს ჰგავდნენ. შორით აგურის დაბალი სახლების თავებზე საკვამურები აილანდა, ძირს კი მოსკოვის ქუჩაა. ავანგარდმა პირველად დაინახა თავის სიცოცხლეში ტრამვაი. ტრამვაი შეშინან ვაგონს მიაჭროლებდა. მის რკალზე მწვანე ნაპერწკლები ჩნდებოდა.

გზას განაგრძობდნენ.

ვაგზლის წინ ფართო ლიანდაგი, ფოლადის რელსები, დეპოს კოლოფის-მაგვარი ქვის გრძელი შენობა გამოჩნდა. და აი თბილანას თავზე ცა ჩამობნელდა, ექომ დაიგუგუნა მინიან თაღებქვეშ.

— მოვედით! — თქვა კალაჩმა.

— როგორ თუ მოვედით? სულ ესაა?

— სულ! — დაუდასტურა კალაჩმა. — იქით კედელია! ჩიხია!

ავანგარდი ბაქანზე გადმოხტა. ბაქანი გემბანივით ირწეოდა მის ფეხქვეშ. მინის სახურავის ჩატეხილ ადგილებში თოვლის გუნდები ცვიოდა. ავანგარდმა მანიშნებელს შეხედა: „ქალაქში გასასვლელი!“ — ეწერა ზედ.

ვაგზლის კედლებს იქით ყრუდ ხმაურობდა მისთვის ჭერ უცნობი მოსკოვერი დღე.

ავანგარდი უძილო ღამის შემდეგ რაღაცნაირ, განსაკუთრებულ სიმსუბუქეს გრძნობდა. თითქოს წონა დაკარგაო. ხელს აწერდა აქტებსა და უწყობებს ტვირთის ჩაბარების შესახებ, ერთბაშად პასუხობდა ათობით კითხვაზე, შეამოწმა, როგორ გადმოიღეს ყუთი. მის გარშემო ხალხი შეგროვილიყო. ესალმებოდნენ, მხრებზე ხელს უპარტყუნებდნენ.

ავანგარდი გვერდით ხედავდა კალაჩის მოლიმარ სახეს; მას გააცნეს სასურსათო სახალხო კომისარიატის რწმუნებული, უზომოდ მაღალი კაცი, რომელსაც ყურებამდე შემოზრდოდა ყავისფერი ჭაგარი. ვიღაც ყვიროდა, ვაგონები საწყობებთან ჩააყენეთო.

შემდეგ ავანგარდი მოხვდა სადგურის ბნელ ოთახში, რომელშიც იატაკი ნახერხით იყო მოფენილი. ოთახში მუხის მაგიდეები იდგა. სასურსათო სახალხო კომისარიატის წარმომადგენელმა კრემლის კომენდანტს დაურეკა და შეატყობინა. ურალელი დელეგატი ჩამოვიდა და თან მუშებისა და წითელარმიელების მიერ გამოგზავნილი ლენინისათვის გადასაცემი საჩუქარი აქვს ჩამოტანილიო. „რა გვარი ხარ?“ — სწრაფად ჰკითხა მან. ავანგარდს ენა დაება.

— ავანგარდი... მალცევი!

— ანგარ მალეცი! — ჩაჰყვირა რწმუნებულმა მიღწი, მერე მიუბრუნდა ავანგარდს და უთხრა: — კრემლიდან ახლავე გამოგზავნიან ტრანსპორტს!

უცნაურმა გრძნობამ შეიპყრო ავანგარდი. ნუთუ მასზე ლაპარაკობენ ახლა? ნუთუ ის, სწორედ ის იმყოფება მოსკოვში? ავანგარდს კვლავ აუფართქალდა გული რაღაცნაირი გამოუცნობი მღელვარებისაგან...

შემოვიდა მარდი კურსანტი, იკითხა, სად არის ამხანაგი დელეგატიო. ავანგარდი რომ დაინახა, ჩაიცინა.

ვაგზლის შესასვლელის წინ მოედანზე სატვირთო მანქანა თუხთუხებდა, ეტყობოდა, მსუბუქი მანქანა გადაეკეთებინათ. ყუთი ფრთხილად ჩადეს კაბინაში. მანქანა დაიძრა, უკან სულისშემხუთავ კვამლს ტოვებდა. მიდიოდნენ უკაცრიელი ქუჩებით, გვერდს უვლიდნენ თოვლით დაფარულ, ხეებგაძარცვულ ბულვარებს.

ავანგარდი აქეთ-იქით იტყირებოდა, კურსანტებს ეხუმრებოდა: გული რაღაცნაირი მზიარულებით ევსებოდა. თავში უკვე უტრიალებდა სადა და მრავალმეტყველი სიტყვები, რომლებიც შემდეგში უნდა წარმოეთქვა.

გავიდნენ ფართო მოედანზე. წინ აღიმართა კრემლის დაკბილული კედლები და კოშკები. დათოვლილი მოედანი მანქანების თვლებს დაესერა.

ქიშკართან მათ სამხედრო მიუახლოვდა, შოფერს რაღაცა ჰკითხა და ხელი დაიქნია. მანქანა ქიშკარში შევიდა.

— ყუთს რა ვუყოთ? — აფორიაქდა ავანგარდი, რომელიც კურსანტების შემდეგ გადმოვიდა მანქანიდან.

— ნუ დარდობთ, ამხანაგო დელეგატო! ყუთს დანიშნულებისამებრ მიიტანენ. ახლა აი, აქეთ!.. საშვი და სანდამუშავეების ტალონი უნდა აიღოთ!

ავანგარდს უნდოდა ყველა წვრილმანი ენახა და დაემახსოვრებინა, მაგრამ ყველაფერი აქეთ-იქით მიქროდა და ვერ გრძნობდა, რომ კრემლში იმყოფებოდა.

დიდი ხანი არ იყო, რაც ეს სიტყვა მის წარმოდგენაში წარმოსახავდა მრისხანე ციხე-სიმაგრეს, რომელსაც ჰქონდა ბასტიონები, სათოფურები, ასაწვევი ხილები, ზარბაზნები, ხოლო დოლების ბრახუნზე იქ ჯარი დადიოდა. მაგრამ იგი ქალაქის ქუჩაზე, ჩვეულებრივი სახლების გვერდით მიაბიჯებდა, ქვაფენილზე ფეხებს მიაბაკუნებდა. არსად არაფერს სამხედრო იერი არა ჰქონდა, თუ არ ჩავთვლით ბორბლებმოგლეჯილ ზარბაზანს, რომელიც გალავანთან ეგდო მორებისა და დამტვრეული ავტოების გვერდით.

საშვის ბიუროში ავანგარდმა ყველა თავისი საბუთი წარადგინა, სკოლის მოწმობაც კი, რომელზეც თვითნაკეთი ბეჭედი იყო დასმული. ბიუროს უფროსმა, რომელსაც წარბებს შორის ღრმა ნაოჭი გასჩენოდა, ურალელ დელეგატს გაუღიმა და რამდენიმე მოკლე კითხვა მისცა. მალე ავანგარდს საშვი ჩააბარეს და მან ამაყად ჩაუარა იქ მომლოდინე ადამიანებს, რომლებმაც დანციფრებით და თითქოს შურითაც კი შეხედეს ურალელ დელეგატს.

შემდეგ გაიარა „სანდამუშავება“. ვიწრო აბანოში მთელი კასრი ცხელი წყალი (ცივი რამდენიც უნდოდა იმდენი იყო), ხმელი ოფიჭო და თევზის სუნიანი საპნის ნაჭერი მისცეს.

ავანგარდი გაისაპნა, სკამზე ჩამოჯდა და ერთბაშად გულის სიღრმიდან მომდინარე მწვავე სულიერი ტკივილი იგრძნო. გაიფიქრა, რომ აქ, მის გვერდით ახლა ბაშკატოვიც უნდა იყოს, ადგაფუნებდეს წყალს და თავის ლამაზ თვალებს და კბილებს აელვარებდეს: ყველაფერი კარგადაა, ჩამოვიდნენ მოსკოვში, სრული წესრიგით ჩააბარეს ტვირთი, მოვიდნენ აბანოში... ავანგარდს თითქოს რაღაც ჩაუდნა შიგნით, მოეხსნა ყელში წაჭერილი ყინულის სალტე, და უხმოდ, თავისთვის ატირდა. თავზე წყალი ესხმებოდა. ასე, რომ ვერავინ ვერ დაინახავდა მის ცრემლებს.

აბანოს შემდეგ ავანგარდი კომენდანტთან შეიყვანეს. კომენდანტი წასვლას აპირებდა. მან გაუღიმა, ხელი მაგრად ჩამოართვა.

— ყოჩაღ, ამხანაგო! ურალიდან, არა? დიდხანს იარე?! ოჰო! ბევრი გივლია! დაჯექი დაისვენე! დივანზე დაჯექი, აქ უფრო რბილად იქნები...

ავანგარდი დაჯდა. ირგვლივ ყველაფერი — ოთახიც, დივანიც, მუშაბაგადაფარებული მაგიდაც, სკამებიც ძალზე უცნაურად ეჩვენებოდა.

— ყუთი ვლადიმერ ილიას ძის ბინაში მიეიტანეთ! — უბრალოდ უთხრა კომენდანტმა. — გაქვს კიდევ რაიმე დავალება?

ავანგარდმა ჯიბიდან საბუთები და წერილი ამოიღო.

— კარგი, თან იქონიე! სამდივნოში გადასცემ... მანამდე კი აქ მოეწყვე, როგორც საკუთარ სახლში, მოისვენე... სამზარეულოში წყალია! სანდამუშავება გაიარე? კეთილი! დეიდა ნიუშა!.. გაუწიეთ შეფობა! — გასძახა კომენდანტმა კარებში. — ჩვენ გავარკვევთ, როგორია ვითარება და შეგატყობინებთ!

მარტო დარჩენილი ავანგარდი, თითქოს ეშინია ვინმე არ გააღვიძოსო, ფეხაკრეფით მივიდა სარკესთან. ცნობისმოყვარეობით შეხედა თავის თავს, მოისინჯა შუბლი, ნიკაპი, ლოყები. სახე შეცვლოდა, სიციხიანს უგავდა, ქუთუთოები გაწითლებოდა. ქორფლი კი უფრო გაფართოებოდა, განსაკუთრებით ერთი, ცხვირის წვერზე. იქნებ ასე იმიტომ ეჩვენება, რომ ძალიან ანლოს უყურებს თავის თავს? ავანგარდი ოდნავ მოშორდა სარკეს. ამ დროს კარი გაიღო. ავანგარდი შეცბა და ხველება დაიწყო. შემოვიდა წითელთავსაფრიანი მოხუცებული ქალი, რომელსაც ქვაბი მოჰქონდა. მას კომენდანტიც შემოპყვა.

ქალმა ქვაბი მაგიდაზე დადგა.

— ჭამე! — უთხრა კომენდანტმა. — დაჯექი და ჭამე, ნუ მოგერიდება!

ავანგარდი მაგიდას მიუჯდა. ქვაბში ქაშაყის თავები და მოხარშული გამხმარი სტაფილოს ნაჭერი ცურავდა. თევშზე პურის ორი თხელი ნაჭერი იდო.

— საქმე ასეა, — უთხრა კომენდანტმა. — ახლა სახკომსაბჭოს სხდომა მიმდინარეობს, სხდომა ღამემდე გასტანს... ასე რომ, ღღეს აღარაფერი გამოვა! შეიძლება ხვალ იქნეს მიღება. აქ კიდევ ერთი დღეღეგაციიაა, ზელენინის თემის წარმოგზავნილები არიან ჩამოსული, ხვალ ყველაფერი გამოირკვევა!

კომენდანტმა საათს დახედა.

— მაპატიე, ამხანაგო, უნდა გავიქცე. შეიძლება საღამოს გამოვნახო დრო და ვილაპარაკოთ! აქ გაზეთები და ყურნალებია, თუ გასურს! თუ არა და დაწექი და მოისვენე... მოკლედ, ისე მოიქეცი, როგორც შენმა ჭკუამ და გონებამ გიკარნახოს...

კომენდანტი წავიდა. ავანგარდმა ოთახში გაიარა, ჩამოჯდა დივანზე, უჩვეულო სიჩუმე იდგა, — არავითარი ხმა არ ისმოდა გარშემო. ავანგარდს უნდოდა ასე გაუძირველად მჯდარიყო, ხარბად ესმინა ამ გასაოცარი, უჩვეულო, ტკბილი სიჩუმისათვის, რომელიც თითქოს ნელა ეხებოდა და უაღერსებდა.

ისიც დიდხანს იჯდა გაუნძრევლად, ნახევრად თვალებდახუჭული და გრძობდა სიმშვიდეს, რაც დიდი ხანია არ განეცადა.

უცებ მქახედ აწკარუნდა ტელეფონი. ავანგარდი გულაძგერებული წამოხტა: რა ქნას? ის ხომ უცხოა აქ!.. ზარი კი რეკავდა დაჟინებით, მომთხოვნად, თითქოს ხედავდა, რომ ტელეფონთან კაცი იდგა და არ უპასუხებდა. ავანგარდი ხის ყუთთან მივიდა, ყურმილი აიღო. ყურში ხორხისმიერი, დანჯღრეული ხმა ჩაესმა:

— ვინ არის ტელეფონთან?

— ეს... — ავანგარდმა პერი ჩაყლაპა. — ეს... დელეგატია... რომელიც... ურალიდანა!

— ა-ა-ა, ამხანაგო დელეგატო... კომენდანტი ლაპარაკობს. როგორა ხარ, ხომ არ მოგწყინდა? როგორც შეეთანხმდით, დღეს დაისვენე! მალე ვახშამს მოგიტანენ!

ავანგარდმა ყურმილს დახედა, ჩაეცინა და დაკიდა. გარეთ ჩამოხნულდა. მოპირდაპირე სახლის კედელზე დაკიდებული მბეუტავი ნათურა აინთო. მამსასადამე, ახლოვდება ხვალინდელი დღე...

შემოვიდა წითელთავსაფრიალი ქალი, ხელში პატარა ლანგარი ეჭირა.

— რატომ ზიხართ სიბნელეში? სინათლე უკვე მოგვეს! — ალერსიანად უთხრა ავანგარდს და ჩამრთველი გადაატრიალა. — დაჯექით, ივანშმეთ!

ქალმა მაგიდაზე პურისნაპკრიანი თეფში და რალაც შავი სითხით სავსე კიქა დადგა.

ავანგარდმა მორიდებულად ჰკითხა:

— ეს კრემლის სასადილოდანა?

— იქიდანაა! დაჯექით, კამეთ!

ავანგარდი ცდილობდა ყოველი ლუკმის გემო განეცადა და ამიტომ ნელა ქამდა პურის ბურახისაგან დამზადებულ კისელს. ქალმა კი ამ დროს ბალიში, ზეწარი, საბანი მოიტანა და ფართო საწოლზე ლოგინის გაშლას შეუდგა. ავანგარდმა საწოლს ერთგვარი შიშით შეხედა. ნუთუ ეს მისთვისაა?

— კომენდანტმა შემოგიფალათ, რომ დაწვეთ და დაიძინოთ! — ღიმილით უთხრა ქალმა. — ხოლო როცა დაწვებით, არ დაგავიწყდეთ სინათლის ჩაქრობა, რომ ტყუილუბრალოდ არ ენთოს... თუ კომენდანტი მოვიდა, ისიც აქვე ტახტზე დაწვება... ჩვენთან ხშირად ათევენ ღამეს სტუმრები!

ქალმა მაგიდიდან ჰურკული ააღა და გავიდა. წასვლისას ავანგარდს ძილი ნებისა უსურვა.

ავანგარდმა შეხედა ლოგინს, თეთრ ბალიშს, თეთრი ზეწრის კიდეს. რომელიც საბნის ქვემოდან მოჩანდა, გამორთო სინათლე. ნელა შეძვრა საბანქვეშ.

თავი რბილ ბალიშზე დადო. სიამოვნებას ჰგვრიდა სუფთა საცვლები, რომელიც თვითონ გაირეცხა თბილანაში და მოსკოვისთვის ინახავდა. მალე დაეუფლა პროტენტილობა, უდუნუბოდა თითები. და აი, ბალიშქვეშ, ზედ ყურთან ახმაურდა ბორბლები, და, ავანგარდი რხევით დაიძრა მძიმე რახარაში...



კომენდანტმა ყურადღებით შეხედა მის წინ მდგომ წითურტყაპუქიან პატარა კაცს. იგი იბუზებოდა და ისე სუნთქავდა, როგორც ყინვაში. გვეგონებოდათ, რომ ახლა დაიწყებს კბილების კაწკაწსო.

— ჩაი დალიე!..

— არა, არ შემიძლია! — დახშული ხმით უპასუხა ავანგარდმა.

კომენდანტმა გამამხნეველად დაჰკრა ხელი ბეჭზე:

— ნუ ღელავ, ჩვენებურო, ნუ ნერვიულობ!.. ვლადიმერ ილიას ძესთან აოლია ლაპარაკი. ის კიდევაც გისმენს და კიდევაც გეკითხება... ნუ აჩქარდები, მშვიდად უპასუხე და ყველაფერი რიგზე იქნება.

ავანგარდმა მღუმარედ დაუქნია თავი.

— წავედით! — თქვა კომენდანტმა. — დანიშნულია თერთმეტი საათის-თვის!..

რამდენიმე საგუშავო გაიარეს. აფრინდა ლიფტი — ავანგარდისათვის ჯერ არნახული, უცნაური რამ. ერთი კი შეხედა მას დაბნეულად და მაშინვე დაივიწყა.

შემდეგ შევიდა ნათელ ოთახში, სადაც ქალღლებით სავსე უბრალო მაგი-ლები და სკამები იდგა, ისმოდა საბეჭდი მანქანების კაკუნი.

მაგიდასთან მჯდარმა ქალმა ავანგარდს შეხედა, მიესალმა და მიიპატიჟა:

— დაბრძანდით, ამხანაგო!

ავანგარდი სკამის კიდეზე ჩამოჯდა. უნდოდა დაეხველებინა, მაგრამ ყელში რაღაცამ წაუჭკირა.

ქალმა მოკლედ ჰკითხა, საიდან ჩამოხვედი, ვინ გამოგგზავნა, რა მიზნით მოხვედიო.

— გინდათ რამე გადასცეთ ამხანაგ ლენინს?

ავანგარდმა ამოიღო კონვერტი და რევეკომის ბეჭედდასმული ქალღლი.

— ცოტა ხანს იჯექით! მე ახლავე დავბრუნდები!

ქალმა გამოართვა წერილი, ქალღლი და მეზობელ ოთახში გავიდა. ავანგარდმა შიშნეულად, ჩუმად ჩაახველა. ამან არ უშველა — ყელში ისევ უჭერდა რაღაც. ავანგარდმა შეხედა კარს, რომელშიც ქალი შევიდა. მას წარ-

მოუდგა ერთმანეთზე მიყოლებული ოთახების დაუსრულებელი რიგი, სადღაც. ბოლოში კი — უზარმაზარი დარბაზი, იქ ლენინი იჯდა... „შესაძლოა არც კი შემიშვან — უბრალოდ კონვერტს გადასცემენ და ამით გათავდება ყველაფერი!“

ავანგარდი ჯიბეში ძველებურ სპილენძის შაურთან შეეხო, რომელსაც ყოველთვის თან ატარებდა და ჩაუთქვა: „თუ აღჩუ იქნა, — შემიშვებენ, თუ თონანი — არა!“

გაიღო ოთახის კარი. ავანგარდი გაწითლდა, ფული ხელიდან გაუვარდა, იატაკზე გაიწკრიალა და სკამქვეშ შეგორდა. მოეჩვენა, რომ ქალი დამცინავად უცქეროდა და საქციელს არ უწონებდა... „ავიღო შაურთან თუ არა“, — ფიქრობდა შეშფოთებული.

— შეგიძლიათ შეხვიდეთ ვლადიმერ ილიას ძესთან! — უთხრა ქალმა. — აქეთ მობრძანდით!

ავანგარდი ადგა, კარისკენ რამდენიმე გაუბედავი ნაბიჯი გადადგა, სახე-ლური მოსწია, კარი არ გაიღო. უმწეოდ მოიხედა.

ქალმა გაიღიმა, სახეზე გულკეთილი გამომეტყველება აესახა.

— შიგნით შეაღეთ!

ავანგარდმა კარი შეაღო და დადგა. თვალისმომჭრელი სინათლის ნაკადი იფრქვეოდა გაკრიალებული მინებიდან. ურალელი თვალებს ქუტავდა, წინ ვერაფერს ხედავდა.

— შემოდით, ამხანაგო, დაჯექით! — მოესმა სასიამოვნო, ოდნავ ჩახრინ-წული ხმა. — ახლავე გათავისუფლებები!

მაშასადამე, არავითარი ოთახები და დარბაზები არ ყოფილა. რამდენიმე ნაბიჯია იმ მაგიდამდე, რომელსაც ლენინი უზის.

ავანგარდი სავარძლამდე მივიდა და ჩაჯდა. სავარძელი რბილი და ძალიან ღრმა იყო. მაგიდის პირი მისი თვალების სისწორეზე აღმოჩნდა და რაც პირველად დაინახა, იყო ურალის ქვისაგან გაკეთებული საწერი მოწყობილობა, რომელიც მზის სხივებზე ბზინავდა. გვერდით კონვერტი იღო.

ამ ნივთების დანახვამ, რომლებიც ავანგარდთან ერთად ასე დიდხანს მოგზაურობდა, ყმაწვილი დაამშვიდა. მან თვალეები მალა ასწია და ლენინი დაინახა. ლენინი მალაზურგიან სკამზე იჯდა, გადახრილიყო, ტელეფონის მილი ყურზე მიედო და დაძაბულად ისმენდა; მისი ფანქრიანი ხელი სწრაფად მოძრაობდა ქაღალდზე.

ავანგარდმა ფრთხილად, თითქოს ეშინია არ იხმაუროსო, თავი მიაბრუნა და მიიხედ-მოიხედა. ოთახში ჩანდა წიგნებიანი კარადები და თაროები, ტყავის დივანი, ჩარჩოში ჩასმული მარქსის სურათი, კედლებზე დიდი გეოგრაფიული

რუკები ეკიდა. ოთახი სულ მათი სკოლის სამასწავლებლოს ჰგავდა, მხოლოდ აქ უფრო მეტი კარი იყო — სამი კარი. ერთი კარის უკან ტელეგრაფის აპარატის კაქუნი ისმოდა.

ავანგარდმა კვლავ მალულად შეხედა ლენინს. სწორედ ამ დროს ლენინი სკამის ზურგზე გადაწვა და გაიცინა: „არ შეგიძლიათ გადაეჩვიოთ სიმაგრის ნიშანს? თქვენც, ჩემო კეთილო, საგანგებოდ წაივარჯიშეთ შინ!“ მან დადო ყურმილი. ადგა და ავანგარდს ხელი გაუწოდა.

— გამარჯობათ, ამხანაგო! მაპატიეთ, რომ გაცდევინეთ!

ლენინი თვალებს კუბტავდა და ილიმებოდა, თეთრი, რბილი საყელო ოღნავ გვერდზე მოქცეოდა.

ავანგარდმა მხიარულად და განცვიფრებით შეხედა. მშფოთვარება, რაც ილიდანვე უწუხებდა გულს, უკვალოდ გაუქრა.

— რით დავიწყეთ! — უთხრა ლენინმა. — დღეს ჰამეთ რამე? ისაუზმეთ?.. მხოლოდ სიმართლე მითხარით!

ეს კითხვა ავანგარდისათვის მოულოდნელი იყო. მოუხშირა წითური წამწამების ხამხამს. რა ქნას? პირველი სიტყვიდანვე იცრუოს? ხომ უნდა უპასუხოს...

— დიახ, ვისაუზმე! — მიუგო გაბედულად. — ჩაი დავლიე კომენდანტთან!

— მართალს ამბობთ? — გამომცდელად შეხედა ლენინმა. — მაშინ თავისუფლად დაჯექით და ვილაპარაკოთ! — მაგიდაზე რაღაც მოძებნა. — ბოდინში, გვარი დამავიწყდა.

— მალცევი... ავანგარდი! — უთხრა და ისე გაწითლდა, კორფლი აღარ ეტყობოდა.

ლენინმა კი თითქოს ვერაფერი შეამჩნია, ალერსიანად ჰკითხა:

— რამდენი ამხანაგი ახლდა ვაგონს?

— ორნი ვახლდით!.. — მხნედ დაიწყო ავანგარდმა და გაჩუმდა. მეტი ვერაფრის თქმა შეძლო. პირდაპირ ისრებით დახაზული რუკა ეკიდა. ავანგარდმა ურალის ქედის კლაკნილ ხაზს შეავლო თვალი. სადღაც აქ დაიწყო მისი გზა... და მის გონებაში ერთბაშად წამოხვავდა ჭაყყაყით გატარებული დღეები და ღამეები. როგორ უნდა უამბოს ყოველივე იმის შესახებ, რაც გზაში გადახდა?!

მაგრამ ეშველა. სწრაფმა, მოკლე კითხვებმა ავანგარდი სწორ გზაზე დააყენა, დალაგებით ამბობინა ყოველივე. და მიდგა ჯერი იმ ამბავზე, როგორ შეამჩნიეს სადგურ ლიასკაიაში ხანძრის ალი შორს, ტყის თავზე, როგორ წავიდა ბაშკატოვი მხარზე შაშხანაგადაკიდებული...

— დიახ, ძვირად გვიჯდება! — თქვა ლენინმა. მას თვალეები დაუწვრილდა,

გაუქურხდა, თითები ფანჯარს მოუჭირა. — არ უნდათ პურის მოცემა... — დასძინა ნელა და მუქარით. — შიმშილით უნდათ დაგვამარცხონ!..

„აი, ლენინმა ბაშკატოვის ამბავი გაიგო“, — გაიფიქრა ავანგარდმა.

ლენინმა რაღაც ჩაინიშნა გადაშლილ რვეულში, ყურადღებით შეხედა თანამოსაუბრეს.

— თქვენ ცუდად გამოიყურებით! — მოულოდნელად უთხრა. — დაილაღეთ? ავად ხართ?

— არა, მე ძალიან კარგად ვარ! — აჩქარებით უპასუხა ავანგარდმა. — არ დავდლილვარ, არა!

ავანგარდი გრძნობდა, რომ ეს მოკლე, სწრაფი კითხვები მისი ცხოვრების სრულყოფილ უფრო ახლო და ახლო ტრიალებდა. ჩუმად ამოიხვნეშა კიდეც... სწორედ ასეა, — ლენინი ეკითხება მშობლებზე, სკოლაზე, რომელ კლასშია, როგორ მეცადინეობს...

— დავამთავრე სამკლასიანი სკოლა... — ჩამწყდარი ხმით დაიწყო ავანგარდმა. ახლა ის აწვალებდა, რომ საუბარი აქაც ამ აურიდებელ, მძიმე თემას შეეხო. — შემდეგ შევედი ქალაქის ოთხკლასიან სასწავლებელში! გადავედი მეოთხე კლასში... შემდეგ სწორედ ამ დროს რევოლუცია მოხდა... ხოლო შემდეგ...

— გაგიტაცათ პოლიტიკურმა მოღვაწეობამ! — დააბოლოვა მის მაგიერ ლენინმა.

— დიას! — დაბნეულად დაეთანხმა ავანგარდი და თითქოს როგორღაც რბილ სავარძელში ჩაიკარგა. შემდეგმა კითხვამ შეიძლება იმ ჩამორჩენილ მოწაფედ აქციოს, რომელიც ორ წელიწადს იჯდა უერთ კლასში.

მაგრამ კითხვები, რომლებსაც მას აძლეოდნენ, თითქოს რუკაზე დახატული ისრებივით გაიფანტნენ აქეთ-იქით. „არიან მესაბოტაყენი მასწავლებელთა შორის? — ეკითხებოდა ლენინი. — ეძლევათ თუ არა მოსწავლეებს საუზმე? როგორია მოსწავლეთა შემადგენლობა? რა პოლიტიკური მუშაობა მიმდინარეობს მოსწავლეთა შორის და ვინ მეთაურობს მას?“

ავანგარდს თვალები უბრწყინავდა. ეს ხომ მისი ცხოვრებაა!

მაგრამ სწრაფი და ზუსტი კითხვები კვლავ წარიმართა მთავარი თემისაკენ. როცა ავანგარდი უყვებოდა, თუ როგორ დემონსტრაციულად გაწყვიტეს ურთიერთობა მათ, კომკავშირელმა მოწაფეებმა მოგ-თან, ლენინი დაიხარა და გაუმეორა კითხვა:

— ვისთან გაწყვიტეთ?

ავანგარდმა აუხსნა, რომ მოგ-ი მოწაფეთა გაერთიანებაა, მაგრამ იქ

სკაუტებმა, ყოფილმა გიმნაზიელებმა მოიკალათეს, რომლებიც ცეკვისა და ფანტის თამაშის გარდა არაფერს აკეთებენ...

მას გაახსენდა ფრაზა რეზოლუციიდან, რომელიც კომკავშირის სამაზრო კომიტეტმა გამოიტანა: „მოგ-ი ვენებს ჩვენს კლასობრივ შეგნებას და გვაცი-ლებს პროლეტარულ რევოლუციას!“

ლენინმა თვალი მოკუტა:

— ვინ თქვა ეს?

— ჩვენ თვითონ! — ამაყად უპასუხა რეზოლუციის ერთ-ერთმა ავტორმა.

— აზრი სწორია, მაგრამ ნაბიჯია არასწორი! — სერიოზულად უთხრა ლენინმა. — არ უნდა გამოსულიყავით გაერთიანებიდან! პირიქით, ყოველ კრებაზე უნდა გემხილებინათ მთელი ეს ობივატელური სისულელე... აგეხსნათ ახალგაზრდობისათვის, ვის გაყოლოდა იგი... მეთანხმებით?

ავანგარდი დუმდა. მას ყურებმა დაუწყო წვა.

— ნებას მომცემთ მოურიდებელი კითხვა მოგკეთ? — ოდნავ გაიღიმა ლენინმა. — რამდენი წლისა ხართ?

ისრები კვლავ შებრუნდნენ, ახლოს მიადგნენ ავანგარდს.

— მალე თექვსმეტისა ვიქნები! — უპასუხა იდუმალი სევდით.

— მალე თექვსმეტის! — გაიმეორა ლენინმა. — შესანიშნავია!.. ცხოვრე-ბის დასაწყისია. მაგრამ უკვე ბევრი რამაა განცდილი და შეცნობილი! მოძებ-ნილია სწორი გზა! — ლენინს თვალები გაუბრწყინდა. — თეთრგვარდიელებს მალე მოვუღებთ ბოლოს, დავიწყებთ აღდგენას, შენებას... თქვენ ხომ ურ-აღივლი ხართ?! — სწრაფად ჰკითხა ლენინმა ავანგარდს. — იცით, რა უნდა გა-მოხვიდეთ? — მან სიხარულით შეხედა ყმაწვილს და თვითონვე უპასუხა თა-ვის კითხვას. — სამთო ინჟინერი! აუცილებლად! ვისწავლით! — უთხრა მგზნე-ბარედ. — ყველანი დავიწყებთ სწავლას!

გულატოკებულ ავანგარდს გაეღიმა. გაახსენდა თავისი მეგობრები, იარაღში ჩამჯდარი ბიჭები. თვითონაც მხოლოდ ერთ რამეზე ფიქრობდა: ცხენზე, რომელიც ლაგამს ღრღნის, ერთ ადგილზე ექმუტავს და მოუთმენლო-ბისაგან დორბლებს ჰყრის, კაზაკის ნაბაღზე, ან მაგრად ღვედებშემოკერილ გიმნასტურაზე, მხარზე გადაკიდებულ ხმალსა და პლანშეტზე, ისე როგორც იმ წითელ მეთაურს ჰქონდა, რომელიც ტორცოვში საყოველთაო სამხედრო სწავლების მოწაფეთა პარადს იღებდა.

მაგიდაზე დაბალი ბანით ახმიანდა ტელეფონი. ლენინმა ყურმილი აიღო.

— კარგი! — თქვა და აღმაცერად დახედა საათს. — ახლა თორმეტის ოცდაჩვიდმეტი წუთია!.. სრულ თორმეტზე! გააფრთხილეთ, არ დაიგვიანონ.

ხმა გაისმა მკვეთრად, მბრძანებლურად. ავანგარდი უნებლიეთ მოიწურა საგარძელში: „რას ვზივარ? უნდა წავიდე“.

ლენინმა ყურმილი დადო და მისკენ მიბრუნდა. მას წელანდელი სიმკაცრის ნატაშალიც არ ეტყობოდა:

— პროლეტუტი ძალიან ბევრი მომიტანეთ, იმდენია, ვერც მოერევა კაცი! — თვალები მსიარულად ჰქონდა მოწყურული. — მაგრამ პროტესტს არ ვაცხადებ... ჩვენ გეყავს სუსტი, ავადმყოფი ბავშვები და სწორედ იმათ გამოვკვებავთ... თქვენ კი ამ ქურთუქში არ გცივათ? — ერთბაშად ჰკითხა ავანგარდს. — არ იყინებთ?

— ვინ? მე? ავანგარდს ჩაეცინა. — ჩვენ, ურალელები. შეჩვეული ვართ ყინვას!

— ეს კარგია! — გაეღიმა ლენინს. ბლოკნოტი მიიწია და რალაცის წერა დაიწყო ისე, რომ ლაპარაკი არ შეუწყვეტია.

— მე აქ პატარა ბარათს ვწერ ტორცოვის რეკომს, ამხანაგ წითელ-არმიელებსა და მუშებს. მათი დახმარება ჩვენთვის ფასდაუღებელია. ამ შესანიშნავი ნივთისთვისაც... — საწერ მოწყობილობას გადახედა, — დიდი მადლობა... სასიამოვნოა. როცა იცი, რომ იგი ჩვენს საბჭოთა ფაბრიკაშია გაკეთებული.

როცა კონვერტი დააწება. მაგიდიდან ქალაღი აიღო და ხმამაღლა წაიკითხა:

— ტორცოვის რეკომი... საჭიროებს... საგაზეთო შრიფტს. კლიშეს... ხელით საბჭედ მანქანას... ლიტერატურას... პლაკატებს! კმ!

ლენინი ჩაფიქრდა. სამელნეში ფრთხილად ჩააწო კალამი და რამდენიმე სიტყვა დაწერა.

— ისევ და ისევ ამხანაგ სვერდლოვს ვუგზავნი... ყრულ თქვა და კალამი დადო. კაბინეტში მხოლოდ საათის წიკწიკი ისმოდა. — ის ხომ ურალელი მუშაია... აუცილებლად მოისურვებდა თქვენს ნახვას.

ლენინმა ქალაღი ნელა გადადო გვერდზე და ბლოკნოტიდან სხვა ფურცელი ამოხია

— ასე! — თქვა და მაგრად მოისრისა მალაღი შუბლი. — ეს სამდიენოში გადაეცით! შევეცდებით დავაკმაყოფილოთ ყველა თქვენი თხოვნა...

ავანგარდი საგარძლიდან წამოდგა. დროა გამოვემშვიდობო, წავიდეო.

ლენინი წამოდგა და მიუახლოვდა.

— გინდათ, დაისვენოთ მოსკოვის ახლოს? ცოტა სულს მოითქვამთ!

ავანგარდმა შეხედა მის გვერდით მდგომ კაცს, მის დაქანტულ მოყვითალო შეავკრემან სახეს. მის გამჭრიახ. მოელვარე თვალებს.

— არა, ამხანაგო ლენინ. უკან უნდა გავბრუნდე! მელოდებოან!
ლენინი უფრო მიუახლოვდა.

— როცა ჩახვალ, — უთხრა ხმადაბლა. — გადაეცი ამხანაგებს, ისწავლონ
უთხარი, რომ მე ვთხოვ...

— ვეტყვი, — უპასუხა ავანგარდმა და აჩქარდა. სული მოებჯინა ყელში,
ცრემლები მოაწვა.

ლენინმა კარამდე მიაცილა და მაგრად ჩამოართვა ხელი.

— ნახვამდის, ურალელო, გზა მშვიდობისა!

ს ა რ ჩ ე ვ ი

| | |
|--------------------------------|----|
| . დღევანდელი დღის შთაბეჭდილება | 3 |
| ნავი წინ! | 9 |
| არ დავიწყებია | 16 |
| ახალგაზრდა ამხანაგი | 22 |
| . ყველაზე სანუკვარი | 29 |
| სახალხო კომისრის მდივანი | 36 |
| ახალი კოსტუმი | 45 |
| საიდუმლოება | 53 |
| . გზად, მოსკოვისაკენ | 61 |
| მალე თექვსმეტისა ვიქნები | 72 |